

LIBELLUS PRECUM



Petite et dabitur vobis; quaerite et inventis; pulsate et aperietur vobis. Omnis enim qui petit, accipit et qui quaerit, inventit et pulsanti aperietur. (Mt 7,7-8)

Vigilate et orate, ut non intretis in tentationem. (Mt 26,41)

Attendite autem vobis ne forte graventur corda vestra in curis huius vitae. Vigilate itaque omni tempore orantes. (Lc 21,34.36)

Spe gaudentes, in tribulatione patientes, orationi instantes. (Rom 12,12)

Orationi instate, vigilantes in ea in gratiarum actione. (Col 4,2)

Sine intermissione orate, in omnibus gratias agite. (1 Thess 5,17-18)



ORATIONES PRINCIPALES

In nomine Patris

IN nōmine Patris, et Fīlii, et Spíritus Sancti. Amen.

Pater Noster

PATER noster, qui es in cælis, sanctificétur nomen tuum: advéniat regnum tuum: fiat volúntas tua, sicut in cælo et in terra. Panem nostrum quotidánum da nobis hódie: et dimítte nobis débita nostra, sicut et nos dimíttimus debitóribus nostris: et ne nos indúcas in tentaciónem: sed líbera nos a malo. Amen.

Ave María

AVE, María, grátia plena; Dóminus tecum: benedicta tu in muliéribus, et benedictus fructus ventris tui Jesus. Sancta María, Mater Dei, ora pro nobis peccatóribus, nunc et in hora mortis nostræ. Amen.

Credo

CREDO in Deum Patrem omnipoténtem, Creatórem cæli et terræ, et in Iesum Christum, Fílium Eius unicum, Dóminum nostrum, qui concéptus est de Spíritu Sancto, natus ex Maria Virgine, passus sub Pónvio Piláto, crucifixus, mórtuus, et sepultus, descéndit ad íferos, tértia die resurréxit a mórtuis, ascéndit ad cælos, sedet ad déxteram Dei Patris omnipoténtis, inde ventúrus est iudicáre

Symbolum Nicaeno-Constantinopolitanum 7

vivos et mórtuos. Et in Spíritum Sanctum, sanctam Ecclésiam cathólicam, sanctórum communiónem, remissiónem peccatórum, carnis resurrecciónem, vitam ætérnam. Amen.

Symbolum Nicaeno-Constantinopolitanum

CREDO in unum Deum, Patrem omnipoténtem, factórem coeli et terræ, visibílum ómnium et in-visibílum. Et in unum Dóminum Iesum Christum, Fílium Dei unigéni-tum. Et ex Patre natum ante ómnia saecula. Deum de Deo, lumen de lúmine, Deum verum de Deo vero. Génitum, non factum, consub-stantiálem Patri: per quem ómnia facta sunt. Qui propter nos hómines et propter nostram salútem descén-dit de coelis. Et incarnátus est de

Spíitu Sancto ex María Vírgine: Et homo factus est. Crucifíxus étiam pro nobis: sub Póntio Piláto passus, et sepúltus est. Et resurréxit tértia die, secúndum Scriptúras. Et ascéndit in coelum: sedet ad déxteram Patris. Et íterum ventúrus est cum glória iudicáre vivos et mórtuos: cuius regni non erit finis. Et in Spíritum Sanctum, Dóminum et vivificántem: qui ex Patre Filióque procédit. Qui cum Patre et Fílio simul adorátur et conglorificá-
tur: qui locútus est per Prophétas. Et unam sanctam cathólicam et apostóli-
cam Ecclésiam. Confítetur unum bap-
tísma in remissiónem peccatórum. Et exspécto resurrectiónem mortuórum.
Et vitam ventúri saeculi. Amen.

Symbolum Athanasium

QUICÚMQUE vult salvus esse, *
ante ómnia opus est, ut téneat
cathólicam fidem:

Quam nisi quisque íntegram invio-
latámque serváverit, * absque dúbio
in æténum períbit.

Fides autem cathólica hæc est: *
ut unum Deum in Trinitáte, et
Trinitátem in unitáte venerémur.

Neque confundéntes persónas, *
neque substántiam separántes.

Alia est enim persóna Patris, ália
Fílii, * ália Spíritus Sancti:

Sed Patris, et Fílii, et Spíritus Sancti
una est divíntas, * æquális glória,
coætérna maiéstas.

Qualis Pater, talis Fílius, * talis Spíri-
tus Sanctus.

Incréatus Pater, increátus Fílius, * in-

creátus Spíritus Sanctus.

Imménsus Pater, imménsus Fílius, *
imménsus Spíritus Sanctus.

Ætérnus Pater, ætérnus Fílius, *
ætérnus Spíritus Sanctus.

Et tamen non tres ætérní, * sed unus
ætérnus.

Sicut non tres increáti, nec tres im-
ménsi, * sed unus increátus, et unus
imménsus.

Simíliter omnípotens Pater, om-
nípotens Fílius, * omnípotens Spíri-
tus Sanctus.

Et tamen non tres omnipoténtes, *
sed unus omnípotens.

Ita Deus Pater, Deus Fílius, * Deus
Spíritus Sanctus.

Ut tamen non tres Dii, * sed unus est
Deus.

Ita Dóminus Pater, Dóminus Fílius, *
Dóminus Spíritus Sanctus.

Et tamen non tres Dómini, * sed unus est Dóminus.

Quia, sicut singillátim unamquámque persónam Deum ac Dóminum confitéri christiána veritáte compéllimur: * ita tres Deos aut Dóminos dícere cathólica religióne prohibémur.

Pater a nullo est factus: * nec creátus, nec génitus.

Fílius a Patre solo est: * non factus, nec creátus, sed génitus.

Spíritus Sanctus a Patre et Fílio: * non factus, nec creátus, nec génitus, sed procédens.

Unus ergo Pater, non tres Patres: unus Fílius, non tres Fílii: * unus Spíritus Sanctus, non tres Spíritus Sancti.

Et in hac Trinitáte nihil prius aut postérius, nihil maius aut minus: * sed totæ tres persónæ coætérnæ sibi sunt

et coæquáles.

Ita ut per ómnia, sicut iam supra dictum est, * et únitas in Trinitáte, et Trinitas in unitáte veneránda sit.

Qui vult ergo salvus esse, * ita de Trinitáte séntiat.

Sed necessárium est ad ætérnam salútem, * ut Incarnatióne quoque Dómini nostri Iesu Christi fidéliter credat.

Est ergo fides recta ut credámus et confiteámur, * quia Dóminus noster Iesus Christus, Dei Fílius, Deus et homo est.

Deus est ex substántia Patris ante sæcula génitus: * et homo est ex substántia matris in sæculo natus.

Perféctus Deus, perféctus homo: * ex ánima rationáli et humána carne subsístens.

Æquális Patri secúndum di-

vinitátem: * minor Patre secúndum humanitátem.

Qui licet Deus sit et homo, * non duo tamen, sed unus est Christus.

Unus autem non conversióne di-
vinitatis in carnem, * sed assumptióne
humanitatis in Deum.

Unus omníno, non confusióne sub-
státiæ, * sed unitáte persónæ.

Nam sicut ánima rationális et caro
unus est homo: * ita Deus et homo
unus est Christus.

Qui passus est pro salúte nostra: de-
scéndit ad íferos: * tértia die resur-
réxit a mórtuis.

Ascéndit ad cælos, sedet ad déx-
teram Dei Patris omnipoténtis: * inde
ventúrus est iudicáre vivos et mó-
tuos.

Ad cuius advéntum omnes hómines
resúrgere habent cum corpóribus

suis; * et redditúri sunt de factis
própriis ratiónem.

Et qui bona egérunt, ibunt in vitam
ætérnam: * qui vero mala, in ignem
ætérnūm.

Hæc est fides cathólica, * quam
nisi quisque fidéliter firmitérque
credíderit, salvus esse non póterit.
Amen.



ORATIONES QUOTIDIANÆ

Preces matutinæ

*Mane a somno excitatus statim ad Deum
mentis oculos converte, et muniens te
signo sanctæ Crucis, dic: In nōmine
Patris, et Fílii, et Spíritus Sancti.
Amen. Deinde junctis manibus ante pec-
tus dic: Benedicta sit sancta et indi-
vidua Trinitas, nunc, et semper, et per
infinita sæculorum sæcula.*

Pater noster. Ave, Maria. Credo.

DIGNÁRE, Dómine, die isto,
sine peccáto nos custodíre. *
Miserére nostri, Dómine, mis-
erére nostri. * Fiat misericórdia tua,
Dómine, super nos, quemádmodum
sperávimus in te.

Iam Lucis

ITEM lucis orto sídere,
Deum precémur súpplices,
Ut in diúrnis áctibus
Nos servet a nocéntibus.

Linguam refrénans témpore,
Ne litis horror ísonet:
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia;
Carnis terat supérbiam
Potus cibíque párcitas.

Ut, cum dies abscésserit,
Noctémque sors redúixerit,
Mundi per abstinentiam
Ipsi canámus glóriam.

Deo Patri sit glória,

Eiúsque soli Fílio,
Cum Spíritu Paráclito,
Nunc et per omne sǽculum.
Amen.

Domine Deus omnipotens

DÓMINE Deus omnípotens, qui ad princípium huius diéi nos perveníre fecísti: tua nos hódie salva virtúte; ut in hac die ad nullum declinémus peccátum, sed semper ad tuam iustítiam faciéndam nostra procédant elóquia, dirigántur cogitatiónes et ópera. Per Dóminum nostrum Iesum Christum, Fílium tuum: qui tecum vivit et regnat in unitáte Spíritus Sancti Deus, per ómnia sǽcula sǽculórum. Amen.

Dirigere et sanctificare

DIRÍGERE et sanctificáre, régere et gubernáre dignáre, Dómine Deus, Rex cæli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum: ut hic et in ætérmum, te auxiliánte, salvi et líberi esse mereámur, Salvátor mundi: Qui vivis et regnas in sácula sæculórum. Amen.

Concede mihi

CONCÉDE mihi, misericors Deus, quæ tibi sunt plácita, ardénter concupiscére, prudénter investigáre, veráciter agnoscere, et perfécte adimplére ad laudem et glóriam Nómnis tui. Ordina, Deus meus, statum meum et quod a me requíris, ut fá-

ciam, tríbue ut sciam; et da éxsequi sicut opórtet et éxpedit ánimæ meæ.

Da mihi, Dómine Deus meus, inter próspera et advérsa non defícere, ut in illis non extóllar, et in istis non déprimar. De nullo gáudeam vel dóleam, nisi quod ducat ad te, vel ab-dúcat a te. Nulli placére appetam, vel displicére tímeam nisi tibi.

Viléscant mihi, Dómine, ómnia transitória, et cara mihi sint ómnia ætérrna. Tædeat me gáudii quod est sine te, nec áliud cúpiam quod extra te. Deléctet me, Dómine, labor, qui est pro te; et tædiósa sit mihi omnis quies, quæ est sine te.

Da mihi, Deus meus, cor meum ad te dirígere, et in defectióne mea cum emendatiónis propósito constánter dolére.

Fac me, Dómine Deus meus,

oboediéntem sine contradictióne,
páuperem sine deiectóne, castum
sine corruptióne, patiéntem sine
murmuratióne, húmilem sine fic-
tióne, hílarem sine dissolutiόne,
matúrum sine gravédine, ágilem
sine levitáte, timéntem te sine des-
peratióne, verácem sine duplicitáte,
operántem bona sine præsumptiόne,
próximo corripere sine elatiόne,
ipsum ædificáre verbo et exémplo
sine simulatiόne.

Da mihi, Dómine Deus, cor pérvigil,
quod nulla abdúcat a te curiosa cog-
itatio: da nóbile, quod nulla deórsum
trahat indígnā afféctio; da rectum,
quod nulla seórsum oblíquet sinistra
inténtio: da firmum, quod nulla fran-
gat tribulatiό: da líberum, quod nulla
sibi víndicet violénta afféctio.

Largíre mihi, Dómine Deus meus,

intelléctum te cognoscéntem, diligén-
tiam te quæréntem, sapiéntiam te
inveniéntem, conversatióne tibi
placéntem, perseverántiam fidén-
ter te expectántem, et fidúciam te
fináliter amplecténtem. Da tuis poe-
nis hic afflígi per pæniténtiam, tuis
benefíciis in via uti per grátiam, tuis
gáudiis in pátria pérfrui per glóriam:
Qui vivis et regnas Deus per ómnia
sæcula sæculórum. Amen.

Benedictio et meditatio

DÓMINUS nos benedícat, et ab
omni malo défendat, et ad vi-
tam perdúcat ætérnam. Et fidélium
ánimæ per misericórdiam Dei re-
quiéscant in pace. Amen.

*Deinde ad oratorium genuflexus, hæc
quatuor puncta breviter et devote med-*

itare:

1. Dei in te beneficia communia et particularia pensabis: et pro iis gratias ages, maxime pro transactæ noctis custodia.
2. Offeres te et omnia tua, præcipue quæ illo die acturus es, in holocaustum et hostiam laudis et gratitudinis.
3. Omnium peccatorum tuorum, et præsertim illius noctis, veniam deprecatus, firmiter propones vitam emendare, et Deum eo præsertim die non offendere in hac aut illa præcipue occasione.
4. Ad id divinam fratiam humiliter implorabis, teque B. Virgini, Angelo tuo Custodi Sanctisque commendabis.

Preces vespertinæ

Te lucis

TE LUCIS ante téminum,
Rerum Créator, póscimus,
Ut pro tua cleméntia
Sis præsul et custódia.

Procul recédant sómnia,
Et nóctium phantásmata;
Hostémque nóstrum cómprime,
Ne polluántur córpora.

Præsta, Pater piíssime,
Patríque compar Únice,
Cum Spíritu Paráclito
Regnans per omne sáculum. Amen.

Examen conscientiæ

*Corde et animo coram Deo prostratus,
sequentia puncta breviter meditare:*

1. Redde gratias Deo, qui te ille die vivum servavit, et a multis periculis liberavit.

2. Diligenter considera, vocata ad examen conscientia, quid eo die cogitasti, quæ locutus es, et quæ fecisti. Quod facile perficies, si videbis attente, ubi fuisti, et cum quibus conversatus es.

3. In quibus te deliquisse reperies, ex toto corde dolebis, et veniam a Deo postulabis cum emendationis et sacramentalis confessionis proposito.

4. Dei gratiam ad emendationem vitæ, ejusque ea nocte protectionem contra omnia corporis et animæ pericula devote implorabis.

Initium S. Evangelii s. Joannem

Initium sancti Evangélii secúndum
Joánnem.

IN PRINCÍPIO erat Verbum, et Verbum erat apud Deum, et Deus erat Verbum. Hoc erat in princípio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hóminum: et lux in ténebris lucet, et ténebræ eam non comprehendérunt. Fuit homo missus a Deo, cui nomen erat Joánnes. Hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine. Erat lux vera, quæ illúminat omnem hóminem veniéntem in hunc

mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fíeri, his, qui credunt in nómine ejus: qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. Et Verbum caro factum est, et habitávit in nobis: et vídimus glóriam ejus, glóriam quasi Unigéniti a Patre, plenum grátiae et veritátis.

R. Deo grátias.

Visita, quæsumus

VÍSITA, QUÁSUMUS Dómine,
habitatióne istam, et omnes
insídias inimíci ab ea longe repélle:
Angeli tui sancti hábitent in ea, qui
nos in pace custódiant; et benedictio

tua sit super nos semper. Per Christum Dóminum nostrum. Amen.

In cubili positus dic:

BENEDÍCTIO Dei omnipoténtis Patris, et Fílii, et Spíritus Sancti descéndat super me et máneat semper. Amen.



VARIÆ OCCASIONES

Sanctum Rosarium

Signum crucis. Credo. Pater noster.
Ave Maria (*ter*).

Petitio: Adáugeat Dóminus in nobis fidem, corróboret in nobis spem, perfíciat in nobis caritátem.

Ad grana maiora: Pater noster.

Ad grana minora: Ave Maria.

Ad finem decadum: Glória Patri. Sicut erat.

℣. O María, sine labe origináli concépta, ℹ. Ora pro nobis, qui ad te confúgimus.

℣. Dómine Jesu, parce nobis pecáta nostra, salve ab igne inférni, conduc in cælum omnes áimas, ℹ. Præsértim eas quæ misericórdiæ tuæ máxime índigent.

Ad finem Rosarii: Sub tuum
præsídium (p.162), vel Salve, Regína,
(p.165).

¶. Ora pro nobis, sancta Dei
Génetrix. R. Ut digni efficiámur
promissióníbus Christi.

In nómine Patris, et Fílii, et Spíritus
Sancti. Amen.

1. Annuntiátió Incarnatiónis Christi.

Caeléstis aulæ Núntius,
Arcána pandens Núminis,
Plenam salútat grátia
Dei Paréntem Vírginem.

*2. Visitátió Beátæ Mariæ Virginis ad S.
Elisabeth.*

Virgo propínquam sanguine
Matrem Ioánnis vísitat,
Qui, clausus alvo, géstiens
Adésse Christum núnktiat.

3. Natívitas Salvatóris nostri.

Verbum, quod ante sæcula
E mente Patris pródiit,
E Matris alvo Vírginis,
Mortális Infans náscitur.

4. Oblátio Christi in templo.

Templo puéllus sístitur,
Legíque paret Légifer,
Hic se Redémptor páupere
Prétio redémptus ímmolat.

5. Invéntio púeri Iesu inter doctóres.

Quem iam dolébat pérditum,
Mox læta Mater ínvenit
Ignóta doctis méntibus
Edisseréntem Fílium.

6. Orátio et agonía Christi in horto.

In monte olívis cónsito
Redémptor orans prócidit,
mæret, pavéscit, déficit,
sudóre manans sanguinis.

7. Flagellatio crudelis.

A proditore tráditus
raptatur in pœnas Deus,
durisque vinctus néxibus,
flagris cruentis cæditur.

8. Coronatio acerbissima spinarum.

Intéxta acútis séntibus,
coróna contuméliæ,
squalénti amictum púrpura,
Regem corónat glóriæ.

9. Baiulatio Crucis ad Calvarium montem.

Molis crucem ter árdueæ,
sudans, anhélans, cócidens,
ad montis usque vérticem
gestare vi compéllitur.

10. Crucifixio et mors in ligno Crucis.

Configitus atro stípite
inter sceléstos ínnocens,
orando pro tortóribus

exsanguis efflat spíritum.

11. Resurréctio Christi a mortuis.

Iam morte, victor, óbruta
ab íferis Christus redit,
fractisque culpæ vínculis,
cæli reclúdit límina.

12. Ascénsio eius in cælum.

Visus satis mortálibus
ascéndit ad cælestia,
dextræque Patris ássidet,
consors patérnæ glóriæ.

13. Missio Spíritus Sancti in discípulos.

Quem iam suis promíserat,
Sanctum datúrus Spíritum,
linguis amóris ígneis
mæstis alúmnis ímpluit.

*14. Assúmptio Beátæ Mariæ Virginis in
cælum.*

Solúta carnis póndere

ad astra Virgo tollitur,
excēpta cæli iúbilo
et Angelórum cánticis.

15. Coronátio eiúsdem Beátæ Mariæ Virginis.

Bis sena cingunt sídera
Almæ Paréntis vérticem,
throno propínqua Fílii
cunctis créatis ímparat.

Mysteria luminosa

1*. Baptísma apud Iordánem.

2*. Autorevelátiō apud Cananénse
matrimónium.

3*. Regni Dei proclaimátio coniúncta
cum invitaménto ad conversiónem.

4*. Transfigurátio Dómini.

5*. Eucharístiæ institútio.

Corona Divinæ Misericordiæ

Pater Noster. Ave, Maria. Credo.

Ad grana maiora:

PATER ÆTÉRNE, óffero tibi Corpus et Sanguinem, ánimam et divinitátem dilectíssimi Fílii Tui, Dómini nostri, Iesu Christi, in propitiatióne pro peccátis nostris et totius mundi.

Ad grana minora:

PRO dolorosa Eius passióne, miserére nobis et totius mundi.

In conclusione:

SANCTUS Deus, Sanctus Fortis, Sanctus Immortális, miserére nobis totiusque mundi. (*ter*)

Ante prandium

OCULI ómnium in te sperant, Dómine: et tu das escam illórum in témpore opportúno: áperis tu manum tuam, et imples omne áni-

mal in benedictióne.

Glória Patri. Sicut erat.

℣. Kyrie, eleison. ℹ. Christe, eleison.

Kyrie eleison.

Pater noster (*secreto, usque ad*)

℣. Et ne nos indúcas in tentatióinem.

℟. Sed líbera nos a malo.

H: Bénedic, Dómine, dona tua, quæ de tua largitáte sumus sumptúri. Per Christum Dóminum nostrum. Amen.

L: Iube, domne, benedícere. H: Mens cælestis partícipes fáciat nos Rex ætérnæ glóriæ. Amen.

vel: Benedícat Dóminus munus tuum, ne solæ vobis fauces sumant cibum, sed et aures esúriant verbum Dei. Amen.

Post prandium

℣. Confiteántur tibi, Dómine, ómnia ópera tua. ℹ. Et sancti tui benedícant

tibi.

LAUDÁTE Dóminum, omnes gentes, collaudáte eum, omnes pópuli, quóniam confirmáta est super nos misericórdia eius et véritas Dómini manet in æténum.

Glória Patri. Sicut erat.

Orémus. Agimus tibi grátias, omnípotens Deus, pro univérsis benefíciis tuis. Qui vivis et regnas per ómnia sæcula sæculórum. Amen. Retribúere dignáre, Dómine, ómnibus nobis bona faciéntibus propter nomen sanctum tuum vitam æténam. Amen.

V. Benedicámus Dómino. **R.** Deo grátias.

Ante cenam

EDENT páuperes et saturábuntur: et laudábunt Dóminum qui re-

quírunt eum: vivent corda eórum in
sæculum sæculi.

Glória Patri. Sicut erat.

℣. Kyrie, eleison. ℟. Christe, eleison.
Kyrie eleison.

Pater noster (secreto, usque ad) ℣. Et
ne nos indúcas in tentatióinem. ℟. Sed
líbera nos a malo.

H: Bénedic, Dómine, dona tua, quæ
de tua largítate sumus sumptúri. Per
Christum Dóminum nostrum. Amen.
L: Iube, domne, benedícere. H: Ad
cenam vitæ ætérnæ perdúcat nos Rex
glóriæ. Amen.

vel: Benedícat Dóminus munus
tuum, ne solæ vobis fauces sumant
cibum, sed et aures esuriant verbum
Dei. Amen.

Post cenam

MEMÓRIAM fecit mirabílum suórum misericors et miserátor Dóminus. Escam dedit timéntibus se.

Glória Patri. Sicut erat.

Orémus. Benedíctus Deus in donis suis, et sanctus in ómnibus opéribus suis. Qui vivit et regnat per ómnia sǽcula sæculórum. Amen.

Retribúere dignáre, Dómine, ómnibus nobis bona faciéntibus propter nomen sanctum tuum vitam ætérnam. Amen.

℣. Benedicámus Dómino. ℟. Deo grátias.

Veni, Sancte Spiritus

VENI, Sancte Spíritus,
Et emitte cælitus

Lucis tuæ rádium.

Veni, pater páuperum,
Veni, dator múnérum,
Veni, lumen córdium.

Consolátor óptime,
Dulcis hospes ánimæ,
Dulce refrigérium.

In labóre réquies,
In æstu tempéries,
In fletu solácium.

O lux beatíssima,
Reple cordis íntima
Tuórum fidélium.

Sine tuo númine,
Nihil est in hómine
Nihil est innóxium.

Lava quod est sórdidum,
Riga quod est áridum,

Sana quod est sáucium.

Flecte quod est rígidum,
Fove quod est frígidum,
Rege quod est dévium.

Da tuis fidélibus,
In te confidéntibus,
Sacrum septenárium.

Da virtútis méritum,
Da salútis éxitum,
Da perénne gáudium. Amen.

Veni, Creator Spiritus

VENI, créator Spíritus,
mentes tuórum vísita,
imple supérna grátia,
quæ tu creásti péctora.

Qui díceris Paráclitus,
altíssimi donum Dei,
fons vivus, ignis, cáritas,

et spiritális únctio.

Tu septifórmis múnere,
dígitus patérnæ déxteræ,
tu rite promíssum Patris,
sermóne ditans gúttura.

Accénde lumen sénsibus,
infúnde amórem córdibus,
infírma nostri córporis
virtúte firmans pérfici.

Hostem repéllas lóngius
pacémque dones prótinus;
ductóre sic te právio
vitémus omne nójum.

Per Te sciámus da Patrem
noscámus atque Fílium,
teque utriúsque Spíritum
credámus omni témpore.

Deo Patri sit glória,
et Fílio, qui a mórtuis

surréxit, ac Paráclito,
in sæculórum sæcula. Amen.

Invocatio Spiritus Sancti

VENI, Sancte Spíritus,
reple tuórum corda fidélium,
et tui amóris in eis ignem accénde,
qui per diversitátem linguárum
multárum gentes in universitáte fídei
congregásti.

¶. Emítte Spíritum tuum et creabún-
tur. **R.** Et renovábis fáciem terræ.

Orémus. Deus, qui corda fidélium
Sancti Spíritus illustratióne docuísti:
da nobis in eódem Spíritu recta
sápere, et de eius semper consolatióne
gaudére. Per Christum
Dóminum nostrum. Amen.

Invocationes

DEUS meus – Pater – Iesus –
Laudétur Iesus Christus –
Credo in te, Dómine – Adóro te –
Spero in te – Amo te – Omnia pro
te – Grátias ago tibi – Deo grátias –
Deus sit benedictus – Benedicámus
Dómino – Advéniat regnum tuum –
Fiat volúntas tua – Sicut Dómino
placet – Aduiva me, Deus – Confórta
me – Exáudi me – Exáudi oratióne
meam – Salva me – Miserére mei –
Parce mihi, Dómine – Ne permíttas
me separári a te – Ne derelíngas
me – Ave, María – Glória in excélsis
Deo – Dómine, magnus es tu – Totus
tuus

– Adorámus te, Christe, et
benedícimus tibi; quia per Crucem
tuam redemísti mundum.

– Benedicta sit sancta Trínitas.

- Christus vincit! Christus regnat!
Christus ímperat!
- Cor Iesu, flagrans amóre nostri, in-
flámma cor nostrum amóre tui.
- Cor Iesu sacratíssimum, miserére
nobis.
- Deus meus et ómnia.
- Deus, propítius esto mihi pecca-
tóri.
- Dignáre me laudáre te, Virgo
sacráta; da mihi virtútem contra
hostes tuos.
- Doce me fácere voluntátem tuam,
quia Deus meus es tu.
- Dómine, adáuge nobis fidem.
- Dómine, fiat úntas méntium in
veritáte et úntas cordium in caritáte.
- Dómine, salva nos perímus.
- Dóminus meus et Deus meus!
- Dulce cor Mariæ, esto salus mea.
- Iesu, María, Ioseph.

- Iesu, María, Ioseph, vobis cor et
ánimam meam dono.
- Iesu, María, Ioseph, adstáte mihi
in extrémo agóne.
- Iesu, María, Ioseph, in pace vobís-
cum dórmiam et requiéscam.
- Iesu, mitis et húmiliis corde, fac cor
nostrum secúndum Cor tuum.
- Laudétur et adorétur in ætérum
sanctíssimum Sacraméntum.
- Mane nobíscum, Dómine.
- Mater dolorósa, ora pro nobis.
- Mater mea, fidúcia mea.
- Mitte, Dómine, operários in
messem tuam.
- Nos cum prole pia benedícat Virgo
María.
- O crux, ave, spes única.
- Omnes Sancti et Sanctæ Dei, oráte
pro nobis.
- Ora pro nobis, sancta Dei

Génetrix, ut digni efficiámur promis-siónibus Christi.

- Pater, in manus tuas comméndo spíritum meum.
- Pie Iesu Dómine, dona eis réquiem.
- Regína sine labe origináli con-cépta, ora pro nobis.
- Sancta Dei Génetrix, semper Virgo María, intercéde pro nobis.
- Sancta María, Mater Dei, ora pro me.
- Tu es Christus, Fílius Dei vivi.

Adsumus

ADSUMUS, Dómine Sancte Spíri-tus, ádsumus peccáti quidem im-manitáte deténti, sed in nómine tuo speciáliter congregáti. Veni ad nos et esto nobíscum et dignáre illábi córdibus nostris. Doce nos quid

agámus, quo gradiámur et osténde quid effícere debeámus, ut, te auxiliánte, tibi in ómnibus placére valeámus. Esto solus suggestor et efféc-tor iudiciórum nostrórum, qui solus cum Deo Patre et eius Fílio nomen pójssides gloriósum. Non nos patiáris perturbatóres esse iustítiae qui sum-mam díligis æquitátem. Non in sinístrum nos ignorántia trahat, non favor infléctat, non accéptio múnneris vel persónæ corrúmpat. Sed iunge nos tibi efficáciter solíus tuæ grátiæ dono, ut simus in te unum et in nullo deviémus a vero; quátenus in nómine tuo collécti, sic in cunctis teneámus cum moderámine pietátis iustítiam, ut et hic a te in nullo dis-séntiat senténtia nostra et in futúrum pro bene gestis consequámur præmia sempitérna. Amen.

Itinerarium

Ant. In viam pacis et prosperitatis dirigat nos omnipotens et misericors Dominus: et Angelus Raphaël comitetur nobiscum in via, ut cum pace, salute et gáudio revertámur ad propria.

Canticum Zachariae (p. 194)

Kyrie, eléison. Christe, eléison.
Kyrie, eléison.

Pater noster (*secreto usque ad*)

℣. Et ne nos indúcas in tentaciónem.
℟. Sed líbera nos a malo.

℣. Salvos fac servos tuos. ℟. Deus meus, sperántes in te.

℣. Mitte nobis, Dómine, auxílum de sancto. ℟. Et de Sion túere nos.

℣. Esto nobis, Dómine, turris fortitúdinis. ℟. A fácie inimíci.

℣. Nihil profíciat inimícus in nobis.

℟. Et fílius iniquitátis non appónat
nocére nobis.

℣. Benedíctus Dóminus die quotídie.

℟. Prósperum iter fáciat nobis Deus
salutárium nostrórum.

℣. Vias tuas, Dómine, demónstra no-
bis. ℟. Et sémitas tuas édoce nos.

℣. Utinam dirigántur viæ nostræ.

℟. Ad custodiéndas iustificatiónes
tuas.

℣. Erunt prava in dirécta. ℟. Et
áspera in vias planas.

℣. Angelis suis Deus mandávit de te.

℟. Ut custódiant te in ómnibus viis
tuis.

℣. Dómine, exáudi oratióne m
eam. ℟. Et clamor meus ad te
véniat.

vel: ℣. Dóminus vobíscum. ℟. Et
cum spíritu tuo.

Orémus.

DEUS, qui filios Isræl per maris médium sicco vestígio ire fecísti, quique tribus Magis iter ad te stella duce pandísti, tríbue nobis quæsumus iter prósperum tempúsque tranquíllum: ut, Angelo tuo sancto cómite, ad eum quo pérgimus locum, ac demum ad ætérnæ salútis portum pervenire felíciter valeámus.

DEUS, qui Abraham púerum tuum, de Ur Chaldæórum edúc-tum, per omnes suæ peregrinatiónis vias illæsum custodísti: quæsumus, ut nos fámulos tuos custodíre dignéris: esto nobis Dómine in procínctu suffrágium, in via solátium, in æstu umbráculum, in plúvia et frigóre teguméntum, in lassitúdine vehículum, in adversitéte præsídium, in lúbrico báculus, in naufrágio portus:

ut, te duce, quo téndimus próspere
perveniámus, et demum incólumes
ad própria redeámus.

ADÉSTO, quásumus Dómine, sup-
plicatióibus nostris: et viam fa-
mulórum tuórum in salútis tuæ pros-
peritáte dispónē: ut inter omnes viæ
et vitæ huius varietátes tuo semper
protegámur auxílio.

PRÆSTA, quásumus omnípotens
Deus: ut família tua per viam
salútis incédat; et, beáti Ioánnis
Præcursóris hortaménta sectándo, ad
eum quem prædíxit secúra pervéniat,
Dóminum nostrum Iesum Chris-
tum Fílium tuum: Qui tecum vivit
et regnat in unitáte Spíritus Sancti
Deus, per ómnia sǽcula sǽculórum.
R. Amen.

V. Procedámus in pace. **R.** In
nómine Dómini. Amen.

Ante studium

CREÁTOR ineffábilis, qui de thesáuris sapiéntiæ tuæ tres Angelórum hierárchias designásti et eas super cælum empýreum miro órdine collocásti atque univérsi partes elegantíssime distribuísti: Tu, inquam, qui verus fons lúminis et sapiéntiæ dicéris ac superéminens princípium, infúndere dignéris super intelléctus mei ténebras tuæ rádium claritátis, dúplices, in quibus natus sum, a me rémovens ténebras, peccátum scílicet et ignorántiam. Tu, qui linguas infántium facis disértas, linguam meam erúdias atque in lábiis meis grátiam tuæ benedictiónis infúndas. Da mihi intelligéndi acúmen, retinéndi capacitátem, addiscéndi modum et facilitátem, interpretándi subtil-

ítátem, loquéndi grátiam copiósam.
Ingréssum ínstruas, progréssum
dírigas, egréssum cópleas. Tu, qui
es verus Deus et homo, qui vivis et
regnas in sácula sæculórum. Amen.

Domine, fac me servum pacis tuæ

DÓMINE, fac me servum pacis
tuæ,
ubi odium, amórem seram;
ubi iniúria, véniam;
ubi dúbium, fidem;
ubi desperátio, spem;
ubi calígo, lucem;
ubi tristitia, lætitiam.

O Dómine coeléstis, concéde mihi
ut ne tam petam
consolári quam consoláre,
intéllegi quam intelligere,

amári quam amáre.

Nam in dando recipimus,
in ignoscéndo ignóscimur,
et in moriéndo ad vitam ætérnam
náscimur.

Canticum Moysis

CANTÉMUS Dómino: glorióse
enim magnificátus est, * equum
et ascensórem deiécit in mare.

Fortitúdo mea, et laus mea Dómi-
nus, * et factus est mihi in salútem.

Iste Deus meus, et glorificábo eum: *
Deus patris mei, et exaltábo eum.

Dóminus quasi vir pugnátor, Om-
nípotens nomen eius. * Currus
Pharaónis et exércitum eius proiécit
in mare.

Elécti príncipes eius subméri si sunt
in Mari Rubro: * abýssi operuérunt

eos, descendérunt in profúndum
 quasi lapis.

Déxtera tua, Dómine, magnificáta
 est in fortitúdine: déxtera tua,
 Dómine, percússit inimícum. * Et
 in multitúdine glóriæ tuæ deposuísti
 adversários tuos:

Misísti iram tuam, quæ devorávit
 eos sicut stípulam. * Et in spíritu
 furóris tui congregátæ sunt aquæ:

Stetit unda fluens, * congregátæ sunt
 abýssi in médio mari.

Dixit inimícus: Pérsequar et com-
 prehéndam, * dívidam spólia, im-
 plébitur ánima mea:

Evaginábo gládium meum, * interfí-
 ciet eos manus mea.

Flavit spíritus tuus, et opéruit
 eos mare: * submérssi sunt quasi
 plumbum in aquis veheméntibus.

Quis símilis tui in fórtibus,

Dómine? * quis símilis tui, magníficus in sanctitáte, terribilis atque laudabilis, fáciens mirabília?

Extendísti manum tuam, et devorávit eos terra. * Dux fuísti in misericórdia tua pópulo quem redemísti:

Et portásti eum in fortitúdine tua, * ad habitaculum sanctum tuum.

Ascendérunt pópuli, et iráti sunt: * dolóres obtinuérunt habitatóres Philísthiim.

Tunc conturbáti sunt príncipes Edom, robústos Moab obtínuit tremor: * obriguérunt omnes habitatóres Chánaan.

Írruat super eos formido et pavor, * in magnitúdine brácchii tui:

Fiant immóbiles quasi lapis, donec pertránseat pópulus tuus, Dómine, * donec pertránseat pópulus tuus iste, quem possedísti.

Introdúces eos, et plantábis in monte hereditatis tuæ, * firmíssimo habitáculo tuo quod operátus es, Dómine:

Sanctuárium tuum, Dómine, quod firmavérunt manus tuæ. * Dóminus regnábit in ætérum et ultra.

Ingréssus est enim eques Phárao cum cùrribus et equítibus eius in mare: * et redúxit super eos Dóminus aquas maris:

Fílii autem Israël ambulavérunt per siccum * in médio eius.

Dies Iræ

DIIES IRÆ, dies illa * Solvet sæclum in favilla: * Teste David cum Sibýlla.

Quantus tremor est futúrus, * Quando iudex est ventúrus, * Cuncta stricte discussúrus!

Tuba mirum spargens sonum * Per
sepúlcra régionum, * Coget omnes
ante thronum.

Mors stupébit et natúra, * Cum
resúrget creatúra, * Iudicánti respon-
súra.

Liber scriptus proferétur, * In quo
totum continétur, * Unde mundus iu-
dicétur.

Iudex ergo cum sedébit, * Quidquid
latet, apparébit: * Nil multum re-
manébit.

Quid sum miser tunc dictúrus? *
Quem patrónum rogatúrus, * Cum
vix iustus sit secúrus?

Rex treméndæ maiestátis, * Qui
salvándos salvas gratis, * Salva me,
fons pietátis.

Recordáre, Iesu pie, * Quod sum
causa tuæ viæ: * Ne me perdas illa die.

Quærrens me, sedísti lassus: * Re-

demísti Crucem passus: * Tantus labor non sit cassus.

Iuste iudex ultiónis, * Donum fac remissiónis * Ante diem ratónis.

Ingemíscō, tamquam reus: * Culpa rubet vultus meus: * Supplicánti parce, Deus.

Qui Mariám absolvísti, * Et latrónem exaudísti, * Mihi quoque spem dedísti.

Preces meæ non sunt dignæ: * Sed tu bonus fac benígne, * Ne perénni cremer igne.

Inter oves locum præsta, * Et ab hoedis me sequéstra, * Státuens in parte dextra.

Confutátis maledíctis, * Flammis ácribus addíctis: * Voca me cum benedíctis.

Oro supplex et acclínis, * Cor contrí-tum quasi cinis: * Gere curam mei fi-

nis.

Lacrimósa dies illa, * Qua resúrget
ex favílla * Iudicándus homo reus.

Huic ergo parce, Deus: * Pie Iesu
Dómine, * Dona eis réquiem. Amen.

Officium Defunctorum

Ad Matutinum

Ante Officium dici potest oratio p.168

Invitatorium

Ant. Regem, cui ómnia vivunt, *
Veníte adorémus. Regem.

VENÍTE, exsultémus Dómino, iu-
bilémus Deo, salutári nostro:
præoccupémus fáciem eius in confes-
sione, et in psalmis iubilémus ei.

Ant. Regem, cui.

QUÓNIAM Deus magnus Dómi-
nus, et Rex magnus super

omnes deos, quóniam non repéllet Dóminus plebem suam: quia in manu eius sunt omnes fines terræ, et altitúdines móntium ipse cónspicit.

Ant. Veníte adorémus.

QUÓNIAM ipsíus est mare, et ipse fecit illud, et áridam fundavérunt manus eius: veníte, adorémus, et procidámus ante Deum: plorémus coram Dómino, qui fecit nos, quia ipse est Dóminus, Deus noster; nos autem pópulus eius, et oves páscuæ eius.

Ant. Regem, cui.

HÓDIE, si vocem eius audiéri-tis, nolíte obduráre corda vestra, sicut in exacerbatióne secún-dum diem tentatiónis in desérto: ubi tentavérunt me patres vestri, probavérunt et vidérunt ópera mea.

Ant. Veníte adorémus.

QUADRAGÍNTA annis próximus
fui generatióni huic, et dixi;
Semper hi errant corde, ipsi vero non
cognovérunt vias meas: quibus iurávi
in ira mea; Si introíbunt in réquiem
meam.

Ant. Regem, cui.

V. Réquiem ætérnam * dona eis,
Dómine. **R.** Et lux perpétua * lúceat
eis.

Ant. Veníte adorémus.

Ant. Regem, cui.

In I Nocturno

Ant. Dírige, * Dómine, Deus meus,
in conspéctu tuo viam meam.

Psalmus 5[1]

VERBA mea áuribus pércipe,
Dómine, * intéllege clamórem
meum.

Inténde voci oratiónis meæ, * Rex
meus et Deus meus.

Quóniam ad te orábo: * Dómine,
mane exáudies vocem meam.

Mane astábo tibi et vidébo: * quó-
niam non Deus volens iniquitátem tu-
es.

Neque habitábit iuxta te malignus: *
neque permanébunt iniústi ante ócu-
los tuos.

Odísti omnes, qui operántur iniqui-
tátem: * perdes omnes, qui loquúntur
mendácium.

Virum sanguinum et dolósum
abominábitur Dóminus: * ego autem
in multitúdine misericórdiæ tuæ.

Introíbo in domum tuam: * adorábo
ad templum sanctum tuum in timóre
tuo.

Dómine, deduc me in iustítia tua: *
propter inimícos meos dírige in con-

spéctu tuo viam meam.

Quóniam non est in ore eórum véri-
tas: * cor eórum vanum est.

Sepúlcrum patens est guttur eórum,
linguis suis dolóse agébant, * iúdica il-
los, Deus.

Décidant a cogitatióibus suis,
secúndum multitúdinem impietá-
tum eórum expélle eos, * quóniam
irritavérunt te, Dómine.

Et læténtur omnes, qui sperant in
te, * in ætérnū exsultábunt: et
habitábis in eis.

Et gloriabúntur in te omnes, qui
díligunt nomen tuum, * quóniam tu
benedíces iusto.

Dómine, ut scuto bonæ voluntátis
tuæ * coronásti nos.

℣. Réquiem ætérnām * dona eis,
Dómine. ℙ. Et lux perpétua * lúceat
eis.

Ant. Dírige, Dómine, Deus meus, in conspéctu tuo viam meam.

Ant. Convértere, * Dómine, et éripe ánimam meam: quóniam non est in morte, qui memor sit tui.

Psalmus 6[2], (p.118)

Ant. Nequándo rápiat * ut leo án-
imam meam, dum non est qui rédi-
mat, neque qui salvum fáciat.

Psalmus 7[3]

DÓMINE, Deus meus, in te sperávi: * salvum me fac ex óm-
nibus persequéntibus me, et líbera
me.

Nequándo rápiat ut leo ánimam
meam, * dum non est qui rédimat,
neque qui salvum fáciat.

Dómine, Deus meus, si feci istud, *
si est iníquitas in mánibus meis:

Si réddidi retribuéntibus mihi

mala, * décidam mérito ab inimícis
meis inánis.

Persequátur inimícus ánimam
meam, et comprehéndat, et concúl-
cet in terra vitam meam, * et glóriam
meam in púlverem dedúcatur.

Exsúrge, Dómine, in ira tua: *
et exaltáre in fíni bus inimicórum
meórum.

Et exsúrge, Dómine, Deus meus,
in præcépto quod mandásti: * et
synagóga populórum circúmdabit te.

Et propter hanc in altum re-
grédere: * Dóminus iúdicat pópulos.

Iúdica me, Dómine, secúndum iustí-
tiam meam, * et secúndum innocén-
tiám meam super me.

Consumétur nequítia peccatórum,
et díriges iustum, * scrutans corda et
renes, Deus.

Iustum adiutórium meum a

Dómino, * qui salvos facit rectos corde.

Deus iudex iustus, fortis, et pátiens: * numquid iráscitur per síngulos dies?

Nisi convérsi fuéritis, gládium suum vibrábit: * arcum suum teténdit, et parávit illum.

Et in eo parávit vasa mortis: * sagítas suas ardéntibus effécit.

Ecce, partúriit iniustítiam: * concépit dolórem, et péperit iniquitátem.

Lacum apéruit, et effódit eum: * et ícidit in fóveam quam fecit.

Convertétur dolor eius in caput eius: * et in vérticem ipsíus iníquitas eius descéndet.

Confitébor Dómino secúndum iustítiam eius: * et psallam nómini Dómini altíssimi.

Réquiem ætérnam.

Ant. Nequándo rápiat ut leo áni-

mam meam, dum non est qui rédimat, neque qui salvum fáciat.

℣. A porta ínferi. ℑ. Erue, Dómine, ánimas eórum.

Pater noster.

Lectio i

PARCE mihi, Dómine; nihil enim sunt dies mei. Quid est homo, quia magníficas eum? aut quid appónis erga eum cor tuum? Vísitas eum dilúculo, et súbito probas illum. Usquéquo non parcis mihi, nec dimíttis me, ut glútiā salívam meam? Peccávi, quid fáciām tibi, o custos hóminum? quare posuísti me contrárium tibi, et factus sum mi-himetípsi gravis? Cur non tollis peccátum meum, et quare non aufers iniq-uitátem meam? Ecce nunc in púlvere dórmiam: et, si mane me quæsieris,

non subsístam.

℟. Credo quod Redémptor meus vivit, et in novíssimo die de terra surrectúrus sum, Et in carne mea vidébo Deum Salvatórem meum. ¶. Quem visúrus sum ego ipse, et non álius; et óculi mei conspécturi sunt. ℟. Et in carne mea videbo Deum Salvatórem meum.

Lectio ii

TÆDET ánimam meam vitæ meæ; dimíttam advérsum me elóquium meum: loquar in amarítudine ánimæ meæ. Dicam Deo: Noli me condemnáre; índica mihi cur me ita iúdices. Numquid bonum tibi vidétur, si calumniéris me, et ópprimas me opus mánuum tuárum, et consílium impiórum ádiuves? Numquid óculi cárnei tibi sunt?

aut sicut videt homo, et tu vidébis?
Numquid sicut dies hóminis dies tui,
et anni tui sicut humána sunt tém-
pora, Ut quæras iniquitátem meam,
et peccátum meum scrutéris, Et scias
quia nihil ímpium fécerim, cum sit
nemo qui de manu tua possit erúere?

℟. Qui Lázarum resuscitásti a mon-
uménto foétidum, Tu eis, Dómine,
dona réquiem, et locum indulgén-
tiæ. ¶ Qui ventúrus es iudicáre vivos
et mórtuos, et sǽculum per ignem.
℟. Tu eis, Dómine, dona réquiem, et
locum indulgéntiæ.

Lectio iii

MANUS tuæ fecérunt me, et plas-
mavérunt me totum in cir-
cúitu: et sic repénte præcipitas me?
Meménto, quæso, quod sicut lutum
féceris me, et in púlverem redúces

me. Nonne sicut lac mulsísti me, et sicut cáseum me coagulásti? Pelle et cárnibus vestísti me; óssibus et nervis compegísti me. Vitam et misericórdiam tribuísti mihi, et visitátio tua custodívít spíritum meum.

R. Dómine, quando véneris iudicáre terram, ubi me abscóndam a vultu iræ tuæ? Quia peccávi nimis in vita mea. **V.** Commíssa mea pavéscō, et ante te erubéscō: dum véneris iudicáre, noli me condemnáre. **R.** Quia peccávi nimis in vita mea.

V. Réquiem ætérnām. **R.** Et.

R. Quia peccávi nimis in vita mea.

In II Nocturno

Ant. In loco páscuæ * ibi me collocávit.

Psalmus 22[4]

DÓMINUS regit me, et nihil mihi déerit: * in loco páscuæ ibi me collocávit.

Super aquam refectiónis educávit me: * ánimam meam convértit.

Dedúxit me super sémitas iustítiæ, * propter nomen suum.

Nam, et si ambulávero in médio umbræ mortis, non timébo mala: * quóniam tu mecum es.

Virga tua, et báculus tuus: * ipsa me consoláta sunt.

Parásti in conspéctu meo mensam, * advérsus eos, qui tríbulant me.

Impinguásti in óleo caput meum: * et calix meus inébrians quam præclárus est!

Et misericórdia tua subsequétur me * ómnibus diébus vitæ meæ:

Et ut inhábitem in domo Dómini, *
in longitúdinem diérum.

Réquiem ætérnam.

Ant. In loco páscuæ * ibi me collocávit.

Ant. Delícta * iuventútis meæ,
et ignorántias meas ne memíneris,
Dómine.

Psalmus 24[5]

AD te, Dómine, levávi ánimam
meam: * Deus meus, in te con-
fido, non erubéscam.

Neque irrídeant me inimíci mei: *
étenim univérsi, qui sústinent te, non
confundéntur.

Confundántur omnes iníqua
agéntes * supervácue.

Vias tuas, Dómine, demónstra
mihi: * et sémitas tuas édoce me.

Dírige me in veritaté tua, et doce

me: * quia tu es, Deus, salvátor meus,
et te sustínui tota die.

Reminiscere miseratiónum tuárum,
Dómine, * et misericordiárum
tuárum, quæ a sǽculo sunt.

Delícta iuventútis meæ, * et ignorán-
tias meas ne memíneris.

Secúndum misericórdiam tuam
meménto mei tu: * propter
bonitátem tuam, Dómine.

Dulcis et rectus Dóminus: * propter
hoc legem dabit delinquéntibus in
via.

Díriget mansuétos in iudício: *
docébit mites vias suas.

Univérsæ viæ Dómini, misericórdia
et véritas, * requiréntibus testamén-
tum eius et testimónia eius.

Propter nomen tuum, Dómine, pro-
ptiáberis peccáto meo: * multum est
enim.

Quis est homo qui timet
Dóminum? * legem státuit ei in
via, quam elégit.

Ánima eius in bonis demorábitur: *
et semen eius hereditábit terram.

Firmaméntum est Dóminus timén-
tibus eum: * et testaméntum ipsíus ut
manifestétur illis.

Óculi mei semper ad Dóminum: *
quóniam ipse evéllet de láqueo pedes
meos.

Réspice in me, et miserére mei: *
quia únicus et pauper sum ego.

Tribulatiónes cordis mei multi-
plicátæ sunt: * de necessitátibus meis
érue me.

Vide humilitátem meam, et
labórem meum: * et dimítte uni-
vérsa delícta mea.

Réspice inimícos meos quóniam
multiplicáti sunt, * et ódio iníquo

odérunt me.

Custódi ánimam meam, et érue
me: * non erubéscam quóniam
sperávi in te.

Innocéntes et recti adhæsérunt
mihi: * quia sustínui te.

Líbera, Deus, Israël, * ex ómnibus
tribulatióibus suis.

Réquiem ætérnam.

Ant. Delícta * iuventútis meæ,
et ignorántias meas ne memíneris,
Dómine.

Ant. Credo vidére * bona Dómini in
terra vivéntium.

Psalmus 26[6]

DÓMINUS illuminátio mea, et
salus mea, * quem timébo?

Dóminus protéctor vitæ meæ, * a
quo trepidábo?

Dum apprópiant super me

nocéntes, * ut edant carnes meas:

Qui tríbulant me inimíci mei, * ipsi infirmáti sunt, et cecidérunt.

Si consístant advérsus me castra, * non timébit cor meum.

Si exsúrgat advérsus me prælium, * in hoc ego sperábo.

Unam pétii a Dómino, hanc requíram, * ut inhábitem in domo Dómini ómnibus diébus vitæ meæ:

Ut vídeam voluptátem Dómini, * et vísitem templum eius.

Quóniam abscóndit me in tabernáculo suo: * in die malórum protéxit me in abscóndito tabernáculi sui.

In petra exaltávit me: * et nunc exaltávit caput meum super inimícos meos.

Circuívi, et immolávi in tabernáculo eius hóstiam vociferatiónis: * cantábo,

et psalmum dicam Dómino.

Exáudi, Dómine, vocem meam, qua
clamávi ad te: * miserére mei, et
exáudi me.

Tibi dixit cor meum, exquisívit te fá-
cies mea: * fáciem tuam, Dómine, re-
quíram.

Ne avértas fáciem tuam a me: * ne
declínes in ira a servo tuo.

Adiútor meus esto: * ne derelín-
quas me, neque despícias me, Deus,
salutáris meus.

Quóniam pater meus, et mater mea
dereliquerunt me: * Dóminus autem
assúmpsit me.

Legem pone mihi, Dómine, in via
tua: * et dírige me in sémitam rectam
propter inimícos meos.

Ne tradíderis me in áimas tribulán-
tium me: * quóniam insurrexérunt in
me testes iníqui, et mentita est in-

íquitas sibi.

Credo vidére bona Dómini * in terra
vivéntium.

Exspécta Dóminum, viríliter age: *
et confortétur cor tuum, et sústine
Dóminum.

Réquiem ætérnam.

Ant. Credo vidére * bona Dómini in
terra vivéntium.

V. Cóllocet eos Dóminus cum
princípibus. **R.** Cum princípibus
pópuli sui.

Pater noster.

Lectio iv

VOCA me, et ego respondébo tibi:
aut certe loquar, et tu respónde
mihi. Quantas hábeo iniquitátes et
peccáta? scélera mea et delícta os-
ténde mihi. Cur fáciem tuam ab-
scóndis, et arbitráris me inimícum

tuum? Contra fólium, quod vento
rápitur, osténdis poténtiam tuam, et
stípulam siccáam perséqueris: Scribis
enim contra me amarítudines, et con-
súmere me vis peccátis adolescéntiæ
meæ. Posuísti in nervo pedem meum,
et observásti omnes sémitas meas, et
vestígia pedum meórum considerásti:
Qui quasi putrédo consuméndus sum,
et quasi vestiméntum quod comédi-
tur a tínea.

R. Meménto mei, Deus, quia ventus
est vita mea, * Nec aspíciat me visus
hóminis. V. De profúndis clamávi ad
te, Dómine: Dómine, exáudi vocem
meam. R. Nec aspíciat me visus hómi-
nis.

Lectio v

HOMO natus de mulíere, brevi
vivens témpore, replétur mul-

tis misériis. Qui quasi flos egrédiatur et contéritur, et fugit velut umbra, et nunquam in eódem statu pérmanet. Et dignum ducis super huiuscémodi aperíre óculos tuos, et addúcere eum tecum in iudícium? Quis potest fácere mundum de im-mundo concéptum sémine? Nonne tu qui solus es? Breves dies hóminis sunt: númerus ménsum eius apud te est: constituísti térmilos eius, qui præteríri non póterunt. Recéde páululum ab eo, ut quiéscat, donec optáta véniat, sicut mercenárii, dies eius.

℟. Hei mihi, Dómine, quia pecávi nimis in vita mea: Quid fáciam, miser? ubi fúgiām, nisi ad te, Deus meus? * Miserére mei, dum véneris in novíssimo die. ¶ V. Anima mea turbáta est valde, sed tu, Dómine, succúrre ei. ℟. Miserére mei, dum véneris in

novíssimo die.

Lectio vi

QUIS mihi hoc tríbuat, ut in inferno prótegas me, et abscóndas me donec pertránseat furor tuus, et constitúas mihi tempus in quo recordérис mei? Putásne mórtuus homo rursum vivat? cunctis diébus quibus nunc mílito, expécto donec véniat immutátio mea. Vocábis me, et ego respondébo tibi: óperi mánuum tuárum porrígues déxteram. Tu quidem gressus meos dinumerásti: sed parce peccátis meis.

R. Ne recordérис peccáta mea, Dómine, * Dum véneris iudicáre sǽculum per ignem. **V.** Dírige, Dómine, Deus meus, in conspéctu tuo viam meam. **R.** Dum véneris iudicáre sǽculum per ignem.

¶. Réquiem ætérnam * dona eis,
Dómine. ¶. Et lux perpétua * lúceat
eis. ¶. Dum véneris iudicáre sáculum
per ignem.

In III Nocturno

Ant. Compláceat * tibi, Dómine, ut
erípias me: Dómine, ad adiuvándum
me résponce.

Psalmus 39[7]

EXSPÉCTANS exspectávi
Dóminum, * et inténdit mihi.

Et exaudívit preces meas: * et edúxit
me de lacu misériæ, et de luto fæcis.

Et státuit super petram pedes
meos: * et diréxit gressus meos.

Et immísit in os meum cánticum
novum, * carmen Deo nostro.

Vidébunt multi, et timébunt: * et
sperábunt in Dómino.

Beatus vir, cuius est nomen Dómini
spes eius: * et non respéxit in vanitátes
et insánias falsas.

Multa fecísti tu, Dómine, Deus
meus, mirabília tua: * et cogi-
tatióibus tuis non est qui símilis
sit tibi.

Annuntiávi et locútus sum: * multi-
plicáti sunt super númerum.

Sacrifícum et oblatiónem noluísti: *
aures autem perfecísti mihi.

Holocáustum et pro peccáto non
postulásti: * tunc dixi: Ecce, vénio.

In cápite libri scriptum est de me
ut fácerem voluntátem tuam: * Deus
meus, vólui, et legem tuam in médio
cordis mei.

Annuntiávi iustítiam tuam in ec-
clésia magna, * ecce, lábia mea non
prohibébo: Dómine, tu scisti.

Iustítiam tuam non abscóndi in

corde meo: * veritátem tuam et
salutáre tuum dixi.

Non abscóndi misericórdiam tuam
et veritátem tuam * a concílio multo.

Tu autem, Dómine, ne longe fá-
cias miseratiónes tuas a me: * miser-
icórdia tua et véritas tua semper sus-
cepérunt me.

Quóniam circumdedérunt me mala,
quorum non est númerus: * compre-
hendérunt me iniquitátes meæ, et
non pótui ut vidérem.

Multiplicátæ sunt super capíllos
cápitis mei: * et cor meum derelíquit
me.

Compláceat tibi, Dómine, ut éruas
me: * Dómine, ad adiuvándum me
réspice.

Confundántur et revereántur simul,
qui quærunt ánimag meam, * ut
áuferant eam.

Convertántur retrórsum, et
revereántur, * qui volunt mihi mala.

Ferant conféstim confusiónem
suam, * qui dicunt mihi: Euge, euge.

Exsúltent et læténtr super te
omnes quæréntes te: * et dicant
semper: Magnificétur Dóminus: qui
díligunt salutáre tuum.

Ego autem mendícus sum, et pau-
per: * Dóminus sollícitus est mei.

Adiútor meus, et protéctor meus tu
es: * Deus meus, ne tardáveris.

Réquiem ætérnam.

Ant. Compláceat tibi, Dómine, ut
erípias me: Dómine, ad adiuvándum
me résponce.

Ant. Sana, Dómine, * ániam
meam, quia peccávi tibi.

Psalmus 40[8]

BEÁTUS qui intellegit super egénum, et páuperem: * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra: * et non tradat eum in ániam inimicórum eius.

Dóminus opem ferat illi super lectum dolóris eius: * univérsum stratum eius versásti in infirmitáte eius.

Ego dixi: Dómine, miserére mei: * sana ániam meam, quia peccávi tibi.

Inimíci mei dixérunt mala mihi: * Quando moriétur, et períbit nomen eius?

Et si ingrediebátur ut vidéret, vana loquebátur: * cor eius congregávit iniquitátem sibi.

Egrediebátur foras, * et loquebátur
in idípsum.

Advérsus me susurrábant omnes
inimíci mei: * advérsus me cog-
itábant mala mihi.

Verbum iníquum constituérunt ad-
vérsus me: * Numquid qui dormit
non adíctet ut resúrgat?

Étenim homo pacis meæ, in quo
sperávi: * qui edébat panes meos,
magnificávit super me supplan-
tatióнем.

Tu autem, Dómine, miserére mei, et
resúscita me: * et retríbuam eis.

In hoc cognóvi quóniam voluísti
me: * quóniam non gaudébit inimícus
meus super me.

Me autem propter innocéntiam sus-
cepísti: * et confirmásti me in con-
spéctu tuo in æténum.

Benedíctus Dóminus, Deus Israël, a

sæculo et usque in sæculum: * fiat, fiat.

Réquiem ætérnam.

Ant. Sana, Dómine, ániam meam,
quia peccávi tibi.

Ant. Sitívit * ánima mea ad Deum
vivum: quando véniam, et apparébo
ante fáciem Dómini?

Psalmus 41[9]

QUEMÁDMODUM desíderat
cervus ad fontes aquárum: * ita
desíderat ánima mea ad te, Deus.

Sitívit ánima mea ad Deum fortem
vivum: * quando véniam, et apparébo
ante fáciem Dei?

Fuérunt mihi lácrimæ meæ panes
die ac nocte: * dum dícitur mihi
cotídie: Ubi est Deus tuus?

Hæc recordátus sum, et effúdi in
me ániam meam: * quóniam tran-
síbo in locum tabernáculi admirábilis,

usque ad domum Dei.

In voce exsultationis, et confessio-
nis: * sonus epulantis.

Quare tristis es, ánima mea? * et
quare contúrbas me?

Spera in Deo, quóniam adhuc con-
fitébor illi: * salutare vultus mei, et
Deus meus.

Ad meípsum ánima mea conturbáta
est: * propterea memor ero tui de
terra Iordánis, et Hermóniim a monte
módico.

Abýssus abýssum ínvocat, * in voce
cataractárum tuárum.

Ómnia excélsa tua, et fluctus tui * su-
per me transiérunt.

In die mandávit Dóminus misericór-
diam suam: * et nocte cáanticum eius.

Apud me orátio Deo vitæ meæ, *
dicam Deo: Suscéptor meus es.

Quare oblítus es mei? * et quare con-

tristátus incédo, dum afflítgit me inimícus?

Dum confringúntur ossa mea, * exprobravérunt mihi qui tríbulant me inimíci mei.

Dum dicunt mihi per síngulos dies:
Ubi est Deus tuus? * quare tristis es,
ánima mea? et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Réquiem ætérnam.

Ant. Sitívit ánima mea ad Deum vivum: quando véniam, et apparébo ante fáciem Dómini?

V. Ne tradas béstiiás ánimas confiténtes tibi. **R.** Et ánimas páuperum tuórum ne obliviscáris in finem.

Pater noster.

Lectio vii

SPÍRITUS meus attenuábitur; dies mei breviabúntur: et solum mihi súperest sepúlchrum. Non peccávi, et in amaritudínibus morátur óculus meus. Líbera me, Dómine, et pone me iuxta te, et cuiúsvis manus pugnet contra me. Dies mei transiérunt; cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi: Pater meus es; Mater mea, et soror mea, vérmibus. Ubi est ergo nunc præstolátio mea? et patiéntiam meam quis consíderat?

R. Peccántem me cotídie, et non me pœniténtem, timor mórtis con-

túrbat me: * Quia in inférno nulla est redémpcio, miserére mei, Deus, et salva me. **V.** Deus, in nómine tuo salvum me fac, et in virtúte tua líbera me. **R.** Quia in inférno nulla est redémpcio, miserére mei, Deus, et salva me.

Lectio viii

PELLI meæ, consúmptis cárnibus, adhæsit os meum, et derelícta sunt tantúmmodo lábia circa dentes meos. Miserémini mei, miserémini mei saltem vos, amíci mei, quia manus Dómini tétigit me. Quare persequímini me sicut Deus, et cárnibus meis saturámini? Quis mihi tríbuat ut scribántur sermónes mei? quis mihi det ut exaréntur in libro Stylo férreo et plumbi lámina, vel celte sculpántur in sílice? Scio enim

quod redémptor meus vivit, et in novíssimo die de terra surrectúrus sum: Et rursum circúmdabor pelle mea, et in carne mea vidébo Deum meum: Quem visúrus sum ego ipse, et óculi mei conspectúri sunt, et non álius: repósita est hæc spes mea in sinu meo.

R. Dómine, secúndum actum meum noli me iudicáre: nihil dignum in conspéctu tuo egi; ídeo déprecor maiestátem tuam, * Ut tu, Deus, déleas iniquitátem meam.
V. Amplius lava me, Dómine, ab in-
iustítia mea, et a delícto meo munda
me. **R.** Ut tu, Deus, déleas iniquitátem
meam.

Lectio ix

QUARE de vulva eduxísti me? qui útinam consúmptus essem, ne

óculus me vidéret. Fuísssem quasi non essem, de útero translátus ad túmulum. Numquid non páucitas diérum meórum finiéatur brevi? dimítte ergo me, ut plangam páululum dolórem meum, ántequam vadam, et non revértar, ad terram tenebrósam, et opértam mortis calígine: Terram misériæ et tenebrárum, Iob ubi umbra mortis et nullus ordo, sed sempitérnus horror inhábitat.

℟. Libera me, Dómine, de morte ætérrna in die illa treménda, * Quando cæli movéndi sunt et terra, * Dum vénéris iudicáre sǽculum per ignem.
℣. Tremens factus sum ego et tímeo, dum discússio venérít atque ventúra ira. **℟.** Quando cæli movéndi sunt et terra. **℣.** Dies illa, dies iræ, calamitátis et misériæ, dies magna et amára valde. **℟.** Dum vénéris iudicáre sǽcu-

lum per ignem. **V.** Réquiem ætérnam dona eis, Dómine. **R.** Et lux perpétua lúceat eis. **R.** Líbera me, Dómine, de morte ætérna in die illa treménda, * Quando cæli movéndi sunt et terra, * Dum vénéreris iudicáre sæculum per ignem.

Si Laudes separandae sint, conclusio ut ad Laudes(p.102)

Ad Laudes

Ant. Exsultábunt Dómino * ossa humiliáta.

Psalmus 50, (p.125)

Ant. Exáudi, Dómine, * oratiónem meam: ad te omnis caro véniet.

Psalmus 64

TE decet hymnus, Deus, in Sion: *
T et tibi reddétur votum in
Ierúsalem.

Exáudi oratióne meam: * ad te
omnis caro véniat.

Verba iniquórum prævaluérunt su-
per nos: * et impietáibus nostris tu
propitiáberis.

Beátus, quem elegísti, et assump-
tísti: * inhabitábit in átriis tuis.

Replébimur in bonis domus tuæ: *
sanctum est templum tuum, mirábile
in æquitáte.

Exáudi nos, Deus, salutáris noster, *
spes ómnium fínium terræ, et in mari
longe.

Præparans montes in virtúte tua,
accíngctus poténtia: * qui contúrbas
profundum maris sonum flúctuum
eius.

Turbabúntur gentes, et timébunt
qui hábitant térmilos a signis tuis: *
éxitus matutíni, et véspera delectábis.

Visitásti terram, et inebriásti eam: *

multiplicásti locupletáre eam.

Flumen Dei replétum est aquis,
parásti cibum illórum: * quóniam ita
est præparátio eius.

Rivos eius inébria, multíplica
genímina eius: * in stillicídiiis eius
lætábitur gérminans.

Benedíces corónæ anni benignitátis
tuæ: * et campi tui replebúntur
ubertáte.

Pinguéscent speciósa desérти: * et ex-
sultatióne colles accingéntur.

Indúti sunt aríetes óvium, et valles
abundábunt fruménto: * clamábunt,
étenim hymnum dicent.

Réquiem ætérnam.

Ant. Exáudi, Dómine, * oratióne
meam: ad te omnis caro véniet.

Ant. Me suscépit * déxtera tua,
Dómine.

Psalmus 62, (p.187)

Ant. A porta ínferi * érue, Dómine,
ánimam meam.

Canticum Ezechiæ

EGO dixi: In dimídio diérum
meórum * vadam ad portas ín-
feri.

Quæsívi resíduum annórum
meórum. * Dixi: Non vidébo
Dóminum Deum in terra vivéntium.

Non aspíciam hóminem ultra, * et
habitatórem quiétis.

Generátk mea abláta est, et con-
volúta est a me, * quasi tabernáculum
pastórum.

Præcísā est velut a texénte, vita mea:
dum adhuc ordírer, succídit me: * de
mane usque ad vésperam fínies me.

Sperábam usque ad mane, * quasi
leo sic contrívit ómnia ossa mea:

De mane usque ad vésperam fínies

me: * sicut pullus hirúndinis sic
clamábo, meditábor ut colúmba:

Attenuáti sunt óculi mei, * suspi-
ciéntes in excélsum.

Dómine, vim pátior, respónde pro
me. * Quid dicam, aut quid re-
spondébit mihi, cum ipse fécerit?

Recogitábo tibi omnes annos meos *
in amaritúdine ánimæ meæ.

Dómine, si sic vívitur, et in tálibus
vita spíritus mei, corrípies me, et viv-
ificábis me. * Ecce, in pace amaritúdo
mea amaríssima:

Tu autem eruísti ánimam meam ut
non períret: * proiecísti post tergum
tuum ómnia peccáta mea.

Quia non inférnus confitébitur tibi,
neque mors laudábit te: * non exspec-
tábunt qui descéndunt in lacum, ver-
itátem tuam.

Vivens vivens ipse confitébitur tibi,

sicut et ego hódie: * pater fíliis notam
fáciet veritátem tuam.

Dómine, salvum me fac * et psalmos
nóstros cantábimus cunctis diébus
vitæ nostræ in domo Dómini.

Réquiem ætérnam.

Ant. A porta ínferi * érue, Dómine,
ánimam meam.

Ant. Omnis spíritus * laudet
Dóminum.

Psalmus 150

LAUDÁTE Dóminum in sanc-
tis eius: * laudáte eum in fir-
maménto virtútis eius.

Laudáte eum in virtútibus eius: *
laudáte eum secúndum multi-
túdinem magnitúdinis eius.

Laudáte eum in sono tubæ: * laudáte
eum in psaltério, et cíthara.

Laudáte eum in týmpano, et choro: *

laudáte eum in chordis, et órgano.

Laudáte eum in cýmbalis be-
nesonántibus: laudáte eum in cým-
balis iubilatiónis: * omnis spíritus
laudet Dóminum.

Réquiem ætérnam.

Ant. Omnis spíritus * laudet
Dóminum.

℣. Audívi vocem de cælo dicéntem
mihi. ℹ. Beáti mórtui qui in Dómino
moriúntur.

Conclusio

Pater noster.

℣. Et ne nos indúcas in tentatióne-
m: ℹ. Sed líbera nos a malo.

℣. A porta ínferi. ℹ. Erue, Dómine,
ánimas eórum.

℣. Requiéscant in pace. ℹ. Amen.

℣. Dómine, exáudi oratióne-
meam. ℹ. Et clamor meus ad te

véniat.

Orémus. Fidélium, Deus, ómnium Cónditor et Redémptor, animábus famulórum famularúmque tuárum remissiónem cunctórum tríbue peccatórum: ut indulgéntiam, quam semper optavérunt, piis supplicatióibus consequántur. Qui vivis et regnas cum Deo Patre, in unitáte Spíritus Sancti, Deus, per ómnia sácula sæculórum. R. Amen.

V. Réquiem ætérnam dona eis,
Dómine. R. Et lux perpétua lúceat eis.
V. Requiéscant in pace. R. Amen.

Ad Vespertas

Ant. I Placébo Dómino * in regióne
vivórum.

Psalmus 114

DILÉXI, quóniam exáudiet Dóminus * vocem orationis meæ.

Quia inclinávit aurem suam mihi: *
et in diébus meis invocábo.

Circumdedérunt me dolóres mortis:
* et perícula inférni invenérunt me.

Tribulatióinem et dolórem invéni: *
et nomen Dómini invocávi.

O Dómine, líbera ánimam meam:
* misericors Dóminus, et iustus, et
Deus noster miserétur.

Custódiens párvulos Dóminus: * hu-
miliátus sum, et liberávit me.

Convértere, áнима mea, in réquiem
tuam: * quia Dóminus benefécit tibi.

Quia erípuit ánimam meam de
morte: * óculos meos a lácrimis,
pedes meos a lapsu.

Placébo Dómino * in regióne

vivórum.

Réquiem ætérnam.

Ant. Placébo Dómino * in regióne
vivórum.

Ant.2 Hei mihi Dómine, * quia in-
colátus meus prolongátus est.

Psalmus 119 (p.201)

Ant.3 Dóminus custódit te * ab omni
malo: custódiat ánimam tuam Dómi-
nus.

Psalmus 120 (p.202)

Ant.4 Si iniquítátes * observáveris,
Dómine: Dómine, quis sustinébit?

Psalmus 129 (p.218)

Ant.5 Opera * mánuum tuárum,
Dómine, ne despícias.

Psalmus 137

CONFITÉBOR tibi, Dómine, in
toto corde meo: * quóniam au-
dísti verba oris mei.

In conspéctu Angelórum psallam tibi: * adorábo ad templum sanctum tuum, et confitébor nómini tuo.

Super misericórdia tua, et veritáte tua: * quóniam magnificásti super omne, nomen sanctum tuum.

In quacúmque die invocávero te, exáudi me: * multiplicábis in ánima mea virtútem.

Confiteántur tibi, Dómine, omnes reges terræ: * quia audiérunt ómnia verba oris tui:

Et cantent in viis Dómini: * quóniam magna est glória Dómini.

Quóniam excélsus Dóminus, et humília réspicit: * et alta a longe cognóscit.

Si ambulávero in médio tribulatiónis, vivificábis me: * et super iram inimicórum meórum extendísti manum tuam, et salvum me fecit

déxtera tua.

Dóminus retríbuet pro me: *
Dómine, misericórdia tua in sácu-
lum: ópera mánum tuárum ne
despícias.

Réquiem ætérnam.

Ant. Opera * mánum tuárum,
Dómine, ne despícias.

V. Audívi vocem de cælo dicéntem
mihi. **R.** Beáti mórtui qui in Dómino
moriúntur.

Ad Magnif. **Ant.** Omne * quod dat
mihi Pater, ad me véniet; et eum qui
venit ad me, non eíciám foras.

Canticum B. Mariæ V. (p.229)

Conclusio ut ad Laudes, (p. 102)



OPERA POENITENTIALIA

Confiteor

CONFÍTEOR Deo omnipoténti,
beátæ Mariæ semper Vírgini,
beáto Michaéli Archángelo, beáto
Ioánni Baptistæ, sanctis Apóstolis
Petro et Paulo, et ómnibus Sanctis,
quia peccávi nimis, cogitatióne, verbo
et ópere: mea culpa, mea culpa, mea
máxima culpa. Ídeo precor beátam
Mariám semper Vírginem, beátum
Michaélem Archángelum, beátum
Ioánnem Baptistam, sanctos Após-
tolos Petrum et Paulum, et omnes
Sanctos, oráre pro me ad Dóminum
Deum nostrum.

Misereátur nostri omnípotens Deus,
et dimíssis peccátis nostris, perdúcat

nos ad vitam ætérnam. Amen.

Indulgéntiam, absolutiónem et remissiónem peccatórum nostrórum tríbuat nobis omnípotens et miséri-cors Dóminus. Amen.

Ante Confessionem

AD te fontem misericórdiæ, Deus, accédo peccátor. Ergo dignéris me laváre immúndum. O sol justitiæ, illúmina cæcum. O ætérne médice, cura vulnerátum. O rex regum ín-due spoliátum. O mediátor Dei et hóminum, reconcília reum. O pastor bone, reduc errántem. Da, Deus, misericórdiam mísero, indulgéntiam criminoso, vitam mórtuo, justifi-catiónenm ímpio, unctionem grátiæ induráto. O clementíssime, révoca fugiéntem, trahe reniténtem, érige cadéntem, tene stantem, conduc am-

bulántem. Ne obliviscáris te obliviscéntem, ne déseras te deseréntem, ne despícias peccántem. Ego enim peccándo te Deum meum offéndi, próximum læsi, mihi non pepérci. Peccávi, Deus meus, fragilitáte contra te patrem omnipoténtem, ignorántia contra te filium sapiéntem, malitia contra te spíritum sanctum, et his offéndi te Trinitátem excelléntem. Heu mihi mísero. Quot et quanta commisi, quália perpetrávi. Derelíqui te, dómine, de bonitaté tua cónqueror, amóre malo accedénte, timóre malo humiliánte, quibus pótius te amítttere, quam amátis cárere, pótius te offéndere, quam timénda non incurrére vólui. O Deus meus, quantum nócui verbo et ópere, peccándo laténter, paténter et contumáciter. Quare pro mea fragilitáte súpplico, ut non at-

téndas meam iniquitátem, sed tuam
imménsam bonitátem; et remittas
cleménter quæ feci, donans dolórem
pro prætéritis, et cautélam efficácem
de futúris. Amen.

Post Confessionem

SIT tibi, Dómine, óbsecro, méritis
beátæ semper Vírginis Genetrí-
cis tuæ Maríæ et ómnium Sanctórum,
grata et accépta ista conféssio mea, et
quidquid mihi défuit nunc, et de suf-
ficiéntia contritiónis, de puritáte et in-
tegritáte confessiónis, súppleat píetas
et misericórdia tua et secúndum illam
dignéris me habére plénius et perféc-
tius absolútum in cælo. Qui vivis et
regnas cum Deo Patre in unitáte Spíri-
tus Sancti, Deus, per ómnia sæcula
sæculórum. Amen.

Vexilla regis

VEXILLA REGIS pródeunt;
Fulget Crucis mystérium,
Qua Vita mortem pértulit,
Et morte vitam prótulit.

Quæ, vulneráta lánceæ
Mucróne diro, críminum
Ut nos laváret sórdibus,
Manávit unda et sánguine.

Impléta sunt quæ cóncinit
David fidéli cármine,
Dicéndo natiónibus:
Regnávit a ligno Deus.

Arbor decóra et fúlgida,
Ornata Régis púrpura,
Elécta digno stípite
Tam sancta membra tángere.

Beáta, cuius brácchiis
Prétium pepéndit sáculi,

Statéra facta córporis,
Tulítque prædam tártari.

O Crux, ave, spes única,
Hoc Passiónis témpore
Piis adáuge grátiam,
Reísque dele crímina.

Te, fons salútis, Trínitas,
Colláudet omnis spíritus:
Quibus Crucis victóriam
Largíris, adde præmium. Amen.

Versus de Passione D.N.J.C.

Amíci mei et próximi mei: * ad-
vérum me appropinquavérunt et
stetérunt.

Tráditus sum et non egrediébar: *
óculi mei languérunt præ inópia.

Et factus est sudor meus: * sicut
guttæ ságuinis decurréntis in ter-
ram.

Circumdedérunt me canes multi: *
concílum malignántium obsédit me.

Corpus meum dedi percutiéntibus: *
et genas meas velléntibus.

Fáciem meam non avérti ab in-
crepántibus: * et conspuéntibus in
me.

Quóniam ego in flagélla parátus
sum: * et dolor meus in conspéctu
meo semper.

Mílites plecténtes corónam de
spinis: * imposuérunt super caput
meum.

Fodérunt manus meas et pedes
meos: * et dinumeravérunt ómnia
ossa mea.

Et dedérunt in escam meam fel: * et
in siti mea potavérunt me acéto.

Omnes vidéntes me derisérunt
me: * locúti sunt lábiis et movérunt
caput.

Ipsi vero consideravérunt et inspexérunt me: * divisérunt sibi vestimenta mea, et super vestem meam misérunt sortem.

In manus tuas comméndo spíritum meum: * redemísti me, Dómine, Deus veritatis. (2)

Meménto famulórum tuórum, Dómine: * dum véneris in regnum tuum.

Jesus autem emíssa voce magna: * trádidit spíritum.

Misericórdias Dómini: * in ætérnū cantábo.

Vere languóres nostros ipse tulit: * et dolóres nostros ipse portávit.

Ipse autem vulnerátus est propter iniquítates nostras: * attritus est propter scélera nostra.

Omnes nos quasi oves errávimus: * unusquísque in viam suam declinávit.

Et pósuit in eo Dóminus: * iniquitátes ómnium nostrum.

Exsúrge, quare obdórmis,
Dómine? * exsúrge, et ne repéllas
in finem. (3)

Ecce Deus Salvátor meus: *
fiduciáliter agam et non timébo.

Te ergo, quásumus, tuis fámulis
subvéri: * quos pretiósó sanguine re-
demísti.

℣. Miserére nostri, Iesu benígne.

℟. Qui passus es cleménter pro no-
bis.

Orémus. Réspice, quásumus,
Dómine, super hanc famíliam tuam,
pro qua Dóminus noster Iesus Chris-
tus non dubitávit mánibus tradi-
nocéntium, et crucis subíre tormén-
tum.

Oratio ad Iesum crucifixum

EN ego, o bone et dulcissime Iesu, ante conspectum tuum genibus me provolvo, ac maximo animi ardore te oro atque obtistor, ut meum in cor vividos fideli, spei et caritatis sensus, atque veram peccatorum meorum poenitentiam, eaque emendandi firmissimam voluntatem velis imprimere; dum magno animi affectu et dolore tua quinque vulnera mecum ipse considero ac mente contemplor, illud praeculis habens, quod iam in ore ponebat tuo David propheta de te, o bone Iesu: Foderunt manus meas et pedes meos: dinumeraverunt omnia ossa mea.

Psalmi Poenitentiales

Ant. Ne reminiscáris * Dómine delícta nostra, vel paréntum nos-trórum: neque vindíctam sumas de peccátis nostris.

Psalmus 6 [1]

DÓMINE, ne in furóre tuo árguas me, * neque in ira tua corrípias me.

Miserére mei, Dómine, quóniam in-fírmus sum: * sana me, Dómine, quóniam conturbáta sunt ossa mea.

Et ánima mea turbáta est valde: * sed tu, Dómine, úsquequo?

Convrétere, Dómine, et éripe án-i-mam meam: * salvum me fac propter misericórdiam tuam.

Quóniam non est in morte qui memor sit tui: * in inférno autem quis

confitébitur tibi?

Laborávi in gémitu meo, lavábo per síngulas noctes lectum meum: * lácrimis meis stratum meum rigábo.

Turbátus est a furóre óculus meus: * inveterávi inter omnes inimícos meos.

Discédite a me, omnes, qui operámini iniquitátem: * quóniam exaudívit Dóminus vocem fletus mei.

Exaudívit Dóminus deprecationem meam, * Dóminus orationem meam suscépit.

Erubéscant, et conturbéntur vehementer omnes inimíci mei: * convertántur et erubéscant valde velóciter.

Glória Patri. Sicut erat.

Psalmus 31 [2]

BÉATI quorum remíssæ sunt iniq-
uitátes: * et quorum tecta sunt
peccáta.

Beátus vir, cui non imputávit Dómi-
nus peccátum, * nec est in spíritu eius
dolus.

Quóniam tacui, inveteravérunt ossa
mea, * dum clamárem tota die.

Quóniam die ac nocte graváta est su-
per me manus tua: * convérsus sum in
ærúmna mea, dum configítur spina.

Delíctum meum cógnitum tibi
feci: * et iniustítiā meam non
abscóndi.

Dixi: Confitébor adversum me in-
iustítiā meam Dómino: * et tu
remisísti impietátem peccáti mei.

Pro hac orábit ad te omnis sanctus, *
in témpore opportúno.

Verúmtamen in dilúvio aquárum multárum, * ad eum non approximábunt.

Tu es refúgium meum a tribulatióne, quæ circúmdedit me: * exsultátio mea, érue me a circumdán-tibus me.

Intelléctum tibi dabo, et ínstruam te in via hac, qua gradiéris: * firmábo super te óculos meos.

Nolíte fíeri sicut equus et mulus, * quibus non est intelléctus.

In camo et freno maxíllas eórum constrínge, * qui non appróximant ad te.

Multa flagélla peccatóris, * sperán-tem autem in Dómino misericórdia circúmdabit.

Lætámini in Dómino et exsultáte, iusti, * et gloriámini, omnes recti corde. Glória Patri. Sicut erat.

Psalmus 37 [3]

DÓMINE, ne in furóre tuo árguas me, * neque in ira tua corrípias me.

Quóniam sagíttæ tuæ infíxæ sunt mihi: * et confirmásti super me manum tuam.

Non est sánitas in carne mea a fácie iræ tuæ: * non est pax óssibus meis a fácie peccatórum meórum.

Quóniam iniquítátes meæ supergréssæ sunt caput meum: * et sicut onus grave gravátæ sunt super me.

Putruérunt et corrúptæ sunt cicatrices meæ, * a fácie insipiéntiæ meæ.

Miser factus sum, et curvátus sum usque in finem: * tota die contristátus ingrediébar.

Quóniam lumbi mei impléti sunt illusiónibus: * et non est sánitas in

carne mea.

Afflíctus sum, et humiliátus sum nimis: * rugiébam a gémitu cordis mei.

Dómine, ante te omne desidérium meum: * et gémitus meus a te non est abscónditus.

Cor meum conturbátum est, derelíquit me virtus mea: * et lumen oculórum meórum, et ipsum non est mecum.

Amíci mei, et próximi mei * ad vérsum me appropinquavérunt, et stetérunt.

Et qui juxta me erant, de longe stetérunt: * et vim faciébant qui quærébant ániam meam.

Et qui inquirébant mala mihi, locúti sunt vanitátes: * et dolos tota die meditabántur.

Ego autem tamquam surdus non au-

diébam: * et sicut mutus non apériens
os suum.

Et factus sum sicut homo non áu-
diens: * et non habens in ore suo
redargutiónes.

Quóniam in te, Dómine, sperávi: *
tu exáudies me, Dómine, Deus meus.

Quia dixi: Nequando sup-
ergáudeant mihi inimíci mei: *
et dum commovéntur pedes mei,
super me magna locúti sunt.

Quóniam ego in flagélla parátus
sum: * et dolor meus in conspéctu
meo semper.

Quóniam iniquitátem meam an-
nuntiábo: * et cogitábo pro peccáto
meo.

Inimíci autem mei vivunt, et confir-
máti sunt super me: * et multiplicáti
sunt qui odérunt me iníque.

Qui retríbuunt mala pro bonis, de-

trahébant mihi: * quóniam sequébar
bonitátem.

Ne derelínguas me, Dómine, Deus
meus: * ne discésseris a me.

Inténde in adjutórium meum, *
Dómine, Deus, salútis meæ.

Glória Patri. Sicut erat.

Psalmus 50 [4]

MISERÉRE mei, Deus, * secún-
dum magnam misericórdiam
tuam.

Et secúndum multitúdinem miser-
atiónum tuárum, * dele iniquitátem
meam.

Amplius lava me ab iniquitáte mea: *
et a peccáto meo munda me.

Quóniam iniquitátem meam ego
cognósco: * et peccátum meum con-
tra me est semper.

Tibi soli peccávi, et malum coram

te feci: * ut justificéris in sermónibus
tuis, et vincas cum judicáris.

Ecce enim, in iniquitátibus concép-
tus sum: * et in peccátis concépit me
mater mea.

Ecce enim, veritátem dilexísti: * in-
cépta et occulta sapiéntiæ tuæ mani-
festásti mihi.

Aspérges me hyssópo, et mundá-
bor: * lavábis me, et super nivem deal-
bábor.

Audítui meo dabis gáudium et lætí-
tiám: * et exsultábunt ossa humiliáta.

Avérte fáciem tuam a peccátis
meis: * et omnes iniquitátes meas
dele.

Cor mundum crea in me, Deus: * et
spíritum rectum ínnova in viscéribus
meis.

Ne proícias me a fácie tua: * et spíri-
tum sanctum tuum ne áuferas a me.

Redde mihi lætitiam salutáris tui: *
et spíritu principáli confírma me.

Docébo iníquos vias tuas: * et ímpii
ad te converténtur.

Líbera me de sanguínibus, Deus,
Deus salútis meæ: * et exsultábit lin-
gua mea justítiam tuam.

Dómine, lábia mea apéries: * et os
meum annuntiábit laudem tuam.

Quóniam si voluísses sacrificíum,
dedíssem útique: * holocáustis non
delectáberis.

Sacrifícum Deo spíritus contribulá-
tus: * cor contrítum, et humiliátum,
Deus, non despíces.

Benígne fac, Dómine, in bona vol-
untáte tua Sion: * ut ædificéntur muri
Jerúsalem.

Tunc acceptábis sacrificíum justítiæ,
oblationes, et holocáusta: * tunc im-
pónent super altáre tuum vítulos.

Glória Patri. Sicut erat.

Psalmus 101 [5]

DÓMINE, exáudi oratióne meam: * et clamor meus ad te véniat.

Non avértas fáciem tuam a me: * in quacúmque die tribulor, inclína ad me aurem tuam.

In quacúmque die invocávero te, * velóciter exáudi me.

Quia defecérunt sicut fumus dies mei: * et ossa mea sicut crémium aruérunt.

Percússus sum ut fænum, et áruit cor meum: * quia oblítus sum comédere panem meum.

A voce gémitus mei * adhæsit os meum carni meæ.

Símilis factus sum pellicáno solitúdinis: * factus sum sicut nyctícorax in

domicílio.

Vigilávi, * et factus sum sicut passer solitárius in tecto.

Tota die exprobrábant mihi inimíci mei: * et qui laudábant me, advérsus me jurábant.

Quia cínerem tamquam panem manducábam, * et potum meum cum fletu miscébam.

A fácie iræ et indignatiónis tuæ: * quia elevans allisísti me.

Dies mei sicut umbra declinavérunt: * et ego sicut fænum árui.

Tu autem, Dómine, in ætérnum pérmanes: * et memoriále tuum in generatióne et generatióne.

Tu exsúrgens miseréberis Sion: * quia tempus miseréndi ejus, quia venit tempus.

Quóniam placuérunt servis tuis lápi-

des ejus: * et terræ ejus miserebuntur.

Et timébunt gentes nomen tuum,
Dómine, * et omnes reges terræ
glóriam tuam.

Quia ædificávit Dóminus Sion: * et
vidébitur in glória sua.

Respéxit in oratióne humílium: *
et non sprevit precem eórum.

Scribántur hæc in generatióne ál-
tera: * et póplus, qui creábitur,
laudábit Dóminum:

Quia prospéxit de excélo sancto
suo: * Dóminus de cælo in terram as-
péxit:

Ut audíret gémitus compeditórum: *
ut sólveret filios interemptórum:

Ut annúntient in Sion nomen
Dómini: * et laudem ejus in
Jerúsalem.

In conveniéndo pópulos in unum, *
et reges ut sérviant Dómino.

Respóndit ei in via virtútis suæ: *
Paucitátem diérum meórum núntia
mihi.

Ne révoces me in dimídio diérum
meórum: * in generatióne et genera-
tióne anni tui.

Inítio tu, Dómine, terram fundásti: *
et ópera mánuum tuárum sunt cæli.

Ipsi períbunt, tu autem pérmanes: *
et omnes sicut vestiméntum veterás-
cent.

Et sicut opertórium mutábis eos, et
mutabúntur: * tu autem idem ipse es,
et anni tui non defícient.

Fílii servórum tuórum habitábunt: *
et semen eórum in sǽculum dirigé-
tur.

Glória Patri. Sicut erat.

Psalmus 129 [6]

DE profundis clamávi ad te,
Dómine: * Dómine, exáudi
vocem meam:

Fiant aures tuæ intendéntes, * in vo-
cem deprecationis meæ.

Si iniquitátes observáveris,
Dómine: * Dómine, quis sustinébit?

Quia apud te propitiátio est: * et
propter legem tuam sustínui te,
Dómine.

Sustínuit ánima mea in verbo eius: *
sperávit ánima mea in Dómino.

A custódia matutína usque ad
noctem: * speret Israël in Dómino.

Quia apud Dóminum misericór-
dia: * et copiosa apud eum redémptio.

Et ipse rédimet Israël, * ex ómnibus
iniquitáibus eius.

Glória Patri. Sicut erat.

Psalmus 142 [7]

DÓMINE, exáudi oratióne
meam: áuribus pércipe obse-
cratióne meam in veritáte tua: *
exáudi me in tua iustítia.

Et non intres in iudícium cum servo
tuo: * quia non iustificábitur in con-
spéctu tuo omnis vivens.

Quia persecútus est inimícus áni-
mam meam: * humiliávit in terra vi-
tam meam.

Collocávit me in obscúris sicut mó-
tuos sáculi: * et anxiátus est super me
spíritus meus, in me turbátum est cor
meum.

Memor fui diérum antiquórum,
meditátus sum in ómnibus opéribus
tuis: * in factis mánuum tuárum
meditábar.

Expándi manus meas ad te: * ánima

mea sicut terra sine aqua tibi.

Velóciter exáudi me, Dómine: * de-fécit spíritus meus.

Non avértas fáciem tuam a me: * et símilis ero descendéntibus in lacum.

Audítam fac mihi mane misericór-diam tuam: * quia in te sperávi.

Notam fac mihi viam, in qua ám-bulem: * quia ad te levávi ániam meam.

Éripe me de inimícis meis, Dómine, ad te confúgi: * doce me fácer volun-tátem tuam, quia Deus meus es tu.

Spíritus tuus bonus dedúcet me in terram rectam: * propter nomen tuum, Dómine, vivificábis me, in æquitáte tua.

Edúces de tribulatióne ániam meam: * et in misericórdia tua dispérdes inimícos meos.

Et perdes omnes, qui tríbulant án-

imam meam: * quóniam ego servus tuus sum.

Glória Patri. Sicut erat.

Ant. Ne reminiscáris * Dómine delícta nostra, vel paréntum nos-trórum: neque vindictam sumas de peccátis nostris.


— *Si quis vult post me venire, abneget seipsum et tollat crucem suam cotidie et sequatur me. (Lc 9,23)*

— *Si non paenitentiam egeritis omnes similiter peribitis. (Lc 13,5)*

— *Si autem Spiritu opera corporis mortificatis, vivetis. (Rom 8,13)*

— *Semper mortificationem Iesu in corpore circumferentes, ut et vita Iesu in corpore nostro manifestetur. (2 Cor 4,10)*

— *Abnegantes saecularia desideria sobrie et iuste et pie vivamus in hoc saeculo. (Tit 2,12)*



SOMMER

DEVOTIO EUCHARISTICA

Ante Missam

Oratio S. Thomæ Aquinatis

OMNÍPOTENS sempiterne Deus,
ecce accédo ad sacraméntum
unigéniti Fílii tui, Dómini nostri,
Iesu Christi; accédo tamquam in-
fírmus ad médicum vitæ, immún-
dus ad fontem misericórdiæ, cæ-
cus ad lumen claritátis ætérnæ, pau-
per et egénus ad Dóminum cæli et
terræ. Rogo ergo imménsæ lar-
gitátis tuæ abundántiam, quátenus
meam curáre dignéris infirmitátem,
laváre foeditátem, illumináre cæc-
itátem, ditáre paupertátem, vestíre
nuditátem; ut panem Angelórum,

Regem regum et Dóminum dominántium, tanta suscípiam reveréntia et humilitáte, tanta contritíone et devotíone, tanta puritaté et fide, tali propósito et intentíone, sicut expedit salúti ánimæ meæ. Da mihi, quæso, Domínici Córporis et Sánguinis non solum suscípere sacraméntum, sed étiam rem et virtútem sacraménti. O mitíssime Deus, da mihi Corpus unigéniti Fílii tui, Dómini nostri, Iesu Christi, quod traxit de Vírgine María, sic suscípere, ut cónpori suo mýstico mérear incorporári, et inter eius membra connumerári. O amantísime Pater, concéde mihi diléctum Fílium tuum, quem nunc velátum in via suscípere propóno, reveláta tandem fácie perpétuo contemplári: Qui tecum vivit et regnat in unitáte Spíritus Sancti, Deus, per ómnia sácula

sæculórum. Amen.

Oratio S. Ambrosii

AD mensam dulcissimi convívii tui, pie Dómine Iesu Christe, ego peccátor de propriis meis méritis nihil præsúmens, sed de tua confídens misericórdia et bonitáte, accédere véreor et contremíscō. Nam cor et corpus hábeo multis crimínibus maculátum, mentem et linguam non caute custóditam. Ergo, o pia Déitas, o treménda maiéstas, ego miser, inter angústias deprehénsus, ad te fontem misericórdiæ recúrro, ad te festíno sanándus, sub tuam protectionem fúgio; et quem Iúdicem sustinére néqueo, Salvatórem habére suspíro. Tibi, Dómine, plagas meas osténdo, tibi verecúndiam meam détego. Scio peccáta mea multa et

magna, pro quibus tíméo: spero
in misericórdias tuas, quarum non
est númerus. Réspice ergo in me
óculis misericórdiæ tuæ, Dómine,
Iesu Christe, Rex ætérne, Deus et
homo, crucifíxus propter hóminem.
Exáudi me sperántem in te: miserére
mei pleni misériis et peccátis, tu
qui fontem miseratiónis numquam
manáre cessábis. Salve, salutáris
víctima, pro me et ómnia humáno
génere in patíbulo Crucis obláta.
Salve, nóbilis, et pretióse sanguis,
de vulnéribus crucifíxi Dómini mei
Iesu Christi prófluens, et peccáta
totus mundi ábluens. Recordáre,
Dómine, creatúræ tuæ, quam tuo
Sánguine redemísti. Páenitet me
peccásse, cúpio emendáre quod feci.
Aufer ergo a me, clementíssime
Pater, omnes iniquitátes et peccáta

mea, ut, purificátus mente et córpore,
digne degustáre mérear Sancta sanc-
tórum. Et concéde, ut hæc sancta
prælibátio Córporis et Sánguinis tui,
quam ego indígnus súmere inténdo,
sit peccatórum meórum remíssio,
sit delictórum perfécta purgátio,
sit túrpium cogitatióne effugátio
ac bonórum sénsuum regenerátio,
operúmque tibi placéntium salúbris
efficácia, ánimæ quoque et cónporis
contra inimicórum meórum insídias
firmíssima tuítio. Amen.

Oratio Joannis Chrysostomi

CREDO, Dómine, et confíteor
quod tu es Deus et Fílius Dei
vivi, qui venísti in mundum ut pecca-
tóres salvos fáceres, quorum primus
ego sum. Et coenæ tuæ mýsticæ
hódie, Fili Dei, consórtem me áccipe.

Non enim inimícis tuis mystérium dicam, non ósculum tibi dabo sicut Judas, sed sicut latro confíteor tibi: Meménto mei, Dómine, in regno tuo; et, Dómine, non sum dignus, ut sub sórdidum tectum ánimæ meæ ingrediáris, sed sicut dignátus es in spelúnca et præsépio brutórum reclinári, et in domo Simónis leprósi, etiámque mihi símilem meretrícem peccatrícem ad te accedéntem recepísti, dignéris étiam in præsépium ánimæ meæ ratiónis expértis, et in spelúncam córporis mei mórtui et leprósi intráre. Et sicut non abhorruísti os sórdidum meretrícis osculántis intemerátos pedes tuos: sic, Dómine Deus meus, ne abhórreas me peccatórem, sed ut bonus et clemens, dignáre me partícipem fieri sanctíssimi Córporis et Sanguinis

tui. Deus noster, condóna, ignósce, remítte mihi peccatóri, quæcúmque in te admísi, voluntária et involuntária; sive sciens, sive ignórans; seu verbo, seu ópere, seu concupiscéntia commíserim: ómnia mihi indúlge, ut bonus et clemens, intercessiónibus intemerátæ et semper Vírginis Matris tuæ. Indemnátum me custódi, ut sumam pretiósum et immaculátum Corpus, ad medélam ánimæ et córporis: quia tuum est regnum et potéstas et glória, Patris et Fílii et Spíritus sancti, nunc et semper, et in sǽcula sæculórum. Amen.

Judica me

JÚDICA me, Deus, et discérne causam meam de gente non sancta, * ab hómine iníquo, et doloso érue me.

Quia tu es, Deus, fortitudo mea: *
quare me repulisti? et quare tristis in-
cédo, dum affligit me inimicus?

Emítte lucem tuam et veritátem
tuam: * ipsa me deduxérunt, et ad-
duxérunt in montem sanctum tuum,
et in tabernácula tua.

Et introíbo ad altáre Dei: * ad Deum,
qui lætíficat juventútem meam.

Confitébor tibi in cíthara, Deus,
Deus meus: * quare tristis es, ánima
mea? et quare contúrbas me?

Spera in Deo, quóniam adhuc con-
fitébor illi: * salutáre vultus mei, et
Deus meus.

Post Missam

Oratio S. Thomæ Aquinatis

GRÁTIAS tibi ago Dómine, sancte
Pater, omnípotens ætérne Deus,

qui me peccatórem, indígnum fá-mulum tuum, nullis meis méritis, sed sola dignatióne misericórdiæ tuæ satiáre dignátus es pretióso Córpo-re et Sánguine Fílii tui, Dómini nostri Iesu Christi. Et precor, ut hæc sancta commúnio non sit mihi reátus ad poe-nam, sed intercéssio salutáris ad vé-niam. Sit mihi armatúra fídei et scu-tum bonæ voluntátis. Sit vitiórum meórum evacuátio, concupiscéntiæ et libídinis exterminátio, caritátis et patiéntiæ, humilitátis et oboedién-tiæ omniúmque virtútum augmen-tatio: contra insídias inimicórum ómnium, tam visibílium quam in-visibílium firma defénsio; mótuum meórum, tam carnálium quam spiri-tuálium, perfécta quietáio: in te uno ac vero Deo firma adhæsio; atque fi-nis mei felix consummátio. Et pre-

cor te, ut ad illud ineffabile convívium me peccatórem perdúcere dignérис, ubi tu, cum Fílio tuo et Spíritu Sancto, Sanctis tuis es lux vera, satietas plena, gáudium sempitérnum, iucúnditas consummáta et felicitas perfécta. Per eúndem Christum Dóminum nostrum.

Oratio Sancti Bonaventurae

TRANSFÍGE, dulcissime Dómine Iesu, medúllas et víscera ánimæ meæ suavíssimo ac saluberrímo amoris tui vúlnere, vera serenáque et apostólica sanctíssima caritáte, ut lángueat et liquefiat ánima mea solo semper amore et desidério tui, te concupíscat et defíciat in átria tua, cúpiat dissólvi et esse tecum. Da ut ánima mea te esúriat, panem Angelórum, refectiōnem animárum sanctárum;

panem nostrum cotidiánum, super-substantiálem, habéntem omnem dulcédinem et sapórem, et omne delectaméntum suavitátis. Te, in quem desíderant Angeli prospícere, semper esúriat et cómedat cor meum, et dulcédine sapóris tui repleántur víscera ánimæ meæ; te semper sítiat fontem vitæ, fontem sapiéntiæ et sciéntiæ, fontem ætérsi lúminis, torréntem voluptátis, ubertátem domus Dei. Te semper ámbiat, te quærat, te invéniat, ad te tendat, ad te pervéniat, te medítetur, te loquátur, et ómnia operétur in laudem et glóriam nóminis tui, cum humilitáte et discretiόne, cum dilectiόne, et delectatiόne, cum facilitáte et afféctu, cum perseverán-tia usque in finem; ut tu sis solus semper spes mea, tota fidúcia mea, divitiæ meæ, delectatiόn mea, iucún-

ditas mea, gáudium meum, quies et tranquíllitas mea, pax mea, suávitatis mea, odor meus, dulcédo mea, cibus meus, reféctio mea, refúgium meum, auxílum meum, sapiéntia mea, pórtio mea, posséssio mea, thesáurus meus, in quo fixa et firma et immobíliter semper sit radicáta mens mea et cor meum. Amen.

Perceptio corporis tui

PERCÉPTIO córporis tui, Dómine Iesu Christe, quod ego indígnus súmere præsúmo, non mihi provéniat in iudícium et condemnatióne; sed pro tua pietáte proxit mihi ad tutaméntum mentis et córporis et ad medélam percipiéndam: Qui vivis et regnas in sácula sæculórum. Amen.

Anima Christi

ANIMA Christi, sanctifica me.
Corpus Christi, salva me.
Sanguis Christi, inébria me.
Aqua latéris Christi, lava me.
Pássio Christi, confórta me.
O bone Iesu, exáudi me.
Intra tua vúlnera abscónde me.
Ne permíttas me separári a te.
Ab hoste maligno defénde me.
In hora mortis meæ voca me.
Et jube me veníre ad te,
Ut cum Sanctis tuis laudem te
In sácula sæculórum. Amen.

Ave Verum

AVE verum corpus natum de María
vírgine
Vere passum immolátum in cruce
pro hómíne

Cujus latus perforátum fluxit aqua et
sanguine

Esto nobis prægustátum mortis in
exámine

O Iesu dulcis!

O Iesu pie!

O Iesu fili Mariæ!

Adoratio

Verbum supernum prodiens

VERBUM supérnum pródiens,
Nec Patris linquens déxteram,
Ad opus suum éxiens,
Venit ad vitæ vésperam.

In mortem a discípulo
Suis tradéndus æmulis,
Prius in vitæ férculo
Se trádidit discípulis.

Quibus sub bina spécie

Carnem dedit et sanguinem;
Ut duplicis substancialiæ
Totum cibaret hominem.

Se nascens dedit socium,
Convalescens in edulum,
Se moriens in pretium,
Se regnans dat in premium.

O salutaris hostia,
Quae caeli pandis ostium,
Bella premunt hostilia;
Da robur, fer auxilium.

Uni trinoque Dominus,
Sit sempiterna gloria:
Qui vitam sine termino
Nobis donet in patria. Amen.

Pange lingua

PANGE, lingua, gloriosi
corporis mysterium,

sanguinísque pretiósí,
quem in mundi présum
fructus ventris generósi
rex effúdit géntium.

Nobis datus, nobis natus
ex intácta Vírgine,
et in mundo conversátus,
sparso verbi sémine,
sui moras incolátus
miro clausit órdine.

In suprémæ nocte coenæ
recúmbens cum frátribus,
observáta lege plene
cibis in legálibus,
cibum turbæ duodénæ
se dat suis mánibus.

Verbum caro panem verum
verbo carnem éfficit,
fitque sanguis Christi merum;
et si sensus déficit,

ad firmándum cor sincérum
sola fides súfficit.

TANTUM ergo sacraméntum
venerémur cérnui,
et antíquum documéntum
novo cedat rítui,
præstet fides suppléméntum
sénsuum deféctui.

Genitóri Genítóque,
laus et iubilátio,
salus, honor, virtus quoque
sit et benedíctio.

Procedénti ab utróque
compar sit laudátio. Amen.

V. Panem de cælo præstitísti eis.
(T.P. Allelúia) **R.** Omne delectamén-
tum in se habéntem. (T.P. Allelúia)

Orémus: Deus, qui nobis sub
sacraménto mirábili, passiónis tuæ

memóriam reliquísti: tríbue, quáe-
sumus, ita nos córporis et sanguinis
tui sacra mystéria venerári, ut re-
demptiónis tuæ fructum in nobis
iúgiter sentiámus. Qui vivis et regnas
in sæcula sæculórum. Amen.

Adoro te devote

ADÓRO te devóte, latens Déitas,
Quæ sub his figúris vere látitas:
Tibi se cor meum totum subiicit,
Quia te contémplans totum déficit.

Visus, tactus, gustus in te fállitur,
Sed audítu solo tuto créditur.
Credo quidquid dixit Dei Fílius:
Nil hoc verbo Veritátis vérius.

In cruce latébat sola Déitas,
At hic latet simul et humánitas;
Ambo tamen credens atque cón-
fitens,

Peto quod petívit latro p  nitens.

Plagas, sicut Thomas, non int  eor;
Deum tamen meum te confiteor.
Fac me tibi semper magis cr  dere,
In te spem hab  re, te dil  gere.

O memori  le mortis D  mini!
Panis vivus, vitam pr  stans h  mini!
Pr  sta me   menti de te v  vere
Et te illi semper dulce s  pere.

Pie pellic  ne, Iesu D  mine,
Me imm  ndum munda tuo s  guine.

Cuius una stilla salvum f  cere
Totum mundum quit ab omni
sc  lere.

Iesu, quem vel  tum nunc asp  cio,
Oro fiat illud quod tam s  tio;
Ut te revelata cernens f  cie,
Visu sim beatus tu   gl  ri  . Amen.

BEATA VIRGO MARIA

Angelus

℣. Angelus Dómini nuntiávit Maríæ;
℟. Et concépit de Spíritu Sancto.

Ave María.

℣. Ecce ancílla Dómini. ℟. Fiat mihi secúndum verbum tuum.

Ave María.

℣. Et Verbum caro factum est. ℟. Et habitávit in nobis.

Ave María.

℣. Ora pro nobis, sancta Dei Génetrix. ℟. Ut digni efficiámur promissiónibus Christi.

Orémus.

GRÁTIAM tuam, quásumus,
Dómine, méntibus nostris infunde; ut qui, Angelo nuntiánte,

Christi Fílii tui incarnatióne cognóvimus, per passiónem eius et crucem, ad resurrectiónis glóriam perducámur. Per eúndem Christum Dóminum nostrum. Amen.

Memorare

MEMORÁRE, o piíssima Virgo María, non esse audítum a sæculo, quemquam ad tua curréntem præsídia, tua implorántem auxília, tua peténtem suffrágia, esse derelíc-tum. Ego tali animátus confidéntia, ad te, Virgo Vírginum, Mater, curro, ad te vénio, coram te gemens peccá-tor assísto. Noli, Mater Verbi, verba mea despícere; sed audi propítia et exáudi. Amen.

Sancta Maria, regina cælorum

SANCTA María, regína cælórum,
mater Dómini nostri Iesu Christi,
et mundi dómina, quæ nullum
derelínquis, et nullum déspicis:
réspice me, dómina, cleménter
óculo pietatis, et ímpetra mihi apud
tuum diléctum Fílium cunctórum
véniam peccatórum: ut qui nunc
tuam sanctam et immaculátam con-
ceptiónem devóto afféctu recólo,
ætérnæ in futúrum beatitúdinis,
bravíum cápiam, ipso, quem virgo
peperísti, donánte Dómino nostro
Iesu Christo: qui cum Patre et Sancto
Spíritu vivit et regnat, in Trinitáte
perfécta, Deus, in sæcula sæculórum.
Amen.

Stabat Mater

STABAT Mater dolorosa
Iuxta Crucem lacrimosa,
Dum pendebat Filius.

Cuius animam geméntem,
Contristátam et doléntem,
Pertransivit gládium.

O quam tristis et afflícta
Fuit illa benedícta
Mater Unigéniti!

Quæ mærébat, et dolébat,
Pia Mater, dum vidébat
Nati poenas ícliti.

Quis est homo, qui non fleret,
Matrem Christi si vidéret
In tanto supplicio?

Quis non posset contristári,
Christi Matrem contemplári

Doléntem cum Filio?

Pro peccátis suæ gentis,
Vidit Iesum in torméntis,
Et flagéllis súbditum.

Vidit suum dulcem Natum
Moriéndo desolátum,
Dum emísit spíritum.

Eia, Mater, fons amóris,
Me sentíre vim dolóris
Fac, ut tecum lúgeam.

Fac, ut árdeat cor meum
In ámando Christum Deum,
Ut sibi compláceam.

Sancta Mater, istud agas,
Crucifixi fige plagas
Cordi meo válide.

Tui Nati vulneráti,
Tam dignáti pro me pati,

Poenas mecum dívide.

Fac me tecum pie flere,
Crucifixo condolére,
Donec ego víxero.

Iuxta crucem tecum stare,
Et me tibi sociáre
In planctu desídero.

Virgo virginum præclára,
Mihi iam non sis amára :
Fac me tecum plángere.

Fac, ut portem Christi mortem,
Passiónis fac consórtem,
Et plagas recólere.

Fac me plagis vulnerári,
Fac me Cruce inebriári,
Et cruóre Fílii.

Flammis ne urar succénsus
Per te, Virgo, sim defénsus

In die iudíci.

Christe, cum sit hinc exíre,
Da per Matrem me venire
Ad palmam victóriæ.

Quando corpus moriétur,
Fac, ut ánimæ donétur
Paradísi gloria.

Antiphonæ

Sub Tuum Præsidium

SUB Tuum Præsidium confúgimus,
Sancta Dei Génetrix. Nostras
deprecatiónes ne despícias in ne-
cessitátibus, sed a perículis cunctis
líbera nos semper, Virgo gloriósa et
benedícta.

Inviolata

INVIOLÁTA, intácta et casta es,
María, * quæ es effécta fúlgida
cæli porta.

O Mater alma Christi caríssima, *
súscipe pia laudum præcónia.

Nostra ut pura péctora sint et cór-
pora, * te nunc flágitant devóta corda
et ora.

Tua per precáta dulcísona * nobis
concédas véniam per sácula,

O benígnā, * quæ sola invioláta per-
mansísti.

Regina Cæli

REGÍNA Cæli, lætáre, allelúia:
Quia quem meruísti portáre, al-
lelúia,

Resurréxit sicut dixit, allelúia.

Ora pro nobis Deum, allelúia.

℣. Gaude et lætáre, Virgo María, allelúia, ℟. Quia surréxit Dóminus vere, allelúia.

Orémus. Deus, qui per resurrecciónem Fílii tui, Dómini nostri Iesu Christi, mundum lætificáre dignátus es: præsta, quásumus; ut, per eius Genetricem Vírginem Maríam, per pétuæ capiámus gáudia vitæ. Per eúndem Christum Dóminum nostrum. Amen.

Ave Regina Cælorum

AVE, Regína Cælórum
Ave, Dómina Angelórum:
Salve, radix, salve, porta,
Ex qua mundo lux est orta:
Gaude, Virgo gloriósa,
Super omnes speciósa,
Vale, o valde décora,
Et pro nobis Christum exóra.

℣. Dignáre me laudáre te, Virgo
sacráta. ℥. Da mihi virtútem contra
hostes tuos.

Orémus. Concéde, misericors Deus,
fragilitati nostrae præsidium; ut, qui
sanctæ Dei Genetricis memóriam
ágimus; intercessiónis eius auxílio, a
nostris iniquitátibus resurgámus. Per
eúndem Christum Dóminum nos-
trum. Amen.

Salve Regina

SALVE Regína, mater miser-
icórdiæ, vita, dulcédo, et spes
nostra, salve. Ad te clamámus
éxsules filii Hevæ. Ad te suspirá-
mus, geméntes et flentes in hac
lacrimárum valle. Eia, ergo, advocáta
nostra, illos tuos misericórdes óculos
ad nos convérte. Et Iesum, benedíc-
tum fructum ventris tui, nobis post

hoc exsílum osténde. O clemens, O pia, O dulcis Virgo María. Amen.

V. Ora pro nobis, sancta Dei Génetrix. **R.** Ut digni efficiámur promissiónibus Christi.

Orémus. Omnipotens sempitérne Deus, qui gloriósae Vírginis Matris Mariæ corpus et ánimam, ut dignum Fílii tui habitáculum éffici mereré-
tur, Spíritu Sancto cooperánte, præ-
parásti: da, ut cuius commemo-
ratíone lætámur; eius pia interces-
síone, ab instántibus malis, et a
morte perpétua liberémur. Per eún-
dem Christum Dóminum nostrum.
Amen.

Alma Redemptoris Mater

ALMA Redemptoris Mater, quæ
pervia cæli Porta manes, et stella
maris, succúrre cadénti, Súrgere

qui curat, pôpulo: tu quæ genuisti,
Natûra mirânte, tuum sanctum
Genitórem Virgo prius ac postérius,
Gabriélis ab ore Sumens illud Ave,
peccatórum miserére.

℣. Post partum, Virgo, invioláta per-
mansísti. ℥. Dei Génetrix, intercéde
pro nobis.

Orémus. Deus, qui salútis ætérnæ,
beátæ Mariæ virginitáte fecúnda,
humáno géneri præmia præstitísti:
tríbue, quásumus; ut ipsam pro no-
bis intercédere sentiámus, per quam
merúimus auctórem vitæ suscípere,
Dóminum nostrum Iesum Christum,
Fílium tuum. Amen.



OFFICIUM PARVUM B. MARIÆ VIRGINIS

Ante Officium

APERI, Dómine, os meum ad benedicéndum nomen sanctum tuum: munda quoque cor meum ab ómnibus vanis, pérversis et aliénis cogitatióibus; intelléctum illúmina, afféctum inflámma, ut digne, atténte ac devóte hoc Offícium recitáre váleam, et exaudíri mérear ante conspéctum divinæ Majestatis tuæ. Per Christum, Dóminum nostrum. Amen.

DÓMINE, in unióne illíus divinæ intentiónis, qua ipse in terris laudes Deo persolvisti, has tibi Horas (*vel* hanc tibi Horam) persólvo.

Ad Matutinum

¶. Ave María, grátia plena, Dóminus tecum. R. Benedícta tu in muliéribus, et benedíctus fructus ventris tui Jesus.

¶. Dómine, lábia mea apéries. R. Et os meum annuntiábit laudem tuam.

¶. Deus, in adjutórium meum inténde. R. Dómine, ad adjuvándum me festína.

Glória Patri, et Fílio, et Spirítui Sancto. Sicut erat in princípio, et nunc, et semper, et in sácula sæculórum. Amen. Allelúia.

*A Septuagesima vero, usque ad Pascha,
dicitur Laus tibi, Dómine, Rex
ætérnæ glóriæ.*

Invitatorium

Ant. Regem Vírginis Fílium, *
Veníte, adorémus.

VENÍTE, exsultémus Dómino, iubilémus Deo, salutári nostro: præoccupémus fáciem eius in confesióne, et in psalmis iubilémus ei.

Ant. Regem Vírginis.

QUÓNIAM Deus magnus Dóminus, et Rex magnus super omnes deos, quóniam non repéllet Dóminus plebem suam: quia in manu eius sunt omnes fines terræ, et altitúdines móntium ipse cónspicit.

Ant. Veníte, adorémus.

QUÓNIAM ipsíus est mare, et ipse fecit illud, et áridam fundavérunt manus eius veníte, adorémus, et procidámus ante Deum: plorémus coram Dómino, qui fecit nos, quia ipse est Dóminus, Deus noster; nos autem póplus eius, et oves páscuæ eius.

Ant. Regem Vírginis.

HÓDIE, si vocem eius audiéri-tis, nolíte obduráre corda vestra, sicut in exacerbatióne secún-dum diem tentatiónis in desérto: ubi tentavérunt me patres vestri, probavérunt et vidérunt ópera mea.

Ant. Veníte, adorémus.

QUADRAGÍNTA annis próximus fui generatióni huic, et dixi; Semper hi errant corde, ipsi vero non cognovérunt vias meas: quibus iurávi in ira mea; Si introíbunt in réquiem meam.

Ant. Regem Vírginis.

Glória Patri. Sicut erat.

Ant. Veníte, adorémus.

Ant. Regem Vírginis.

Hymnus

QUEM terra, pontus, æthera
Colunt, adórant, prædicant,

Trinam regéntem máchinam
Clastrum Mariæ bájulat.

Cui luna, sol, et ómnia
Desérviunt per témpora,
Perfúsa cæli grátia,
Gestant puéllæ víscera.

Beáta Mater múnere,
Cujus supérnus Artifex,
Mundum pugíllo cóntinens,
Ventris sub arca clausus est.

Beáta cæli núntio,
Fecúnda Sancto Spíritu,
Desiderátus géntibus
Cujus per alvum fusus est.

María, mater grátiae,
Mater misericórdiae,
Tu nos ab hoste prótege,
Et hora mortis súscipe.

Glória tibi, Dómine,

Qui natus es de Vírgine,
Cum Patre et Sancto Spíritu
In sempitérna sǽcula. Amen.

Psalmus 8

DÓMINE, Dóminus noster, *
quam admirábile est nomen
tuum in univérsa terra!

Quóniam eleváta est magnificéntia
tua, * super cælos.

Ex ore infántium et lacténtium
perfecísti laudem propter inimí-
cos tuos, * ut déstruas inimícum et
ultórem.

Quóniam vidébo cælos tuos, ópera
digitórum tuórum: * lunam et stellas,
quæ tu fundásti.

Quid est homo quod memor es
eius? * aut filius hóminis, quóniam
vísitas eum?

Minuísti eum paulo minus ab Ángelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas: ínsuper et pécora campi. Vólucres cæli, et pisces maris, * qui perámbulant sémitas maris.

Dómine, Dóminus noster, * quam admirábile est nomen tuum in univérsa terra!

Glória Patri.

Psalmus 18

CÆLI enárrant glóriam Dei: * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque ser-

mónes, * quorum non audiántur
voces eórum.

In omnem terram exívit sonus
eórum: * et in fines orbis terræ verba
eórum.

In sole pósuit tabernáculum suum: *
et ipse tamquam sponsus procédens
de tháalamo suo:

Exsultávit ut gigas ad curréndam
viam, * a summo cælo egréssio ejus:

Et occúrsus ejus usque ad summum
ejus: * nec est qui se abscóndat a
calóre ejus.

Lex Dómini immaculáta, con-
vértens ánimas: * testimónium
Dómini fidéle, sapiéntiam præstans
párvulis.

Justitiæ Dómini rectæ, lætificántes
corda: * præcéptum Dómini lúcidum,
illúminans óculos.

Timor Dómini sanctus, pérmánens

in sǽculum sǽculi: * judícia Dómini
vera, justificáta in semetípsa.

Desiderabília super aurum et lápi-
dem pretiósum multum: * et dulcióra
super mel et favum.

Étenim servus tuus custódit ea, * in
custodiéndis illis retribútio multa.

Delícta quis intellegit? ab occúltis
meis munda me: * et ab aliénis parce
servo tuo.

Si mei non fúerint domináti, tunc
immaculátus ero: * et emundábor a
delícto máximo.

Et erunt ut compláceant elóquia oris
mei: * et meditátio cordis mei in con-
spéctu tuo semper.

Dómine, adjútor meus, * et redémp-
tor meus.

Glória Patri.

Psalmus 23

DÓMINI est terra, et plenitúdo ejus: * orbis terrárum, et universti qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Ínnocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiōnem a Dómino: * et misericórdiam a Deo, salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et

elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens: Dóminus potens in prælio.

Attóllite portas, príncipes, vestras, et elevámini, portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Glória Patri.

Ant. Benedícta tu in muliéribus, et benedíctus fructus ventris tui.

℣. Diffúsa est grátia in lábiis tuis.

℟. Proptérea benedíxit te Deus in ætérmum.

Pater noster (*secreto*).

℣. Et ne nos indúcás in tentatióne.

℟. Sed líbera nos a malo.

℣. Jube, domne (vel: Dómine), benedícere. ℟. Alma Virgo vírginum

intercédat pro nobis ad Dóminum.
R. Amen.

Lectio i

SANCTA María, Virgo vírginum,
mater et filia Regis regum ómnium,
tuum nobis impénde solátium:
ut cælestis regni per te mereámur
habére præmium, et cum éléctis Dei
regnáre in perpétuum. Tu autem,
Dómine, miserére nostri.

R. Deo grátias.

R. Sancta et immaculáta virgíntas,
quibus te láudibus éfferam, néscio: *
Quia quem cæli cápere non póterant,
tuo grémio contulísti. V. Benedícta
tu in muliéribus, et benedíctus fruc-
tus ventris tui. Quia quem.

V. Jube, domne (vel: Dómine),
benedícere. R. Sancta Dei Génetrix sit
nobis auxiliátrix. R. Amen.

Lectio ii

SANCTA María, piárum piíssima,
intercéde pro nobis, sanctárum
sanctíssima: per te, Virgo, nostra
sumat precámina qui pro nobis ex te
natus regnat super áthera: ut sua car-
itáte nostra deleántur peccámina. Tu
autem, Dómine, miserére nostri.

R. Deo grátias.

R. Beáta es, Virgo María, quæ
Dóminum portásti creatórem
mundi: * Genuísti eum qui te fecit,
et in ætérnus permánes virgo.
V. Ave, María, grátia plena, Dóminus
tecum. * Genuísti eum.

V. Jube, domne (vel: Dómine),
benedícere. **R.** Nos cum Prole pia
benedícat Virgo María. **R.** Amen.

Lectio iii

SANCTA Dei Génetrix, quæ digne
meruísti concípere quem totus
orbis nequit comprehéndere, tuo pio
intervéntu culpas nostras áblue: ut
redémpti perénnis sedem glóriæ per
te valeámus scàndere, ubi regnas cum
eódem Fílio tuo sine témpore. Tu
autem, Dómine, miserére nostri.

R. Deo grátias.

R. Felix namque es, sacra Virgo
María, et omni laude digníssima: *
Quia ex te ortus est Sol justítiae, *
Christus Deus noster. **V.** Ora pro
pópulo, intervéni pro clero, in-
tercéde pro devóto femíneo sexu:
séntiant omnes tuum juvámen,
quicúmque célebrant tuam com-
memoratióñem. * Quia ex. * Glória
Patri. * Christus Deus.

Hymnus Ambrosianus

TE DEUM laudámus: * te
Dóminum confitémur.

Te ætérum Patrem * omnis terra
venerátur.

Tibi omnes Ángeli, * tibi Cæli, et uni-
vérsæ Potestátes:

Tibi Chérubim et Séraphim * in-
cessábili voce proclámant:

Sanctus, Sanctus, Sanctus * Dómi-
nus Deus Sábaoth.

Pleni sunt cæli et terra * maiestátis
glóriæ tuæ.

Te gloriósus * Apostolórum chorus,

Te Prophetárum * laudábilis
númerus,

Te Mártyrum candidátus * laudat
exércitus.

Te per orbem terrárum * sancta con-
fitétur Ecclésia,

Patrem * imménsæ maiestátis;

Venerandum tuum verum * et
únicum Fílium;

Sanctum quoque * Paráclitum Spíri-
tum.

Tu Rex glóriæ, * Christe.

Tu Patris * sempitérnus es Fílius.

Tu, ad liberandum suscepturus
hóminem: * non horruísti Vírginis
úterum.

Tu, devícto mortis acúleo, * ape-
ruísti credéntibus regna cælórum.

Tu ad déxteram Dei sedes, * in glória
Patris.

Iudex créderis * esse ventúrus.

Te ergo quæsumus, tuis fámulis súb-
veni, * quos pretióso sanguine re-
demísti.

Ætérna fac cum Sanctis tuis * in
glória numerári.

Salvum fac pópulum tuum,
Dómine, * et bénedic hereditáti

tuæ.

Et rege eos, * et extólle illos usque in ætérnum.

Per singulos dies * benedícimus te.

Et laudámus nomen tuum in sǽculum, * et in sǽculum sǽculi.

Dignáre, Dómine, die isto * sine pecáto nos custodíre.

Miserére nostri, Dómine, * miserére nostri.

Fiat misericórdia tua, Dómine, super nos, * quemádmodum sperávimus in te.

In te, Dómine, sperávi: * non confundar in ætérnum.

Hymnus Te Deum, dicatur semper quando in aliis Matutinis dicitur; vel ultimum R usque ad V. exclusive repetendum erit, quando in aliis Matutinis repetitur.

V. Ora pro nobis, sancta Dei

Génetrix. R. Ut digni efficiámur
promissiónibus Christi.

Ad Laudes

V. Deus, in adjatórium meum in-
ténde. R. Dómine, ad adjuvándum
me festína.

Glória Patri. Sicut erat. Allelúia. (vel
Laus tibi)

Psalmus 92

DÓMINUS regnávit, decórem in-
dútus est: * indútus est Dóminus
fortitúdinem, et præcínxit se.

Étenim firmávit orbem terræ, * qui
non commovébitur.

Paráta sedes tua ex tunc: * a sǽculo
tu es.

Elevavérunt flúmina, Dómine: * ele-
vavérunt flúmina vocem suam.

Elevavérunt flúmina fluctus suos, * a

vócibus aquárum multárum.

Mirábiles elatiónes maris: * mirábilis in altis Dóminus.

Testimónia tua credibília facta sunt nimis: * domum tuam decet sanctitúdo, Dómine, in longitúdinem diérum.

Glória Patri.

Psalmus 99

JUBILÁTE Deo, omnis terra: * servíte Dómino in lætítia.

Introíte in conspéctu ejus, * in exsultatióne.

Scitóte quóniam Dóminus ipse est Deus: * ipse fecit nos, et non ipsi nos.

Pópulus ejus, et oves páscuæ ejus: * introíte portas ejus in confessióne, átria ejus in hymnis: confitémini illi.

Laudáte nomen ejus: quóniam suávis est Dóminus, in æténum

misericórdia ejus, * et usque in generatiónem et generatónem véritas ejus.

Glória Patri.

Psalmus 62

DEUS, Deus meus, * ad te de luce
vígilo.

Sitívit in te ánima mea, * quam multiplíciter tibi caro mea.

In terra desérta, et ívia, et in aquósa: * sic in sancto appárui tibi,
ut vidérem virtútem tuam, et glóriam tuam.

Quóniam mélior est misericórdia tua super vitas: * lábia mea laudábunt te.

Sic benedícum te in vita mea: * et in nómine tuo levábo manus meas.

Sicut ádipe et pinguédine repleátur ánima mea: * et lábiis exsultatiónis

laudábit os meum.

Si memor fui tui super stratum
meum, in matutínis meditábor in te: *
quia fuísti adjútor meus.

Et in velaménto alárum tuárum ex-
sultábo, adhäsit áнима mea post te: *
me suscépit déxtera tua.

Ipsi vero in vanum quæsiérunt án-
imam meam, introíbunt in inferióra
terræ: * tradéntur in manus gládii,
partes vúlpium erunt.

Rex vero lætábitur in Deo, laud-
abúntur omnes qui jurant in eo: * quia
obstrúctum est os loquéntium iníqua.

Glória Patri.

Canticum trium Puerorum

BENEDÍCITE, ómnia ópera
Dómini, Dómino: * laudáte
et superexaltáte eum in sácula.

Benedícite, Ángeli Dómini,

Dómino: * benedícite, cæli, Dómino.

Benedícite, aquæ omnes, quæ super cælos sunt, Dómino: * benedícite, omnes virtutes Dómini, Dómino.

Benedícite, sol et luna, Dómino: * benedícite, stellæ cæli, Dómino.

Benedícite, omnis imber et ros, Dómino: * benedícite, omnes spíritus Dei, Dómino.

Benedícite, ignis et æstus, Dómino: * benedícite, frigus et æstus, Dómino.

Benedícite, rores et pruína, Dómino: * benedícite, gelu et frigus, Dómino.

Benedícite, glácies et nives, Dómino: * benedícite, noctes et dies, Dómino.

Benedícite, lux et ténebræ, Dómino: * benedícite, fúlgura et nubes, Dómino.

Benedícat terra Dóminum: * laudet

et superexáltet eum in sácula.

Benedícite, montes et colles,
Dómino: * benedícite, univérsa
germinántia in terra, Dómino.

Benedícite, fontes, Dómino: *
benedícite, mária et flúmina,
Dómino.

Benedícite, cete, et ómnia, quæ
movéntur in aquis, Dómino: *
benedícite, omnes vólucres cæli,
Dómino.

Benedícite, omnes béstiae et pécora,
Dómino: * benedícite, filii hóminum,
Dómino.

Benedícat Israël Dóminum: * laudet
et superexáltet eum in sácula.

Benedícite, sacerdótes Dómini,
Dómino: * benedícite, servi Dómini,
Dómino.

Benedícite, spíritus, et ánimæ
iustórum, Dómino: * benedícite,

sancti, et húmiles corde, Dómino.

Benedícite, Ananía, Azaríá, Mísaël,
Dómino: * laudáte et superexaltáte
eum in sæcula.

Benedicámus Patrem et Fílium cum
Sancto Spíritu: * laudémus et superex-
altémus eum in sæcula.

Benedíctus es, Dómine, in fir-
maménto cæli: * et laudábilis, et
gloriósus, et superexaltátus in sæcula.

Psalmus 148

SÆPE expugnavérunt me a juven-
tute mea, * dicat nunc Israël.

Sæpe expugnavérunt me a juven-
tute mea: * étenim non potuérunt
mihi.

Supra dorsum meum fabricavérunt
peccatóres: * prolongavérunt iniqui-
tátem suam.

Dóminus justus concídit cervíces

peccatórum: * confundántur et convertántur retrórsum omnes, qui odérunt Sion.

Fiant sicut fænum tectórum: * quod priúsquam evellátur, exáruit:

De quo non implévit manum suam qui metit, * et sinum suum qui manípulos cólligit.

Et non dixérunt qui præteríbant:
Benedíctio Dómini super vos: *
benedíximus vobis in nómine
Dómini.

Glória Patri.

Ant. Post partum, Virgo, invioláta permansísti. Dei Génetrix, intercéde pro nobis.

Capitulum

EGO quasi vitis fructificávi suavitátem odóris: et flores mei fructus honóris et honestátis.

R. Deo grátias.

Hymnus

O gloriósa Dómina,
Excélsa supra sídera:
Qui te creávit próvide
Lactásti sacro úbere.

Quod Heva tristis abstulit
Tu reddis almo gérmine:
Intrent ut astra flébiles,
Cæli fenéstra facta es.

Tu Regis alti jánua
Et porta lucis fúlgida:
Vitam datam per Vírginem,
Gentes redémptæ, pláudite.

María, mater grátiæ,
Mater misericórdiæ,
Tu nos ab hostile prótege,
Et hora mortis súscipe.

Glória tibi, Dómine,
 Qui natus es de Vírgine,
 Cum Patre et Sancto Spíritu
 In sempitérna sǽcula. Amen.

℣. Elégit eam Deus et præelégit eam.
 ℑ. Et habitáre eam facit in
 tabernáculo suo.

Canticum Zachariæ

BENEDÍCTUS Dóminus, Deus Is-
 raël: * quia visitávit, et fecit re-
 demptiónem plebis suæ:

Et eréxit cornu salútis nobis: * in
 domo David, púeri sui.

Sicut locútus est per os sanctórum, *
 qui a sǽculo sunt, prophetárum eius:

Salútem ex inimícis nostris, * et de
 manu ómnium, qui odérunt nos.

Ad faciéndam misericórdiam cum
 pátribus nostris: * et memorári tes-

taménti sui sancti.

Iusiurándum, quod iurávit ad Ábraham patrem nostrum, * datúrum se nobis:

Ut sine timóre, de manu inimicórum nostrórum liberáti, * serviámus illi.

In sanctitáte, et iustítia coram ipso, * ómnibus diébus nostris.

Et tu, puer, Prophéta Altíssimi vocáberis: * præíbis enim ante fáciem Dómini, paráre vias eius:

Ad dandam sciéntiam salútis plebi eius: * in remissiónem peccatórum eórum:

Per víscera misericórdiæ Dei nostri: * in quibus visitávit nos, óriens ex alto:

Illumináre his, qui in ténebris, et in umbra mortis sedent: * ad dirigéndos pedes nostros in viam pacis.

Glória Patri.

Ant. O gloriósa Dei Génetrix, Virgo semper María, quæ Dóminum ómnium meruísti portáre, et Regem Angelorum sola Virgo lactáre: nostri, quásumus, pia memoráre, et pro nobis Christum deprecáre: ut tuis fulti patrocíniis ad cælestia regna mereámur perveníre.

℣. Dómine, exáudi oratióne meam. ℟. Et clamor meus ad te véniat. *vel* ℣. Dóminus vobíscum. ℟. Et cum spíritu tuo.

Oratio

Orémus. Concéde nos fámulos tuos, quásumus, Dómine Deus, perpétua mentis et córporis salúte gaudére: et gloriósa beátæ Máríæ semper Vírginis intercessióne a præsénti liberári tristítia, et ætérrna pérfrui lætitia.

Per Dóminum nostrum Jesum Christum Fílium tuum, qui tecum vivit et regnat in unitáte Spíritus Sancti, Deus, per ómnia sǽcula sæculórum.
R. Amen.

V. Dómine, exáudi oratióne meam. R. Et clamor meus ad te véniat.

V. Benedicámus Dómino. R. Deo grátias.

Si immediate non sequitur alia Hora, subditur:

V. Ave María, grátia plena, Dóminus tecum. R. Benedícta tu in muliéribus, et benedíctus fructus ventris tui Jesus.

V. Fidélium ánimæ per misericórdiam Dei requiéscant in pace.
R. Amen.

Per Adventum

Ad Bened. Ant. Spíritus Sanctus
in te descéndet, María: ne tímeas,
habébis in útero Fílium Dei, allelúja.

Oratio

Orémus. Deus, qui de beátæ Maríæ
Vírginis útero Verbum tuum Angelo
nuntiánte carne suscípere voluísti,
præsta supplícibus tuis: ut, qui vere
eam Genetrícem Dei crédimus, ejus
apud te intercessiónibus adjuvémur.
Per eúndem Dóminum nostrum Je-
sus Christum Fílium tuum, qui
tecum vivit et regnat in unitáte Spíri-
tus Sancti, Deus, per ómnia sǽcula
sæculórum. Amen.

A Nativitate ad Purificationem

Ad Bened. Ant. Génuit puérpera
Regem, cui nomen ætérnū: et gáu-

dia matris habens cum virginitatis
honore, nec primam similem visa est,
nec habere sequentem.

Oratio

Orémus. Deus, qui salútis æternæ,
beátæ Mariæ virginitaté fecunda,
humano géneri præmia præstítisti:
tríbue, quæsumus, ut ipsam pro no-
bis intercédere sentiámus, per quam
merúimus Auctórem vitæ suscípere:
Dóminum nostrum Jesum Christum
Fílium tuum, qui tecum vivit et reg-
nat in unitate Spíritus Sancti, Deus,
per ómnia sæcula sæculórum. Amen.

Tempore paschali

Ad Bened. Ant. Beáta Dei Génetrix
María, Virgo perpétua, templum
Dómini, sacrárium Spíritus Sancti, tu
sola sine exémplo placuísti Dómino

nostro Jesu Christo. Ora pro pópulo, intervéni pro clero, intercéde pro de-vóto femíneo sexu, allelúja, allelúja.

Oratio

Orémus. Concéde nos fámulos tuos, quásumus, Dómine Deus, perpétua mentis et cónporis salúte gaudére: et gloriósa beátæ Mariæ semper Vírginis intercessióne a præsénti liberári tristítia, et ætérrna pérfrui lätítia. Per Dóminum nostrum Jesum Christum Fílium tuum, qui tecum vivit et regnat in unitáte Spíritus Sancti, Deus, per ómnia sácula sæculórum. Amen.

Ad Primam

℣. Ave María.

℣. Deus, in adjutórium.

Glória Patri. Sicut erat. Allelúia. vel
Laus tibi.

Hymnus

MEMÉNTO, salútis Auctor,
Quod nostri quondam córporis,
Ex illibáta Vírgine
Nascéndo, formam súmpseris.

María, mater grátiæ,
Mater misericórdiæ,
Tu nos ab hoste prótege,
Et hora mortis súscipe.

Glória tibi, Dómine,
Qui natus es de Vírgine,
Cum Patre et Sancto Spíritu
In sempitérna sácula. Amen.

Psalmus 119

AD Dóminum cum tribulárer
clamávi: * et exaudívit me.
Dómine, líbera ánimam meam a

lábiis iníquis, * et a lingua dolósa.

Quid detur tibi, aut quid apponátur
tibi * ad linguam dolósam?

Sagíttae poténtis acútæ, * cum car-
bónibus desolatóriis.

Heu mihi, quia incolátus meus pro-
longátus est: habitávi cum habitán-
tibus Cedar: * multum ícola fuit án-
ima mea.

Cum his, qui odérunt pacem, eram
pacíficus: * cum loquébar illis, im-
pugnábant me gratis.

Glória Patri.

Psalmus 120

LEVÁVI óculos meos in montes, *
unde véniет auxílium mihi.

Auxílium meum a Dómino, * qui
fecit cælum et terram.

Non det in commotiónem pedem
tuum: * neque dormítet qui custódit

te.

Ecce, non dormitábit neque dór-miet, * qui custódit Israël.

Dóminus custódit te, Dóminus pro-téctio tua, * super manum déxteram tuam.

Per diem sol non uret te: * neque luna per noctem.

Dóminus custódit te ab omni malo: * custódiat ánimam tuam Dóminus.

Dóminus custódiat intróitum tuum, et éxitum tuum: * ex hoc nunc, et usque in sáculum.

Glória Patri.

Psalmus 121

LÆTÁTUS sum in his, quæ dicta sunt mihi: * In domum Dómini íbimus.

Stantes erant pedes nostri, * in átriis tuis, Jerúsalem.

Jerúsalem, quæ ædificátur ut cívi-
tas: * cujus participátio ejus in idíp-
sum.

Illuc enim ascendérunt tribus, tribus
Dómini: * testimónium Israël ad con-
fiténdum nómini Dómini.

Quia illic sedérunt sedes in judício, *
sedes super domum David.

Rogáte quæ ad pacem sunt
Jerúsalem: * et abundántia diligén-
tibus te:

Fiat pax in virtúte tua: * et abundán-
tia in túrribus tuis.

Propter fratres meos, et próximos
meos, * loquébar pacem de te:

Propter domum Dómini, Dei nos-
tri, * quæsívi bona tibi.

Glória Patri.

Capitulum

A Binítio, et ante sácula créata sum,
et usque ad futúrum sáculum
non désinam, et in habitatióne sancta
coram ipso ministrávi.

R. Deo grátias.

V. Post partum, Virgo, * invioláta
permansísti. **R.** Dei Génetrix, inter-
céde pro nobis. Invioláta. Glória.
Post partum.

V. Benedícta tu in muliéribus. **R.** Et
benedíctus fructus ventris tui.

V. Dómine, exáudi oratióne-
m meam. **R.** Et clamor meus ad te
véniat.

Vel **V.** Dóminus vobíscum. **R.** Et
cum spíritu tuo.

Oratio

Orémus. Grátiam tuam, quáesumus,
Dómine, méntibus nostris infúnde;
ut qui, Angelo nuntiánte, Christi Fílii
tui incarnatiónem cognóvimus, per
passiónem eius et crucem, ad resur-
rectiónis glóriam perducámur. Per
eúndem. **R.** Amen.

V. Dómine, exáudi. **V.** Benedicámus
Dómino.

V. Ave, María. **V.** Fidélium ánimæ.

Ad Tertiam

V. Ave María. **V.** Deus, in ad-
jutórium.

Glória Patri. Sicut erat. Allelúa. vel
Laus tibi.

Hymnus (p. 201)

Psalmus 122

AD te levávi óculos meos, * qui hábitas in cælis.

Ecce, sicut óculi servórum * in mánibus dominórum suórum,

Sicut óculi ancíllæ in mánibus dóminæ suæ: * ita óculi nostri ad Dóminum, Deum nostrum, donec misereátur nostri.

Miserére nostri, Dómine, miserére nostri: * quia multum repléti sumus despectióne:

Quia multum repléta est ánima nos- tra: * opprórium abundántibus, et despéctio supérbis.

Glória Patri.

Psalmus 123

NISI quia Dóminus erat in nobis,
dicat nunc Israël: * nisi quia

Dóminus erat in nobis,

Cum exsúrgerent hómines in nos, *
forte vivos deglutíssent nos:

Cum irascerétur furor eórum in
nos, * fórsitan aqua absorbuísset nos.

Torréntem pertransívit áнима nos-
tra: * fórsitan pertransísset áнима nos-
tra aquam intoleráibilem.

Benedíctus Dóminus * qui non dedit
nos in captióinem déntibus eórum.

Ánima nostra sicut passer erépta
est * de láqueo venántium:

Láqueus contrítus est, * et nos
liberáti sumus.

Adjutórium nostrum in nómine
Dómini, * qui fecit cælum et terram.

Glória Patri.

Psalmus 124

QUI confidunt in Dómino, si-
cut mons Sion: * non com-

movébitur in ætérnum, qui hábitat in Jerúsalem.

Montes in circúitu ejus: * et Dóminus in circúitu pópuli sui, ex hoc nunc et usque in sáculum.

Quia non relínquet Dóminus virgam peccatórum super sortem justórum: * ut non exténdant justi ad iniquitátem manus suas.

Bénefac, Dómine, bonis, * et rectis corde.

Declinántes autem in obligatiónes addúcet Dóminus cum operántibus iniquitátem: * pax super Israël.

Glória Patri.

Ant. Gaude, Mária Virgo, cunctas hæreses sola interemísti in univérso mundo.

Capitulum

ET sic in Sion firmáta sum, et in civitáte sanctificáta simíliter requiévi, et in Jerúsalem potéstan mea.

R. Deo grátias.

R. Sancta María, Mater Christi, * Audi rogántes sérvulos. Sancta. ¶. Et impetrátam nobis cælitus tu defer indulgéntiam. Audi. Glória. Sancta María.

¶. Ora pro nobis, sancta Dei Génetrix. R. Ut digni efficiámur promissiónibus Christi.

¶. Dómine, exáudi.

Oratio

Oratio sequens, vel pro tempore.

Orémus. Concéde nos fámulos tuos, quásumus, Dómine Deus, perpétua mentis et córporis salúte gaudére: et

gloriósa beátæ Mariæ semper Vírginis intercessióne a præsénti liberári tristítia, et ætérrna pérfrui lætitia. Per Dóminum nostrum Jesum Christum Fílium tuum, qui tecum vivit et regnat in unitáte Spíritus Sancti, Deus, per ómnia sæcula sæculórum.

R. Amen.

℣. Dómine, exáudi. ℣. Benedicámus Dómino.

℣. Ave María. ℣. Fidélium ánimæ.

Ad Sextam

℣. Ave María. ℣. Deus, in ad-jutórium.

Glória Patri. Sicut erat. Allelúia. vel
Laus tibi.

Hymnus (p.201)

Psalmus 125

IN converténdo Dóminus captivitátem Sion: * facti sumus sicut consoláti:

Tunc replétum est gáudio os nostrum: * et lingua nostra exsultatióne.

Tunc dicent inter gentes: * Magnificávit Dóminus fácere cum eis.

Magnificávit Dóminus fácere nobiscum: * facti sumus lætántes.

Convérite, Dómine, captivitátem nostram, * sicut torrens in Austro.

Qui séminant in lácrimis, * in exsultatióne metent.

Eúntes ibant et flebant, * mitténtes sémina sua.

Veniéntes autem vénient cum exsultatióne, * portántes manípulos suos.

Glória Patri.

Psalmus 126

NISI Dóminus ædificáverit do-
mum, * in vanum laboravérunt
qui ædíficant eam.

Nisi Dóminus custodíerit civ-
itátem, * frustra vígilat qui custódit
eam.

Vanum est vobis ante lucem súrg-
ere: * súrgite postquam sedéritis, qui
manducátis panem dolóris.

Cum déderit diléctis suis somnum: *
ecce heréditas Dómini filii: merces,
fructus ventris.

Sicut sagíttæ in manu poténtis: * ita
filii excussórum.

Beátus vir, qui implévit desidérium
suum ex ipsis: * non confundétur
cum loquéatur inimícis suis in porta.

Glória Patri.

Psalmus 127

BÉATI, omnes, qui timent Dóminum, * qui ámbulant in viis ejus.

Labóres mánuum tuárum quia manducábis: * beátus es, et bene tibi erit.

Uxor tua sicut vitis abúndans, * in latéribus domus tuæ.

Fílli tui sicut novéllæ olivárum, * in circúitu mensæ tuæ.

Ecce, sic benedicétur homo, * qui timet Dóminum.

Benedícat tibi Dóminus ex Sion: * et vídeas bona Jerúsalem ómnibus diébus vitæ tuæ.

Et vídeas filios filiórū tuórum, * pacem super Israël.

Glória Patri.

Ant. In prole mater, in partu virgo, gaude et lætáre, Virgo Mater Dómini.

Capitulum

ET radicávi in pópulo honorificáto,
et in parte Dei mei heréditas il-
líus, et in plenitúdine sanctórum de-
téntio mea.

R. Deo grátias.

R. Ora pro nobis, * Sancta Dei
Génetrix. Ora. **V.** Ut digni efficiá-
mur promissiónibus Christi. Sancta.
Glória. Ora.

V. Elégit eam Deus et præelégit
eam. **R.** Et habitáre eam facit in
tabernáculo suo.

V. Dómine, exáudi.

Oratio

Oratio sequens, vel pro tempore.

Orémus. Protege, Domine, famu-
los tuos subsidiis pacis: et, beatæ
Mariæ semper Virginis patrociniis

confitentes, a cunctis hostibus redde
securos. Per Dominum nostrum
Jesum Christum Filium tuum, qui
tecum vivit et regnat in unitate Spir-
itus Sancti, Deus, per omnia sæcula
sæculorum. **R.** Amen.

V. Dómine, exáudi. **V.** Benedicámus
Dómino.

V. Ave María. **V.** Fidélium ánimæ.

Ad Nonam

V. Ave María. **V.** Deus, in ad-
jutórium.

Glória Patri. Sicut erat. Allelúia. vel
Laus tibi.

Hymnus (p.201)

Psalmus 128

SÆPE expugnavérunt me a juven-
tute mea, * dicat nunc Israël.

Sæpe expugnavérunt me a juven-

túte mea: * étenim non potuérunt mihi.

Supra dorsum meum fabricavérunt peccatóres: * prolongavérunt iniquitátem suam.

Dóminus justus concídit cervíces peccatórum: * confundántur et convertántur retrórsum omnes, qui odérunt Sion.

Fiant sicut fænum tectórum: * quod priúsquam evellátur, exáruit:

De quo non implévit manum suam qui metit, * et sinum suum qui manípulos còlligit.

Et non dixérunt qui præteríbant: Benedíctio Dómini super vos: * benedíximus vobis in nómine Dómini.

Glória Patri.

Psalmus 129

DE profundis clamávi ad te,
Dómine: * Dómine, exáudi
vocem meam:

Fiant aures tuæ intendéntes, * in vo-
cem deprecationis meæ.

Si iniquitátes observáveris,
Dómine: * Dómine, quis sustinébit?

Quia apud te propitiátio est: * et
propter legem tuam sustínui te,
Dómine.

Sustínuit ánima mea in verbo ejus: *
sperávit ánima mea in Dómino.

A custódia matutína usque ad
noctem: * speret Israël in Dómino.

Quia apud Dóminum misericór-
dia: * et copiosa apud eum redémptio.

Et ipse rédimet Israël, * ex ómnibus
iniquitáibus ejus.

Glória Patri.

Psalmus 130

DÓMINE, non est exaltátum cor meum: * neque eláti sunt óculi mei.

Neque ambulávi in magnis: * neque in mirabílibus super me.

Si non humíliter sentiébam: * sed exaltávi ánimam meam:

Sicut ablactátus est super matre sua, * ita retribútio in ánima mea.

Speret Israël in Dómino, * ex hoc nunc et usque in sáculum.

Glória Patri.

Ant. Beáta mater, et intácta virgo, gloriósa Regína mundi, intercéde pro nobis ad Dóminum.

Capitulum

QUASI cedrus exaltáta sum in Líbano, et quasi cypréssus in

monte Sion: quasi palma exaltáta
sum in Cades, et quasi plantátio rosæ
in Jéricho.

R. Deo grátias.

R. Elégit eam Deus * Et præelégit
eam. Elégit. **V.** Et habitáre eam facit
in tabernáculo suo. Et. Glória. Elégit.

V. Sancta Dei Génetrix, virgo sem-
per María. **R.** Intercéde pro nobis ad
Dóminum Deum nostrum.

V. Dómine, exáudi.

Oratio

Oratio sequens, vel pro tempore.

Orémus. Concéde nos fámulos tuos,
quásumus, Dómine Deus, perpétua
mentis et córporis salúte gaudére: et
gloriósa beátæ Mariæ semper Vírgi-
nis intercessióne a præsénti liberári
tristítia, et ætérrna pérfrui lætitia.
Per Dóminum nostrum Jesum Chris-

tum Fílium tuum, qui tecum vivit
et regnat in unitáte Spíritus Sancti,
Deus, per ómnia sæcula sæculórum.
R. Amen.

V. Dómine, exáudi. **V.** Benedicámus
Dómino.

V. Ave María. **V.** Fidélium ánimæ.

Ad Vespertas

V. Ave María. **V.** Deus, in ad-
jutórium.

Glória Patri. Sicut erat. Allelúia. vel
Laus tibi.

Psalmus 109

DIQUIT Dóminus Dómino meo: *
Sede a dextris meis:
Donec ponam inimícos tuos, *
scabéllum pedum tuórum.

Virgam virtútis tuæ emíttet Dómi-
nus ex Sion: * domináre in médio in-

imicórum tuórum.

Tecum principíum in die virtútis
tuæ in splendóribus sanctórum: * ex
útero ante lucíferum génu te.

Jurávit Dóminus, et non poenitébit
eum: * Tu es sacérdos in æténum
secúndum órdinem Melchísedech.

Dóminus a dextris tuis, * confrégit
in die iræ suæ reges.

Judicábit in natiónibus, implébit ruínas:
* conquassábit cápita in terra
multórum.

De torrénte in via bibet: * proptérea
exaltábit caput.

Glória Patri.

Psalmus 112

LAUDÁTE, púeri, Dóminum: *
laudáte nomen Dómini.

Sit nomen Dómini benedíctum, * ex
hoc nunc, et usque in sǽculum.

A solis ortu usque ad occasum, *
laudabile nomen Domini.

Excelsus super omnes gentes Dominus, * et super caelos gloria ejus.

Quis sicut Dominus, Deus noster,
qui in altis habitat, * et humilia
respicit in caelo et in terra?

Suscitans a terra inopem, * et de ster-
core erigens pauperem:

Ut collocet eum cum principibus, *
cum principibus populi sui.

Qui habitare facit sterilem in
domo, * matrem filiorum laetantem.

Gloria Patri.

Psalmus 121

LÆTATUS sum in his, quæ dicta
sunt mihi: * In domum Domini
ibimus.

Stantes erant pedes nostri, * in atriis
tuis, Jerusalem.

Jerúsalem, quæ ædificátur ut cívi-
tas: * cujus participátio ejus in idíp-
sum.

Illuc enim ascendérunt tribus, tribus
Dómini: * testimónium Israël ad con-
fiténdum nómini Dómini.

Quia illic sedérunt sedes in judício, *
sedes super domum David.

Rogáte quæ ad pacem sunt
Jerúsalem: * et abundántia diligén-
tibus te:

Fiat pax in virtúte tua: * et abundán-
tia in túrribus tuis.

Propter fratres meos, et próximos
meos, * loquébar pacem de te:

Propter domum Dómini, Dei nos-
tri, * quæsívi bona tibi.

Glória Patri.

Psalmus 126

NISI Dóminus ædificáverit do-
mum, * in vanum laboravérunt
qui ædíficant eam.

Nisi Dóminus custodíerit civ-
itátem, * frustra vígilat qui custódit
eam.

Vanum est vobis ante lucem súrg-
ere: * súrgite postquam sedéritis, qui
manducátis panem dolóris.

Cum déderit diléctis suis somnum: *
ecce heréditas Dómini filii: merces,
fructus ventris.

Sicut sagíttæ in manu poténtis: * ita
filii excussórum.

Beátus vir, qui implévit desidérium
suum ex ipsis: * non confundétur
cum loquétur inimícis suis in porta.

Glória Patri.

Psalmus 147

LAUDA, Jerúsalem, Dóminus: *
lauda Deum tuum, Sion.

Quóniam confortávit seras
portárum tuárum: * benedíxit filiis
tuis in te.

Qui pósuit fines tuos pacem: * et
ádipe fruménti sátiat te.

Qui emíttit eloquium suum terræ: *
velóciter currit sermo ejus.

Qui dat nivem sicut lanam: * nébu-
lam sicut cínerem spargit.

Mittit crystállum suam sicut buccél-
las: * ante fáciem frígoris ejus quis
sustinébit?

Emítte verbum suum, et liquefáciet
ea: * flabit spíritus ejus, et fluent aquæ.

Qui annúntiat verbum suum Jacob: *
justítias, et judícia sua Israël.

Non fecit táliter omni natióni: * et
judícia sua non manifestávit eis.

Glória Patri.

Ant. Sancta Dei Génetrix, Virgo
semper Mária, intercéde pro nobis ad
Dóminum Deum nostrum.

Capitulum

SICUT cinnamónum et bálsamum
aromatízans odórem dedi: quasi
myrrha elécta dedi suavitátem odóris.
R. Deo grátias.

Hymnus

AVE maris stella,
Dei Mater alma,
Atque semper Virgo,
Felix cæli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpis solútos
Mites fac et castos.

Vitam præsta puram,
Iter para tutum,
Ut vidéntes Iesum,
Semper collætémur.

Sit laus Deo Patri,
Summo Christo decus,
Spirítu Sancto,

Tribus honor unus. Amen.

¶. Ora pro nobis, sancta Dei
Génetrix. R. Ut digni efficiámur
promissiónibus Christi.

Canticum B. Mariæ V.

MAGNÍFICAT * ánima mea
Dóminum.

Et exsultávit spíritus meus: * in Deo,
salutári meo.

Quia respéxit humilitátem ancíllæ
suæ: * ecce enim ex hoc beátam me
dicent omnes generatiónes.

Quia fecit mihi magna, qui potens
est: * et sanctum nomen eius.

Et misericórdia eius, a progénie in
progénies: * timéntibus eum.

Fecit poténtiam in brácchio suo: *
dispérsit supérbos mente cordis sui.

Depósuit poténtes de sede: * et ex-

altávit húmiles.

Esuriéntes implévit bonis: * et
dívites dimísit inánes.

Suscépit Israël púerum suum: *
recordátus misericórdiæ suæ.

Sicut locútus est ad patres nostros: *
Ábraham, et sémini eius in sǽcula.

Glória Patri.

Ant. Sancta María, succúrre míseris,
juva pusillánimes, réfove flébiles, ora
pro pópulo, intervéni pro clero, inter-
céde pro devóto femíneo sexu.

℣. Dómine, exáudi.

Oratio

Orémus. Concéde nos fámulos tuos,
quásumus, Dómine Deus, perpétua
mentis et córporis salúte gaudére: et
gloriósa beátæ Mariæ semper Vírgi-
nis intercessióne a præsénti liberári
tristítia, et ætérrna pérfrui lætitia. Per

Dóminum. R. Amen.

V. Dómine, exáudi. V. Benedicámus
Dómino.

V. Ave María. V. Fidélium ánimæ.

Per Adventum

Ad Bened. Ant. O Virgo vírginum,
quómodo fiet istud? Quia nec pri-
mam símilem visa es, nec habére se-
quéntem. Filiæ Jerúsalem, quid me
admirámini? Divínum est mystérium
hoc quid cérnitis. R. Amen.

Oratio

Orémus. Deus, qui de beátæ Máríæ
Vírginis útero Verbum tuum Angelo
nuntiánte carne suscípere voluísti,
præsta supplícibus tuis: ut, qui vere
eam Genetrícem Dei crédimus, ejus
apud te intercessiónibus adjuvémur.
Per eúndem Dóminum nostrum Je-

sum Christum Fílium tuum, qui tecum vivit et regnat in unitáte Spíritus Sancti, Deus, per ómnia sácula sáculórum. R. Amen.

A Nativitate ad Purificationem

Ad Bened. Ant. O admiráble comércium! Creátor géneris humáni, animátum corpus sumens, de Vírgine nasci dignátus est: et procédens homo sine sémine, lárgitus est nobis suam Deitátem.

Oratio

Orémus. Deus, qui salútis ætérnæ, beátæ Máriæ virginítate fecúnda, humáno géneri præmia præstítisti: tríbue, quáesumus, ut ipsam pro nobis intercédere sentiámus, per quam merúimus Auctórem vitæ suscipere: Dóminum nostrum Jesum Chris-

tum Fílium tuum, qui tecum vivit
et regnat in unitáte Spíritus Sancti,
Deus, per ómnia sæcula sæculórum.
R. Amen.

Tempore paschali

Ad Bened. Ant. Regína cæli, lætare,
allelúja: quia quem meruísti portare,
allelúja, resurréxit (*T. Ascensionis*: jam
ascéndit), sicut dixit, allelúja. Ora pro
nobis Deum, allelúja.

Oratio

Orémus. Concéde nos fámulos tuos,
quæsumus, Dómine Deus, perpétua
mentis et córporis salúte gaudére: et
gloriósa beátæ Máriæ semper Vírgi-
nis intercessióne a præsénti liberári
tristitia, et ætérrna pérfrui lætitia.
Per Dóminum nostrum Jesum Chris-
tum Fílium tuum, qui tecum vivit

et regnat in unitáte Spíritus Sancti,
Deus, per ómnia sácula sáculórum.
R. Amen.

Ad Completorium

V. Ave María.

V. Convérte nos, Deus, salutáris nos-
ter. R. Et avérte iram tuam a nobis.

V. Deus, in adjutórium.

Glória Patri. Sicut erat. Allelúia. vel
Laus tibi.

Psalmus 131

MEMÉNTO, Dómine, David, * et
omnis mansuetúdinis ejus:
Sicut jurávit Dómino, * votum vovit
Deo Jacob:

Si introíero in tabernáculum domus
meæ, * si ascéndero in lectum strati
mei:

Si dédero somnum óculis meis, * et

pálpebris meis dormitatióne:

Et réquiem tempóribus meis:
donec invéniam locum Dómino, *
tabernáculum Deo Jacob.

Ecce, audívimus eam in Éphrata: *
invénimus eam in campis silvæ.

Introíbimus in tabernáculum ejus: *
adorábimus in loco, ubi stetérunt
pedes ejus.

Surge, Dómine, in réquiem tuam, *
tu et arca sanctificatiónis tuæ.

Sacerdótes tui induántur justítiam: *
et sancti tui exsúltent.

Propter David, servum tuum, * non
avértas fáciem Christi tui.

Jurávit Dóminus David veritátem, et
non frustrábitur eam: * De fructu ven-
tris tui ponam super sedem tuam.

Si custodíerint filii tui testaméntum
meum, * et testimónia mea hæc, quæ
docébo eos:

Et filii eorum usque in sǽculum, *
sedébunt super sedem tuam.

Quóniam elégit Dóminus Sion: *
elégit eam in habitatióne sibi.

Hæc réquies mea in sǽculum sǽ-
culi: * hic habitábo quóniam elégi
eam.

Víduam ejus benedícens benedí-
cam: * páuperes ejus saturábo
pánibus.

Sacerdótes ejus índuam salutári: * et
sancti ejus exsultatióne exsultábunt.

Illuc prodúciam cornu David, *
parávi lucérnam Christo meo.

Inimícos ejus índuam confusióne: *
super ipsum autem efflorébit sancti-
ficátió mea.

Glória Patri.

Psalmus 132

ECCE quam bonum et quam jucún-dum, * habitáre fratres in unum:

Sicut unguéntum in cápite, * quod descéndit in barbam, barbam Aaron,

Quod descéndit in oram vestiménti ejus: * sicut ros Hermon, qui descén-dit in montem Sion.

Quóniam illic mandávit Dóminus benedictiónem, * et vitam usque in sǽculum.

Glória Patri.

Psalmus 133

ECCE nunc benedícite Dóminum, * omnes servi Dómini:

Qui statis in domo Dómini, * in átriis domus Dei nostri.

In nóctibus extóllite manus vestras in sancta, * et benedícite Dóminum.

Benedícat te Dóminus ex Sion, * qui
fecit cælum et terram.

Glória Patri.

Capitulum

Ego mater pulchræ dilectionis et
timoris et agnitionis et sanctæ spei.

℟. Deo grárias.

℟. Intercéde pro nobis, sancta Virgo
vírginum, * Mater Dei, María. Inter-
céde. ¶. Ut digni efficiámur promis-
siónibus Christi. Mater. Glória. Inter-
céde.

Hymnus

VIRGO singuláris,
Inter omnes mitis,
Nos culpis solútos
Mites fac et castos.

Vitam præsta puram,

Iter para tutum:
Ut vidéntes Jesum
Semper collætémur.

Sit laus Deo Patri,
Summo Christo decus,
Spirítui Sancto,
Tribus honor unus. Amen.

℣. Post partum, Virgo, invioláta per-
mansísti. ℥. Dei Génetrix, intercéde
pro nobis.

Canticum Simeonis

NUNC dimíttis servum tuum,
Dómine, * secúndum verbum
tuum in pace:
Quia vidérunt óculi mei * salutáre
tuum,
Quod parásti * ante fáciem ómnium
populórum,
Lumen ad revelatióñem géntium, *

et glóriam plebis tuæ Israël.

Glória Patri.

Ant. Sub tuum præsidium *
confugimus, sancta Dei Génetrix:
nostras deprecationes ne despicias in
necessitatibus, sed a periculis cunctis
libera nos semper, Virgo gloriosa et
benedicta.

℣. Dómine, exáudi.

Orémus. Concéde, miséricors Deus,
fragilitáti nostræ præsídium: ut, qui
sanctæ Dei Genetrícis memóriam
ágimus, intercessiónibus ejus auxílio
a nostris iniquitatibus resurgámus.
Per eúndem Dóminum nostrum Je-
sum Christum Fílium tuum, qui
tecum vivit et regnat in unitáte Spíri-
tus Sancti, Deus, per ómnia sácula
sæculórum. ℞. Amen.

℣. Dómine, exáudi. ℣. Benedicámus.

℣. Ave María. ℣. Fidélium ánimæ.



SANCTOS DOMINI

Sancte Michæl Archangele

SANCTE Míchæl Archángelo, défende nos in proélio, contra nequitiam et insídias diáboli esto præsídium. Imperet illi Deus, súplices deprecámur: tuque, Princeps militiæ cælestis, Sátanam aliósque spíritus malígnos, qui ad perditiónem animárum pervagántur in mundo, divína virtúte, in inférnum detrúde.

Virginum custos

VÍRGINUM custos et pater, sancte Ioseph, cuius fidéli custódiæ ipsa Innocéntia Christus Iesus et Virgo vírginum María commíssa fuit; te per hoc utrúmque caríssimum pignus

Iesum et Mariam óbsecro et obtés-
tor, ut me, ab omni immundítia
præservátum, mente incontamináta,
puro corde et casto córpore Iesu et
Mariæ semper fárias castíssime fa-
mulári.

O lumen

O lumen Ecclésiæ, Doctor ver-
itatis,

Rosa patiéntiæ, Ebur castitatis.

Aquam sapiéntiæ propinásti gratis.

Prædicátor grátiæ, nos iunge beátis.

V. Ora pro nobis, beáte Pater
Domínice. **R.** Ut digni efficiámur
promissiónibus Christi.

Orémus. Concéde, quásumus, om-
nípotens Deus, ut, qui peccatórum
nostrórum póndere prémissimur, beáti
Domínici, confessóris tui, Patris nos-

tri, patrocínio sublevémur. Per Christum Dóminum nostrum. Amen.

O spem miram

O spem miram quam dedísti
mortis hora te fléntibus,
dum post mortem promisísti
te profutúrum frátribus

Imple, Pater, quod dixísti,
nos tuis iuvans précibus.

Qui tot signis claruísti
in ægrorum corpóribus
Nobis opem ferens Christi,
ægris medére móribus.

Imple, Pater.

Gloria Patri.

Imple, Pater.

℣. Ora pro nobis, beáte Pater
Domínice. ℑ. Ut digni efficiámur

promissiónibus Christi.

Orémus. Deus, qui Ecclésiam tuam beáti Domínici, confessóris tui, Patris nostri, illumináre dignátus es méritis et doctrínis, concéde, ut eius intercessióne temporálibus non destituátur auxíliis, et spirituálibus semper profíciat increméntis. Per Christum Dóminum nostrum. Amen.

Ave, florum flos

AVE, florum flos, Hyacínthe, omni flore púrior.

Ave, gemma pretiósas, cunctis gemmis clárior.

Ave, protéctor ómnium ad te configiéntium.

Ave, cælestis íncola: succúrre prece sédula.

O Hyacínthe sanctíssime, o confés-

sor dulcissime.

℣. Ora pro nobis, beáte Hyacínthe.
℟. Ut digni efficiámur promissiónibus Christi.

Orémus. Deus, qui beátum Hyacínthum, confessórem tuum, in divérsis natiónum pópolis óperum sanctitáte et miraculórum glória fecísti conspícum, da nobis ut eius in mélius reformémur exémplis, et in advérsis protegámur auxíliis. Per Christum Dóminum nostrum. Amen.

Doctor angelice

DOCTOR ANGÉLICE sancte Thoma, theologórum princeps et philosophórum norma, præclarum christiáni orbis decus et Ecclésiæ lumen, scholárum ómnium catholicárum cælestis Patróne, qui sapiéntiam sine fictiōne didicísti

et sine invídia commúnicas, ipsam Sapiéntiam Fílium Dei deprecáre pro nobis, ut veniénte in nos Spíritu sapiéntiæ, ea quæ docuísti intelléctu conspiciámus, et quæ egísti imitatióne compleámus; doctrínæ et virtútis, quibus in terris solis instar semper eluxísti, partícipes efficiámur; ac tandem eárum suavíssimis frúctibus perénniter tecum delectémur in cælis, divínam Sapiéntiam collaudántes per infinítā sácula sæculórum. Amen.

Commune

Pro martyre:

Ant. Qui odit ánimam suam in hoc mundo, in vitam ætérnam custódit eam.

¶. Fortitúdo mea, et laus mea Dóminus. **R.** Et factus est mihi in salútem.

OMNÍPOTENS et misericors Deus, qui mártyrem tuum N. passiónis suæ torménta superáre fecísti, concéde, ut, qui eius triúmphi diem celebrámus, insuperábiles tua protectiόne ab hostis insídiis maneámus. Per Dóminum.

Pro virginē:

Ant. Ecce prudens virgo migrávit ad Christum, fulgens inter choros vírginum sicut sol in virtúte cælesti.

V. Tibi dixit cor meum: quæsívi vultum tuum. **R.** Vultum tuum, Dómine, requíram.

DEUS, qui te in puris manére córdibus ásseris, da nobis, beátæ N. vírginis intercessióne, per grátiā tuam tales exsístere, in quibus habitare dignérīs. Per Dóminum.

Pro papa:

Ant. Sacérdos Altíssimi ac virtútum spéculum, pastor bone in pópulo, qui placuísti Dómino.

V. Sacerdótes Dómini, benedícite Dóminum. **R.** Sancti et húmiles corde, laudáte Deum.

OMNÍPOTENS sempitérne Deus, qui beátum N. cuncto pópulo tuo præésse ac verbo et exémplo prodésse voluísti, eódem intercedénte, pastóres Ecclésiæ tuæ cum grégibus sibi commíssis custódi et dírige in viam salútis ætérnæ. Per Dóminum.

Pro episcopo:

Ant., V. et R. ut supra

DEUS, qui beátum N. divína caritáte flagrántem, fidéque,

quæ vincit mundum, insignem,
sanctis pastóribus mirabíliter ag-
gregásti, præsta, quæsumus, ut,
ipso intercedénte, nos quoque, in
fide et caritáte perseverántes, eius
glóriæ consórtes fíeri mereámur. Per
Dóminum.

Pro pastore:

Ant. Non vos estis qui loquímini,
sed Spíritus Patris vestri, qui lóquitur
in vobis.

V. Super te, Ierúsalem, constitui
custódes. **R.** Die ac nocte non
tacébunt prædicáre nomen Dómini.

DEUS, fidélium lumen et pastor
animárum, qui beátum N. in
Ecclésia posuísti, ut oves tuas verbo
pásceret et informáret exémplo, da
nobis, eius intercessióne, et fidem
serváre, quam verbo dócuit, et viam

sequi, quam exémplo monstrávit. Per Dóminum.

Pro doctore:

Ant. O doctor óptime, Ecclésiæ sanctæ lumen, beáte N., divinæ legis amátor, deprecáre pro nobis Fílium Dei.

V. Sapiéntiam sanctórum narrent pópuli. **R.** Et laudes eórum nuntiet Ecclésia.

DÓMINE Deus, qui beátum N. cælesti doctrína imbúere digná-
tus es, da nobis, ipsíus intervéntu, eán-
dem doctrínam fidéliter custodíre et
móribus profitéri. Per Dóminum.

Pro sanctum:

Ant. Euge, serve bone * et fidélis,
quia in pauca fuísti fidélis, supra
multa te constítuam, intra in

gáudium Dómini tui.

¶. Iustum dedúxit Dóminus per vias rectas. R. Et osténdit illi regnum Dei.

CONCÉDE, quæsumus, omnípotens Deus, ut ad meliórem vitam Sanctórum tuórum exémpla nos pròvocent, quátenus beáti N., cuius memóriam celebrámus, étiam actus incessánter imitémur. Per Dóminum.

Pro sancta:

Ant. Exsultávit cor meum in Dómino, et dilatátum est cor meum, quia lætáta sum in salutári meo.

¶. Elégit eam Deus, et præelégit eam. R. In tabernáculo suo habitáre facit eam.

EFFÚNDE super nos, Dómine, spíritum agnitiónis et dilectionis tuæ, quo ancíllam tuam N. implevísti,

ut, sédula eius imitatióne tibi sincére obsequéntes, fide et ópere placeámus.
Per Dóminum.

Pro religioso:

Ant. Si quis fécerit voluntátem Patris mei, ipse meus frater, soror et mater est, dicit Dóminus.

V. Tempus breviátum est; réliquum est ut et qui gaudent, tamquam non gaudéntes sint; et qui utúntur hoc mundo, tamquam non abuténtes.
R. Præterit enim figúra huius mundi.

DEUS, cuius múnere beátus (beáta) N. Christum páuperem et húmilem perseverávit imitári, concéde nobis, ipso (ipsa) intercedénte, ut, in vocatióne nostra fidéliter ambulántes, ad eam perfectiónem, quam nobis in Fílio tuo proposuísti, perveníre valeámus. Per Dóminum.

LITANIÆ

Incipit

Kýrie, éléison. Christe, éléison.
Kýrie, éléison.

Christe, audi nos. Christe, exáudi
nos.

Pater de cáelis, Deus, miserére no-
bis.

Fili, redémptor mundi, Deus, mis-
erére nobis.

Spíritus Sancte, Deus, miserére no-
bis.

Sancta Trínitas, unus Deus, miserére
nobis.

Litaniæ Lauretanæ

Sancta María, ora pro nobis.

Sancta Dei génetrix, ora.

Sancta Virgo vírginum, ora.

Mater Christi, ora.

Mater Ecclésiæ, ora.
Mater divinæ gratiæ, ora.
Mater purissima, ora.
Mater castissima, ora.
Mater inviolata, ora.
Mater intemerata, ora.
Mater amabilis, ora.
Mater admirabilis, ora.
Mater boni consilii, ora.
Mater Creatóris, ora.
Mater Salvatóris, ora.
Mater misericordiæ, ora.

Virgo prudentissima, ora.
Virgo veneranda, ora.
Virgo prædicanda, ora.
Virgo potens, ora.
Virgo clemens, ora.
Virgo fidélis, ora.

Spéculum iustitiæ, ora.
Sedes sapiéntiæ, ora.

Cáusa nōstræ lætítia, ora.
Vas spirituálē, ora.
Vas honorábile, ora.
Vas insígne devotiónis, ora.
Rosa mýstica, ora.
Turris Davídica, ora.
Turris ebúrnea, ora.
Domus áurea, ora.
Fóederis arca, ora.
Iánua cáeli, ora.
Stella matutína, ora.

Salus infirmórum, ora.
Refúgium peccatórum, ora.
Consolátrix afflictórum, ora.
Auxílium christianórum, ora.

Regína angelórum, ora.
Regína patriarchárum, ora.
Regína prophetárum, ora.
Regína apostolórum, ora.
Regína mártyrum, ora.

Regína confessórum, ora.

Regína vírginum, ora.

Regína sanctórum ómnium, ora.

Regína sine labe origináli concépta,
ora.

Regína in cálum assúmpta, ora.

Regína sacratíssimi rosárii, ora.

Regína pacis, ora.

Agnus Dei, qui tollis peccáta mundi,
parce nobis, Dómine.

Agnus Dei, qui tollis peccáta mundi,
exáudi nos, Dómine.

Agnus Dei, qui tollis peccáta mundi,
miserére nobis.

℣. Ora pro nobis, sancta Dei
génetrix, ℟. Ut digni efficiámur
promissiónibus Christi.

Orémus. Concéde nos fámulos tuos,
quáesumus, Dómine Deus, perpétua
mentis et córporis sanitáte gaudére,

et, gloriósa beátæ Mariæ semper vírginis intercessióne, a præsénti liberári tristítia et ætérrna pérfrui lætítia. Per Christum Dóminum nostrum. Amen.

V. Divinum auxilium maneat semper nobiscum. R. Amen.

Litaniæ sanctissimi nominis

Iésu, fili Dei vivi, miserére.

Iésu, splendor Patris, miserére.

Iésu, candor lucis æternæ, miserére.

Iésu, rex glóriæ, miserére.

Iésu, sol iustitiæ, miserére.

Iésu, fili Mariæ Vírginis, miserére.

Iésu amabilis, miserére.

Iésu admirabilis, miserére.

Iésu, Deus fortis, miserére.

Iésu, pater futuri sáeculi, miserére.

Iésu, magni consílli ángele, miserére.

Iésu potentíssime, miserére.
Iésu patientíssime, miserére.
Iésu oboedientíssime, miserére.
Iésu, mitis et húmilis corde, miserére.
Iésu, amátor castitatis, miserére.
Iésu, amátor noster, miserére.
Iésu, Deus pacis, miserére.
Iésu, áuctor vítæ, miserére.
Iésu, exémplar virtútum, miserére.
Iésu, zelátor animárum, miserére.
Iésu, Deus noster, miserére.
Iésu, refúgium nostrum, miserére.
Iésu, pater páuperum, miserére.
Iésu, thesáure fidélium, miserére.
Iésu, bone pastor, miserére.
Iésu, lux vera, miserére.
Iésu, sapiéntia ætérrna, miserére.
Iésu, bónitas infiníta, miserére.
Iésu, via et vita nostra, miserére.
Iésu, gáudium angelórum, miserére.

Iésu, rex patriarcharum, miserére.

Iésu, magíster apostolórum, miserére.

Iésu, doctor evangelistárum, miserére.

Iésu, fortitúdo mártymrum, miserére.

Iésu, lumen confessórum, miserére.

Iésu, púritas vírginum, miserére.

Iésu, coróna sanctórum ómnium, miserére.

Propítius esto, parce nobis, Iésu.

Propítius esto, exáudi nos, Iésu.

Ab omni malo líbera nos, Iésu.

Ab omni peccáto líbera.

Ab ira tua líbera.

Ab insídiis diáboli líbera.

A spíritu fornicátionis líbera.

A morte perpétua líbera.

A negléctu inspiratiónum tuárum
líbera.

Per mystérium sánctæ incarnátio-nis
túæ líbera.

Per nativitátem tuam líbera.

Per infántiam tuam líbera.

Per diviníssimam vitam tuam líbera.

Per labóres tuos líbera.

Per agóniam et passiónem tuam
líbera.

Per crucem et derelictiónem tuam
líbera.

Per languóres tuos líbera.

Per mortem et sepultúram tuam
líbera.

Per resurrectiónem tuam líbera.

Per ascensiónem tuam líbera.

Per sanctíssimæ eucharístiæ institu-
tíonem tuam líbera.

Per gáudia tua líbera.

Per glóriam tuam líbera.

Agnus Dei, qui tollis peccáta mundi,
parce nobis, Iésu.

Agnus Dei, qui tollis peccáta mundi,
exáudi nos, Iésu.

Agnus Dei, qui tollis peccáta mundi,
miserére nobis, Iésu.

Iésu, audi nos. Iésu, exáudi nos.

Orémus. Dómine Iésu Christe, qui dixísti: "Pétite, et accipiétis; quáerite, et inveniétis; pulsáte, et aperiétur vobis", quáesumus, da nobis peténtibus diviníssimi tui amóris afféctum, ut te toto corde, ore et ópere diligámus, et a tua nunquam láude cessémus. Sancti nóminis tui, Dómine, timórem páriter et amórem fac nos habére perpéturn: quia nunquam tua gubernátione destítuis quos in solidotáte túæ dilectionis instítuis. Qui vivis et regnas in sáecula sæculórum. Amen.

Litaniæ sacratissimi Cordis

Cor Iésu, filii Patris ætérsni, miserére nobis.

Cor Iésu, in sinu Vírginis matris a Spíritu Sancto formátum, miserére.

Cor Iésu, Verbo Dei substancialiter unitum, miserére.

Cor Iésu, maiestátis infinítæ, miserére.

Cor Iésu, templum Dei sanctum, miserére.

Cor Iésu, tabernáculum Altíssimi, miserére.

Cor Iésu, domus Dei et porta cáeli, miserére.

Cor Iésu, fornax ardens caritatis, miserére.

Cor Iésu, iustitiæ et amóris recep-táculum, miserére.

Cor Iésu, bonitáte et amóre plenum, miserére.

Cor Iésu, virtútum ómnium abýssus,
miserére.

Cor Iésu, omni láude digníssimum,
miserére.

Cor Iésu, rex et centrum ómnium
córdium, miserére.

Cor Iésu, in quo sunt omnes thesáuri
sapiéntiæ et sciéntiæ, miserére.

Cor Iésu, in quo hábitat omnis plen-
itúdo divinitátis, miserére.

Cor Iésu, in quo Pater sibi bene com-
plácuit, miserére.

Cor Iésu, de cíuius plenitúdine
omnes nos accépimus, miserére.

Cor Iésu, desidérium cóllium
æternórum, miserére.

Cor Iésu, pátiens et múltæ miser-
icórdiæ, miserére.

Cor Iésu, dives in omnes qui ínvo-
cant te, miserére.

Cor Iésu, fons vítæ et sanctitátis, mis-

erére.

Cor Iésu, propitiátio pro peccátis
nostris, miserére.

Cor Iésu, saturátum oppróbriis, mis-
erére.

Cor Iésu, attrítum propter scélera
nostra, miserére.

Cor Iésu, usque ad mortem obóedi-
ens factum, miserére.

Cor Iésu, láncea perforátum, mis-
erére.

Cor Iésu, fons totíus consolatiónis,
miserére.

Cor Iésu, vita et resurréctio nostra,
miserére.

Cor Iésu, pax et reconciliátio nostra,
miserére.

Cor Iésu, víctima peccatórum, mis-
erére.

Cor Iésu, salus in te sperántium, mis-
erére.

Cor Iésu, spes in te moriéntum,
miserére.

Cor Iésu, delíciæ sanctórum ómnium,
miserére.

Agnus Dei, qui tollis peccáta mundi,
parce nobis, Dómine.

Agnus Dei, qui tollis peccáta mundi,
exáudi nos, Dómine.

Agnus Dei, qui tollis peccáta mundi,
miserére nobis.

Iésu, mitis et húmilis corde, fac cor
nostrum secúndum cor tuum.

Orémus. Omnipotens sempiterne
Deus, respice in cor dilectissimi Fílii
tui, et in láudes et satisfactíones quas
in nómine peccatórum tibi persólvit,
iisque misericórdiam tuam peténtibus
tu véniam concéde placátus, in
nómine eiúsdem Fílii tui Iésu Christi.
Qui tecum vivit et regnat in sáecula
sæculórum. Amen.

Litaniæ pretiosissimi Sanguinis

Sanguis Christi, Unigéniti Patris
æterni, salva nos.

Sanguis Christi, Verbi Dei incarnáti,
salva.

Sanguis Christi, Novi et Æterni Tes-
taménti, salva.

Sanguis Christi, in agónia decurrens
in terram, salva.

Sanguis Christi, in flagellatióne
profluens, salva.

Sanguis Christi, in coronatióne
spinárum emanans, salva.

Sanguis Christi, in Cruce effusus,
salva.

Sanguis Christi, pretium nostræ
salutis, salva.

Sanguis Christi, sine quo non fit
remíssio, salva.

Sanguis Christi, in Eucharístia potus

et lavácrum animárum, salva.

Sanguis Christi, flumen misericordiæ, salva.

Sanguis Christi, victor dæmonum, salva.

Sanguis Christi, fortitudo martyrum, salva.

Sanguis Christi, virtus confessórum, salva.

Sanguis Christi, germinans virgines, salva.

Sanguis Christi, robur periclitantium, salva.

Sanguis Christi, levámen laborantium, salva.

Sanguis Christi, in fletu solatium, salva.

Sanguis Christi, spes poenitentium, salva.

Sanguis Christi, solamen morientium, salva.

Sanguis Christi, pax et dulcédo cordium, salva.

Sanguis Christi, pignus vitæ æternæ, salva.

Sanguis Christi, animas liberans de lacu Purgatórii, salva.

Sanguis Christi, omni gloria et honore dignissimus, salva.

Agnus Dei, qui tollis peccáta mundi, parce nobis, Dómine.

Agnus Dei, qui tollis peccáta mundi, exáudi nos, Dómine.

Agnus Dei, qui tollis peccáta mundi, misérere nobis.

℣. Redimisti nos, Dómine, in Sanguine tuo. ℑ. Et fecisti nos Deo nostro regnum.

Orémus. Omnipotens sempitérne Deus, qui unigénitum Filium tuum mundi Redemptórem constituisti, ac eius Sanguine placari voluisti:

concede, quaésumus, salutis nostræ
preium ita venerari, atque a præsén-
tis vitæ malis eius virtúte defendi in
terris, ut fructu perpetuo lætemur
in cælis. Per eúndem Dóminum
nostrum Iesum Christum Fílium
tuum: Qui tecum vivit et regnat
in unitáte Spíritus Sancti Deus per
ómnia sæcula sæculórum. Amen.

Litaniæ Sanctorum

Sancta María, ora pro nobis
Sancta Dei Génetrix, ora
Sancta Virgo vírginum, ora
Sancte Míchael, ora
Sancte Gábriel, ora
Sancte Ráphael, ora
Omnes sancti Angeli et Archángeli,
oráte pro nobis
Omnes sancti beatórum Spirítuum
órdines, oráte

Sancte Abraham, ora
Sancte Móyses, ora
Sancte Elía, ora
Sancte Ioánnes Baptísta, ora
Sancte Ioseph, ora
Omnes sancti Patriárchæ et
Prophétæ, oráte
Sancte Petre, ora
Sancte Paule, ora
Sancte Andréa, ora
Sancte Iacóbe (maior), ora
Sancte Ioánnes, ora
Sancte Thoma, ora
Sancte Iacóbe (minor), ora
Sancte Philíppe, ora
Sancte Bartolomée, ora
Sancte Matthæe, ora
Sancte Simon, ora
Sancte Thaddæe, ora
Sancte Matthía, ora
Sancte Barnába, ora

Sancte Luca, ora
Sancte Marce, ora
Omnes sancti Apóstoli et Evangelistæ, oráte
Omnes sancti discípuli Dómini, oráte
Omnes sancti Innocéntes, oráte

Sancte Stéphane, ora
Sancte Ignáti (Antiochene), ora
Sancte Polycárpe, ora
Sancte Iustíne, ora
Sancte Laurénti, ora
Sancte Vincénti, ora
Sancti Fabiáne et Sebastiáne, oráte
Sancti Ioánnes et Paule, oráte
Sancti Cosma et Damiáne, oráte
Sancti Gérvasi et Prótasi, oráte
Sancte Cypriáne, ora
Sancte Bonifáti, ora
Sancte Stanislæ, ora
Sancte Thoma (Becket), ora

Sancti Ioánnes (Fisher) et Thoma (More), oráte

Sancte Paule (Miki), ora

Sancti Ioánnes (de Brebeuf) et Isaac (Jogues), oráte

Sancte Petre (Chanel), ora

Sancte Carole (Luanga), ora

Sanctæ Perpétua et Felícitas, oráte

Sancta María (Goretti), ora

Omnes sancti mártires, oráte

Sancte Sylvéster, ora

Sancte Leo, ora

Sancte Gregóri, ora

Sancte Ambrosi, ora

Sancte Augustíne, ora

Sancte Hierónyme, ora

Sancte Athanási, ora

Sancti Básili et Gregóri (Naz-iánzene), oráte

Sancte Ioánnes Chrysóstome, ora

Sancte Martíne, ora

Sancte Nicolæ, ora
Sancte Pátrici, ora
Sancti Cyrílle et Methódi, oráte
Sancte Carole (Borroméo), ora
Sancte Francísce (de Sales), ora
Sancte Pie (Décime), ora
Omnes sancti Pontífices et Con-
fessóres, oráte
Omnes sancti Doctóres, oráte

Sancte Antóni, ora
Sancte Benedícte, ora
Sancte Bernárde, ora
Sancte Domínice, ora
Sancte Francísce, ora
Sancte Thoma (de Aquíno), ora
Sancte Ignati (de Loyóla), ora
Sancte Francísce (Xavérii), ora
Sancte Vincénti (de Paul), ora
Sancte Ioánnes María (Viannei), ora
Sancte Ioánnes (Bosco), ora
Omnes sancti Sacerdótes et Levítæ,

oráte

Omnes sancti Mónachi et Eremítæ,
oráte

Sancta Anna, ora

Sancta María Magdaléna, ora

Sancta Agatha, ora

Sancta Lúcia, ora

Sancta Agnes, ora

Sancta Cæcília, ora

Sancta Catharína, ora

Sancta Anastásia, ora

Sancta Catharína (Senénsis), ora

Sancta Terésia (de Avila), ora

Sancta Rosa (de Lima), ora

Omnes sanctæ Vírgines et Víduæ
oráte

Sancte Lodovíce, ora

Sancta Mónica, ora

Sancta Elísabeth (Hungáriæ), ora

Omnes Sancti et Sanctæ Dei, inter-

cédite pro nobis.

Propítius esto, parce nobis, Dómine.
Propítius esto, exáudi nos, Dómine.

Ab omni malo, líbera nos, Dómine.
Ab omni peccáto, líbera
Ab ira tua, líbera
A subitánea et improvísa morte,
líbera
Ab insídiis diáboli, líbera
Ab ira et ódio et omni mala volun-
táte, líbera
A spíritu fornicatiónis, líbera
A fúlgure et tempestáte, líbera
A flagéllu terráemotus, líbera
A peste, fame et bello, líbera
A morte perpétua, líbera
Per mystérium sanctæ Incarnatiónis
tuæ, líbera
Per advéntum tuum, líbera
Per nativitatèm tuam, líbera

Per baptísmum et sanctum
ieiúniū tuum, líbera

Per crucem et passiónem tuam,
líbera

Per mortem et sepultúram tuam,
líbera

Per sanctam resurrectiónen tuam,
líbera

Per admirábilem ascensiónem
tuam, líbera

Per advéntum Spíritus Sancti Pará-
cliti, líbera

In die iudíci, líbera

¶. Peccatóres, R. te rogámus, audi
nos

Ut nobis parcas, te rogámus

Ut nobis indúlgeas, te rogámus

Ut ad veram pæniténtiam nos
perdúcere dignérис, te rogámus

Ut Ecclésiam tuam sanctam régere
et conserváre dignérис, te rogámus

Ut domnum Apostólicum et omnes ecclesiásticos órdines in sancta religióne conserváre dignérис, te rogámus

Ut inimícos sanctæ Ecclésiæ humiliare dignérис, te rogámus

Ut régibus et princípibus christiánis pacem et veram concórdiam donáre dignérис, te rogámus

Ut cuncto pópulo christiáno pacem et unitátem largíri dignérис, te rogámus

Ut omnes errántes ad unitátem Ecclésiæ revocáre, et infidéles univérsos ad Evangélii lumen perdúcere dignérис, te rogámus

Ut nosmetípsos in tuo sancto servítio confortáre et conserváre dignérис, te rogámus

Ut mentes nostras ad cælestia desidéria érigas, te rogámus

Ut ómnibus benefactóribus nostris sempitérna bona retríbuas, te rogá-mus

Ut ánimas nostras, fratrum, propin-quórum et benefactórum nostrórum ab ætérrna damnatióne erípias, te rogámus

Ut fructus terræ dare et conserváre dignéris, te rogámus

Ut ómnibus fidélibus defúnctis réquiem ætérrnam donáre dignéris, te rogámus

Ut nos exaudíre dignéris, te rogá-mus

Fili Dei, te rogámus, audi nos

Agnus Dei, qui tollis peccáta mundi, * parce nobis, Dómine.

Agnus Dei, qui tollis peccáta mundi, * exáudi nos, Dómine.

Agnus Dei, qui tollis peccáta mundi, * miserére nobis.

Christe, audi nos. Christe, exáudi nos.

Kyrie, eléison. Christe, eléison.
Kyrie, eléison.

Pater noster (*secreto, usque ad*)
V. Et ne nos indúcas in tentatióinem.
R. Sed líbera nos a malo.

V. Deus, in adiutórium meum inténde: R. Dómine ad adiuvándum me festína.

V. Confundántur, et revereántur,
R. qui quærunt ániam meam.

V. Avertántur retrórsum, et erubés-
cant, R. qui volunt mihi mala.

V. Avertántur statim erubescéntes,
R. qui dicunt mihi: Euge, éuge.

V. Exsúltent et læténtr in te,
R. omnes qui quærunt te:

V. Et dicant semper: Magnificétur
Dóminus: R. qui díligunt salutáre
tuum

¶. Ego vero egénus et pauper sum:
R. Deus ádiuva me.

¶. Adiútor meus et liberátor meus es
tu: R. Dómine, ne moréris.

Glória Patri. Sicut erat.

¶. Salvos fac servos tuos. R. Deus
meus, sperántes in te.

¶. Esto nobis, Dómine, turris fortitú-
dinis. R. A fácie inimíci.

¶. Nihil profíciat inimícus in nobis.
R. Et filius iniquitátis non appónat
nocére nobis.

¶. Dómine, non secúndum peccáta
nostra fáciás nobis. R. Neque secún-
dum iniquitátes nostras retríbuas no-
bis.

¶. Orémus pro Pontífice nostro N.
R. Dóminus consérvet eum, et viví-
ficet eum, et beátum fáciat eum in
terra, et non tradat eum in ániam

inimicórum eius.

¶. Orémus pro benefactóribus nos-
tris. R. Retribuére dignáre, Dómine,
ómnibus nobis bona faciéntibus
propter nomen tuum, vitam ætér-
nam. Amen.

¶. Orémus pro fidélibus defúnc-
tis. R. Réquiem ætérnam dona eis,
Dómine, et lux perpétua lúceat eis.

¶. Requiéscant in pace. R. Amen.

¶. Pro frátribus nostris abséntibus.
R. Salvos fac servos tuos, Deus meus,
sperántes in te.

¶. Mitte eis, Dómine, auxílum de
sancto. R. Et de Sion tuére eos.

¶. Dómine, exáudi oratióñem
meam. R. Et clamor meus ad te
véniat.

vel: ¶. Dóminus vobíscum. R. Et
cum spíritu tuo

Oremus.

DEUS, cui proprium est miseréri semper et parcere: súscipe deprecationem nostram; ut nos, et omnes fámulos tuos, quos delictórum catena constringit, miserátio tuæ pietatis clementer absolvat.

Exáudi, quæsumus, Dómine, supplícium preces, et confiténtium tibi parce peccátis: ut páriter nobis indulgentiam tríbuas benignus et pacem.

Ineffábilem nobis, Dómine, misericórdiam tuam clementer osténde: ut simul nos et a peccátis ómnibus exuas, et a pœnis, quas pro his meremur, erípias.

Deus, qui culpa offenderis, pœnitentia placaris: preces pópuli tui supplicántis propítius résponce; et flagella tuæ iracundiæ, quæ pro peccátis nostris meremur, averte.

Omnípotens sempiterne Deus, miserére famulo tuo Pontifici nostro N., et dírige eum secúndum tuam cleméntiam in viam salútis ætérnæ: ut, te donante, tibi placita cupiat, et tota virtúte perficiat.

Deus, a quo sancta desidéria, recta consília et justa sunt ópera: da servis tuis illam, quam mundus dare non potest, pacem; ut et corda nostra mandátis tuis dedita, et, hóstium subláta formidine, témpora sint, tua protectióne, tranquilla.

Ure igne Sancti Spíritus renes nos-tros et cor nostrum, Dómine: ut tibi casto corpore serviamus, et mundo corde placeámus.

Fidélium, Deus, ómnium conditor et redemptor, animábus famulórum famularumque tuárum remissiónem cunctórum tríbue peccatórum: ut

indulgéntiam, quam semper op-
tavérunt, piis supplicatióibus conse-
quántur.

Actiōnes nostras, quæsumus,
Dómine, aspirándo prævénī et
adjuvándo proséquere: ut cuncta
nostra orátio et operátio a te semper
incipiat et per te cœpta finiátur.

Omnípotens sempiterne Deus,
qui vivórum domináris simul et
mortuórum, ómniumque miseréris
quos tuos fide et ópere futuros esse
prænoscis: te supplices exorámus;
ut, pro quibus effúndere preces
decrevimus, quosque vel præsens
sæculum adhuc in carne retinet vel
futúrum jam exutos corpore suscépit,
intercedéntibus ómnibus Sanctis
tuis, pietatis tuæ cleméntia, ómnia
delictórum suórum véniam conse-
quántur. Per Dóminum nostrum

Jesum Christum, Fílium tuum, qui tecum vivit et regnat in unitáte Spíritus Sancti, Deus, per ómnia sæcula sæculórum. **R.** Amen

V. Dómine, exáudi orationem meam. **R.** Et clamor meus ad te véniat.

vel: **V.** Dóminus vobíscum. **R.** Et cum spíritu tuo

V. Exáudiat nos omnípotens et misericors Dóminus. **R.** Amen

V. Et fidélium ánimæ per misericórdiam Dei requiéscant in pace.
R. Amen

Litaniæ in omne tribulatione

Ad usum privatum

Virgo audi nos. Virgo exáudi nos.
Patris de cælis amíca beáta, miserére nobis.

Filiæ Dei Mater honorificáta, mis-

erére.

Spíritus Sancti ope fecundáta, miserére.

Sanctæ Trinitatis habitatio delicáta, miserére.

Super omnes Ordines beatórum spirítuum exaltáta, miserére.

Quæ Ioánnis Baptistæ infántia fuísti lætificáta, miserére.

A Patriárchis expectáta, miserére.

A Prophétis prænuntiáta, miserére.

Cum Apóstolis in coenáculo sociáta, miserére.

Cum Martýribus martýrio conse-cráta, miserére.

A Confessóribus laudáta, miserére.

A Virgínibus amáta, miserére.

Cum María Magdaléna in cruce lacrimáta, miserére.

Super omnes sanctos et sanctas sanc-tificáta, miserére.

Sancta María ab Angelo salutáta,
miserére.

Sancta Maria, ora pro nobis.

Manna sapóris, ora
Ardor amóris, ora
Ramus odóris, ora
Imperátrix honóris, ora
Advocáta peccatóris, ora
Sancta Maria, ora.

Margaríta pretiosa, ora
Aula delitiosa, ora
Regína gloriosa, ora
Iánua speciosa, ora
Angelis iocosa, ora
Sancta Maria, ora.

Mater elécta, ora
Ab ætérno dilécta, ora
Régula recta, ora
In sublíme erécta, ora
Amíca perfécta, ora

Sancta Maria, ora.

Mamilla mellita, ora
Angélica vita, ora
Rosa redimita, ora
In suprémo sita, ora
Amóre ignita, ora
Sancta Maria, ora.

Mitis ut agna, ora
Alma quam génuit Anna, ora
Restáurans Evæ damna, ora
Iubilátio magna, ora
Angelórum dulce manna, ora
Sancta Maria, ora.

Miranda creatura, ora
Alta genitura, ora
Regni tenens iura, ora
Intus et extra pura, ora
Amicitiæ iunctura. ora
Sancta Maria, ora.

Misericórdiæ vena, ora
Altitúdo seréna, ora
Rosa grátia plena, ora
In muliéribus lux amoéna, ora
A te liberémur a poena, ora
Sancta Maria, ora.

Mira Mamílla, ora
Altíssima ancílla, ora
Regína Sybilla, ora
In cruce madens maxilla, ora
Ardens amóris favilla. ora
Sancta Maria, ora pro nobis.

Mater Dómini, ora
Ardua spes hómini, ora
Recomendáta Númini, ora
Inimíca dæmóni, ora
Angelórum planta ágmini, ora
Sancta Maria, ora pro nobis.

Mater Dei María tu ánimæ
medicína.

Ad nos María tu nobis aures inclína.
Rege nos María tu Regína.
Illúmina nos María tu lux divína.
Accénde nos María Stella matutína.

Sancta Maria, ora pro nobis.
Propítia esto María piíssima, ora pro
nobis Dómina.
Propítia esto María dulcíssima, ora
pro nobis Dómina.
Per sacrum diem nativitátis tuæ.
℟. Succúrre nobis Dómina.
Per sacrum votum tuæ virginitátis.
℟. Succúrre.
Per sanctam infántiam tuam, Regína
puella. ℟. Succúrre.
Per sanctam oboediéntiam tuam,
Virgo Maris stella. ℟. Succúrre.
Per sanctos novem menses quibus
Dei Fílium in útero portásti. ℟. Suc-
cúrre.
Per sanctum puerpérium tuum

quando Púerum lactásti. R. Succúrre.

Per gáudium quod habuísti cum
a Magis cum Púero invénta fuísti.
R. Succúrre.

Per sanctam oblatiónem in templo
humilitátis exémplo. R. Succúrre.

Per sanctos septem annos quibus
stetísti in Ægýpto cum Filio tuo
benedícto. R. Succúrre.

Per sanctos tres dies quibus cum
dolóre illum quæsivísti. R. Succúrre.

Per sanctum diem Sábbati quando fi-
dem custodísti. R. Succúrre.

Per sanctum diem, quo in coelum as-
súmpta fuísti. R. Succúrre.

Peccatóres María nos exáudias, R. Te
rogámus audi nos.

Ut per te Beáta semper sit Ecclésia in
statu grátiae confirmáta. Te rogámus.

Ut Ordinem Prædicatórum sócies
inter órdines angelórum. Te rogá-

mus.

Ut tibi et Fílio tuo vivámus cum castitátis lílio. Te rogámus.

Ut per cuncta sácula firma sit nostra Régula. Te rogámus.

Ut per te Gloriósa nostra orátio sit fructuósa. Te rogámus.

Ut convéntus noster tibi pláceat, plena grátia. Te rogámus.

Ut in amóre concórdes ad nos convertas óculos misericórdes. Te rogámus.

Ut tuos semper amícos amáre et conservare dignérис. Te rogámus.

Ut ad nostras preces atténdas et úbera Fílio tuo pro nobis osténdas. Te rogámus.

Ut fructu ventris tui nos fáciás semper frui. Te rogámus.

Fília Dei María. Nos réspice.

Fília Ioáchim María. Nos dílige.

Fília Annæ María. Nos súscipe.

Agna Dei tu porta spei. Porta nos ad
Fílum.

Agna Dei nos iungas ei. Virginále
lílum.

Agna Dei da requiéi. Regnum post
exílum.

Amen.

Litaniæ Sancti Ioseph

Sancta María, ora pro nobis.

Sancte Míchaël, ora.

Sancte Ioseph, ora.

Proles David ínclyta, ora.

Lumen Patriarchárum, ora.

Dei Genetrícis Sponse, ora.

Custos pudíce Virginis, ora.

Fílli Dei nutrície, ora.

Christi defénsor sédule, ora.

Almæ Familiæ præses, ora.

Ioseph iustíssime, ora.

Ioseph castíssime, ora.
Ioseph prudentíssime, ora.
Ioseph fortíssime, ora.
Ioseph oboedientíssime, ora.
Ioseph fidelíssime, ora.
Spéculum patiéntiæ, ora.
Amátor paupertátis, ora.
Exémplar opíficium, ora.
Domésticæ vitæ decus, ora.
Custos vírginum, ora.
Familiárum cólumen, ora.
Solátium miserórum, ora.
Spes ægrotántium, ora.
Patróne moriéntium, ora.
Terror dæmonum, ora.
Protéctor sanctæ Ecclésiæ, ora.

Agnus Dei, qui tollis peccáta mundi,
parce nobis, Dómine.
Agnus Dei, qui tollis peccáta mundi,
exáudi nos, Dómine.
Agnus Dei, qui tollis peccáta mundi,

misérere nobis.

V. Constítuit eum dóminum domus suæ. **R.** Et príncipem omnis posses-siónis suæ.

Orémus. Deus, qui in ineffábili providéntia beátum Ioseph sanctís-simæ Genetrícis tuæ Sponsum elígere dignátus es, præsta, quæsumus, ut quem protectórem venerámur in ter-ris, intercessórem habére mereámur in cáelis. Per Dóminum nostrum Iesum Christum Fílium tuum: Qui tecum vivit et regnat in unitáte Spíri-tus Sancti Deus per ómnia sáecula sæculórum. Amen.



INDEX GENERALIS

Orationes principales	5
In nomine Patris	5
Pater Noster	5
Ave Maria	6
Credo	6
Symbolum Nicaeno-Constanti- nopolitanum	7
Symbolum Athanasium	9
Orationes quotidianæ	15
Preces matutinæ	15
Iam Lucis	16
Domine Deus omnipotens . .	17
Dirigere et sanctificare	18
Concede mihi	18
Benedictio et meditatio	21
Preces vespertinæ	23
Te lucis	23
Examen conscientiæ	23
Initium S. Evangelii s. Joannem	25

Visita, quæsumus	26
Variæ Occasiones	28
Sanctum Rosarium	28
Corona Divinæ Misericordiæ .	33
Ante prandium	34
Post prandium	35
Ante cenam	36
Post cenam	38
Veni, Sancte Spiritus	38
Veni, Creator Spiritus	40
Invocatio Spiritus Sancti	42
Invocationes	43
Adsumus	46
Itinerarium	48
Ante studium	52
Domine, fac me servum pacis tuæ	53
Canticum Moysis	54
Dies Iræ	57
Officium Defunctorum	60
Ad Matutinum	60

Ad Laudes	96
Ad Vesperas	103
Opera poenitentialia	108
Confiteor	108
Ante Confessionem	109
Post Confessionem	111
Vexilla regis	112
Versus de Passione D.N.J.C. . .	113
Oratio ad Iesum crucifixum . .	117
Psalmi Poenitentiales	118
PSalmus 6 [1]	118
PSalmus 31 [2]	120
PSalmus 37 [3]	122
PSalmus 50 [4]	125
PSalmus 101 [5]	128
PSalmus 129 [6]	132
PSalmus 142 [7]	133
Devotio Eucharistica	137
Ante Missam	137
Oratio S. Thomæ Aquinatis . .	137

Oratio S. Ambrosii	139
Oratio Joannis Chrysostomi . .	141
Judica me	143
Post Missam	144
Oratio S. Thomæ Aquinatis . .	144
Oratio Sancti Bonaventurae . .	146
Perceptio corporis tui	148
Anima Christi	149
Ave Verum	149
Adoratio	150
Verbum supernum prodiens .	150
Pange lingua	151
Adoro te devote	154
 Beata Virgo Maria	 156
Angelus	156
Memorare	157
Sancta Maria, regina cælorum	158
Stabat Mater	159
Antiphonæ	162
Sub Tuum Præsidium	162
Inviolata	163

Regina Cæli	163
Ave Regina Cælorum	164
Salve Regina	165
Alma Redemptoris Mater . . .	166
Officium parvum B. Mariæ Virginis	168
Ante Officium	168
Ad Matutinum	169
Ad Laudes	185
Ad Primam	200
Ad Tertiam	206
Ad Sextam	211
Ad Nonam	216
Ad Vesperas	221
Ad Completorium	234
Sanctos Domini	242
Sancte Michæl Archangele . .	242
Virginum custos	242
O lumen	243
O spem miram	244

Ave, florum flos	245
Doctor angelice	246
Commune	247
Litaniæ	254
Litaniæ Lauretanæ	254
Litaniæ sanctissimi nominis . .	258
Litaniæ sacratissimi Cordis . .	263
Litaniæ pretiosissimi Sanguinis	267
Litaniæ Sanctorum	270
Litaniæ in omne tribulatione .	286
Litaniæ Sancti Ioseph	294



Fontes

1. www.preces-latinæ.org
2. Libellus precum ad usum fratrum
Provinciæ Bohemiæ OP, Pragæ, 2013
3. Libellus Precum ad usum fratrum
O.P., Romæ, 1952
4. The Raccolta, St. P. Neri Oratory,
1910
5. la.wikisource.org
6. thelatinlibrary.com
7. www.divinumofficium.com
8. J. Chrysostomus Op. O. V.12, 1838
9. brroman.github.io/accenteur
10. Liturgia Horarum, ed. II, 1985
11. Enchiridion indulgentiarum ed.IV